

APASOL

Bi Jiysis Minim Dand Amemb Gok Yerer Giyak Kesim

Minim Nind Niņep

Baybol buk day “Apasol” apun biy, bi Luk, bi Jiysis minim dand amemb gok, giyak giyak rek kesim dey niņrep gak rek tikak. Nuk nep Jiysis Krays minim tep “Luk” apun ak kunep tikak.

Minim Ar Keykey Mindip Rek:

Jiysis Nop ker amniņg angak minim ak mindip, chapta 1:1-14.

Jiwdas kumek bi kisen bap tip nup dak minim ak mindip, chapta 1:15-26.

Jerusalem mindeyak Gor Kawnan nuk yokek kuyip ker owak minim ak mindip, chapta 2:1–8:3.

Jiysis nup minim ak miñmon Jiwdiya yip, Samariya yip angñiyak minim ak mindip, chapta 8:4–12:25.

Pol Gor nup woņg gak minim ak mindip, chapta 13:1–28:31.

A. Pol nind girangyiņg Gor minim angñak minim ak mindip, chapta 13:1–14:28.

B. Pol, Banabas yip, bi biynimb Krays ker Jerusalem kond mindeyak gok sek mitiyņ yomb ak giyak minim ak mindip, chapta 15:1-35.

C. Pol namb ak girangyiņg Gor minim angñak minim ak mindip, chapta 15:36–18:22.

D. Kisen am girangyiņg Gor minim angñak minim ak mindip, chapta 18:23–21:16.

E. Pol Jerusalem amek, nup kalambis ay dand Sisariya amey kor niņiy, kisen dand Rom amniyak minim ak mindip, chapta 21:17–28:31.

1 1-2 Mam Tiyoپیلاس. Yand nip minj nind tiknik ak; Jiysis nup tikey yomb giy, tikjak woņg gi mind dand amiy, woņg yerip yerip gak, minim yerip yerip biynimb gok kuyip angñak ak, nip angnik. Kisen nuk Nop miñmon amniņg, Nop Kawnan ak gos ñakniņ, bi minim nup dand

amemb gok kuyip angñirep giy amnak. ³Pen kumiy tikjakij, binuk gok mindyakniñ, ñin kuñaynep misen giy, kuyip Gor biynimb diy kond mindeningamb minim ak angñiyiñgip. Pen nuk yerer gak ak niñiy, ak Jiysis nep kumiy tikjakip anggiy, niñrep giyak. Pen kumiy tikjakij, ñin jiwiy andikij onep kañgol piskind (40) ak man ar biy mindiy, aranjak semb biyoñ amnak.

⁴Pen kumiy tikjakij, man ar biy mindiyngip ñin kun gok, ñin bap ap binuk gok yip mindiy angak, “Nimbip nind angnik rek, Bapiy Kawnan nuk ak nimbip yokningamb ak mey; miñmon Jerusalem biy nep kond mindenimimb. ⁵Jon bi ñiñg pikñemb ak, nimbip ñiñg anep pikñak ak pen; Bapiy nimbip Kawnan nuk ak yokningamb. Ñin kun ak mañ mindip, kond mindenimimb angak.”

Jiysis Nop Miñmon Aranjak Amnak

⁶Pen ñin bap, Jiysis binuk gok mindyak siñak misen gek, nup anggak, “Biyomb. Nand miñiy kiñ chin mindey, miñmon Yisrel biy tip ak key kond mindiy, miñmon gunap kond mindiy giniñgambun?”

⁷Anggak, kuyip angak, “Kond mindeningambim ñin kun ak, tap nimbik niñep rek niñnimimb; Bapiy nuk key gek niñningambim. ⁸Pen Bapiy Kawnan ak ap nimbip kond mindakniñ; nimb am Jerusalem biynimb, Jiwdiya biynimb, Samariya biynimb, biynimb miñmon okok mañgiysek, yand yerer gipiyn ak kuyip angñiningambim angak.”

⁹Kun anggakniñ, Nop nup dand aranjak semb biyoñ amnak. Binuk gok niñmindyakniñ, semb band ak ap nup yiwgak.

¹⁰Pen kun giy kuyonggiy niñmindyakniñ, bi chech tund tep yimb yimrik omiñal ap mindeyak mañ siñak misen giy, angrik, ¹¹“Galiyliy biynimb. Yenen semb biyoñ niñmindpim? Jiysis andkind winiñgamb ñin ak, giy amimb rek nep winiñgamb angrik.”

Jiwdas Kumek Matayas Nup Diyak

¹²Bi omiñal kun ak, kun anggiy amnirikniñ, kiyk miñmon Oliyp dum mindeyak ak kirgiy, Jerusalem amniyak. ¹³⁻¹⁴Am mindiy, Gor nup angniñning, kinyiñgipay korip ar biyoñ miñgan ak nan-giy, Gor nup angniñyngipay. Biynimb kun gok mey: Piya, Jon, Jemis, Enjriw, Piyliyp, Tomas, Batlomiwiw, Matyiw, Alpiyas ñinuk Jemis ak, Saymon Selot ak, Jemis ñinuk Jiwdas ak, Jiysis nonim Mariya ak, Jiysis numam sikop ak, biyn gunap sek.

¹⁵Pen ñin kun siñak, biynimb wan handret tiwendiy rek ap nan-giyakniñ, Piya tikjakij kuyip angak, ¹⁶“Mam ay sikop niñim. Gor Kawnan ak wosrey Depiyt nup gos ñek, Jiwdas bi Jiysis nup mimung niñak anup giniñgamb rek anggiy tikek, miñiy angak angak rek nep gisap. ¹⁷Jiysis bi Jiwdas kun ak dek chin yip mindiy, Gor woñg ak jimñiy

giyinjipun ak pen; ¹⁸kisen nuk Jiysis nup mimung ninjiy, maniy dak ak dand amiy, mankumb bap tawiy, mind dand amiy, nin bap apyap pikek, kongiy nup ak pikjakiy, simbwur gok liming mis amek kumak. ¹⁹Kun giy kumek, Jerusalem biynimb mangiysek ninjiy, mankumb tawiy kumak kun ak, yimb Akeldama angyak. Akeldama angyak minim kiñing ak, likañ yowak miñmon angyiy angyak. ²⁰Pen Piyta angak, “Depiyt wosrey Baybol buk day Sam apay ak tikiy angak, ‘Biynimb gunap miñmon nuk kun ak, ma am mindenijiy angak.’” Minim bap pen angak, ‘Wong nuk ak, bi bap pen dinimuj angak.’ ²¹⁻²²Angak kun ak, chin bi bap ninjiy dinjun. Bi kun ak bi yikop bap mer; bi chin yip per tangiy, Jon Jiysis nup ning pikñak ak ninjiy, mind dand amiy, Jiysis kumiy tikjak semb biyon amek nijak bi bap ninjiy dinjun. Bi kun ak rek don mey, Biyomb Jiysis kumiy tikjakak minim ak, angñirep giningamb angak.”

²³Piyta kun angek, binak Matayas yip, Josep Jastas yip kuyip angayak. Pen Josep nup nin gunap ‘Basabas’ angyingipay. ²⁴⁻²⁵Bi omiñal kun ak, kun giy angay, Jiysis nup angninjiy angyak, “Biyomb. Jiwdas nind timey giy kumak ak, tip nup ak an dinimuj angyiy bi omiñal biy angaypun. Kun ak nand biynimb mangiysek gos ninjiy gipay rek niñban ak mey, nip angnisipun! Nand key ‘Bi ak angey,’ ninjiy dinjun angyak.” ²⁶Kun angyiy, sandiw rek giy, Matayas wiyn giy, Jiwdas tip nup ak dak.

Gor Kawnan Owak

2 ¹Biynimb Jiysis nup gosimb niñyak gok, Pendiynos nin yomb ak miñiy wip angyiy, ap korip mingga nokom bap mindeyak. ²Kun giy mindyakniñ, giw yomb ak semb ar biyon angyiy, yingen rek diy, korip mindeyak ak apek, mangiysek niñyak. ³Pen won kun anep mon mañlan biñ rek ak apiy, kuyip jun ar keykey amnakniñ, ⁴Gor Kawnan ak kuyip bak ayek, minim yimb ar keykey angyak.

⁵Nin kun ak, Jiwda biynimb wikan keykey ap Jerusalem nan-gi mindeyak ak mey, ⁶giw yomb kun ak angek ninjiy, yergip angyiy, biynimb kuñaynep kasek korip kun ak apiy niñyak: minim yimb ar keykey yipund giy nep angeyak. ⁷⁻⁸Kiyk ninjiy, wal angyiy angyak, “Biynimb guniy mangiysek Galiyliy nimb ak pen; yergiy minim yimb chin keykey apun rek yipund giy aspay? ⁹Chin gunap Patiya nimb, gunap Miydiya nimb, gunap Yilam nimb, gunap Mesopotemiya nimb, gunap Jiwdiya nimb, gunap Kapadosiya nimb, gunap Pontas nimb, gunap Esiya nimb, ¹⁰gunap Priysiya nimb, gunap Pampiyliya nimb, gunap Yijip nimb, gunap miñmon yomb Liybiya, Sayriyniy gol okok nimb. ¹¹Chin gunap Jiwda yipund giy yimb; gunap miñmon Rom nimb winuk ak pen, Jiwda biynimb gipay rek ak gipun. Gunap Kriyt nimb, gunap Areybiya nimb. Pen Gor kuyip key yimb gek, minim yimb chin keykey mindip rek ak angey niñsipun angyak.” ¹²Kun angyiy, gos kuñay niñyinj, pen angninek, pen angninek

giy angyak, “Key yimb gisap kun ak yergining gisap angyi,” gos kunjay yimb niñyak. ¹³Pen biynimb gunap angyak, “Ak ñiñg wayn kunjay ñimbiy, sakiy ay aspay angyak.”

Piyta Minim Anḡṅak

¹⁴Kun anḡeyak, Piyta bi Jiysis minim dand amemb gunap yip tikjakiy, menḡ mingan dand araniy anḡak, “Nimb Jiwda biynimb diy, Jiwda biynimb mer gok diy, Jerusalem mindpim gok, minim aspiyn ak niñim. ¹⁵Chin minim yimb keykey aspun ak, ñiñg wayn ñimbiy ma aspun. Ñiñg wayn ak pumb kisen owip won ak ma ñimbay; dunḡep won anep ñimbay. ¹⁶Chin pen minim yimb keykey anḡambun niñsipim kun biy, bi Gor minim anḡep Jowel, wosrey angyi tikak rek nep gip. ¹⁷Nuk minim kun ak tikiy anḡak:

‘Gor anḡip, “Ñin kisen ak biynimb mañgiysek okok biyn piñ, bi paranj, biyn yomb, biyomb gok kuyip; Kawnan yand ak yokningayn. Bi paranj gok day niñningambay. Biyomb gok wisin niñningambay. Ñi, pañ gok, minim tep yip ak miseñ angyikningambay. ¹⁸Ñin kun ak, biyn bi yip woñḡ giñimbay gok kuyip, Kawnan yand ak yoken, minim tep yip ak biynimb okok kuyip anḡñiniñgambay. ¹⁹Pen semb biyoñ tap key yimb gunap giy, man ar biy tap mageprek gunap key giniñgayn. Pen likañ giy, mon yiniy, sikum yomb giy giniñgamb. ²⁰Takin ak likañ giy, pumb ak melik ma giniñgamb. Kun gek, kisen mey, ñin yand Biyomb yimb mindiy winiñgayn ak winiñgamb. ²¹Pen biynimb yip anḡniñningambay gok, kuyip diniñgayn anḡip” anḡak.’ ”

²²Piyta Jowel tikak minim kun ak anḡjiwiñ anḡak, “Nimb Yisrel biynimb. Minim anḡniñg gispiyn biy niñnimimb. Jiysis bi Nasaret nimb ak, bi yikop mer; Gor nep nup yokek owak. Ñiyand ak yoken, tap mageprek gek niñiy, Gor Ñinuk nep anḡniñgambay anḡiy, yokek apiy, tap mageprek gok gek niñbim. ²³Nuk giniñgambim rek niñiy, Ñinuk Jiysis nup di ñin ar nimbip ak ayek; dam biynimb Gor minim ma niñbay gok kuyip ñembik, mon kiros bak biyoñ ñanḡbirik ayey kumak. ²⁴Yiwur yomb diy kumak ak pen, pisnep lum namb okok mindiy, kuyiñḡ yownimuñ rek ma ayak. Nop gek tip ak tikjakak. ²⁵Pen Depiyt wosrey Jiysis nup minim ak tikiy anḡak:

‘Bapiy yand. Yip per aymindpan rek, tap bap yip ginimuñ rek ma ayip. ²⁶Kun gip ak, yip tep gek, miñmiñ yimb gipiyn. Kumniñ kunep ma pirikpiyn.

²⁷‘Yip anḡiy “Ñi suñ-tep yand ak biynimb kumbay gok yip mindiy ma kuyiñḡ yowniñgamb apan” ak, yip tep gip. ²⁸Permindep kinjeñ ak yip yomnak rek, nand yip perper mindiy, miñmiñ giniñgayn anḡak.’ ”

²⁹Piyta minim kun ak anġiy anġak, “Mam ay sikop. Nimb key niġrep gipim. Basind yes chin Depiyt, bi minim tikak kun ak kumek, komyak kaw miġnan ak, miñiy kunep niġbun. Kun ak nuk key ma anġak. ³⁰Pen nuk bi Gor minim anġep ak mey, nuk niġak: Gor nup niġind yimb anġiy anġak, “Ñi nand tikey, kiy tikey amiy apiy giniġgamb gok, kisen ñi bap nand kiyġ mindpan rek mindiy, biynimb kond mindeniġgamb anġak.” ³¹Gor anġak kun ak mey, Depiyt niġak: kisen Krays kumiy pisnep kuyiġ yownimuj rek ma ayak. Gor gek tip ak tikjakniġgamb rek niġiy minim kun ak anġak.

³²Gor gek, Jiysis tip ak tikjakek, windin chin key niġiy aspun. ³³Nuk tikjakek, Nop Ñi tep yand anġiy, dand amiy, ñin yipund kind okok ken ayek, nuk yip mindiy, Nop nind anġak rek Kawnan ak yoker mey; ap giw yomb anġek, minim keykey aspun biy niġsipim. ³⁴Pen Depiyt minim anġak kun ak, nuk key ma anġak. Nuk biy mindiy, semb ar biyoġ ma amnak. Pen nuk minim gunap tikiy anġak:

‘Biyomb ak Biyomb yip ak nup anġak, “Ñin yipund kind yip okok ken mindenimin mey; ³⁵yand gen biynimb nip yiruk niġbay gok, talak miġnan nand okok mindeniġgambay anġak.’

³⁶“Depiyt minim anġak kun ak, nimb Yisrel biynimb niġrep ginimimb. Jiysis bi mon Kiros bak biyoġ ñanġbirik aypik ak nup, Gor gek Biyomb yimb mindip. Nuk nep Kiyġ yomb key yimb per kond mindiyiġipun ak anġak.”

³⁷Piyta minim kun ak anġek, biynimb mindeyak gok gos kuġay yimb niġiy; Piyta sek, Jiysis minim dand amemb binuk gunap sek kuyip anġyak, “Kun ak mam sikop: chin miñiy yerginjun?”

³⁸Anġeyak, Piyta anġak, “Nimb nokom nokom mindpim rek, tap siy tap timey gipim ar ak kirgiy, Jiysis nup gosimb niġiy, ñiġ piknimimb. Kun geniġgambim, Gor tap siy tap timey gipim ak niġiy kirgiy, Kawnan nuk ak nimbip yokniġgamb. ³⁹Gor wosrey anġak, ‘Kawnan yand ak nimbip Yisrel biynimb yokiy, ñapan nimb tikayniġgambim gok yokiy, biynimb okok kuyip yokiy giniġgayn anġak.’ Kun ak niġbun. Gor biynimb nuk diniġ gip gok kuyip maġiysek, Kawnan nuk ak yokniġgamb anġak.”

⁴⁰Piyta kuyip simb niġiy, minim gunap anġiy anġak “Nimb biynimb gunap monmon gipay rek kirgiy, mindrep ginimimb. Mer ak, yiwur yomb diniġgambim anġak.” ⁴¹Piyta ñin kun ak, kun giy anġek, biynimb kuġaynep, chiriy tawsin (3000) rek, Jiysis nup gosimb niġiy, ñiġ pikyak. ⁴²Kun ak bi Jiysis minim dand amemb minim anġniyiġipay ak niġrep gun anġiy, anġ amiy apiy giyiġ, biret tipanġ jimñiy ñimbyiġ, Gor nup anġniyiġ mindiyiġipay.

Jiysis Biynimb Nuk Gok Giyiġipay Rek

⁴³Gor bi Jiysis minim dand amemb gok kuyip kond mindakniġ, tap mageprek gunap geyak, biynimb maġiysek jel pirikyak. ⁴⁴Biyimb

Jiysis nup gosimb niŋyak gok jimñiy mindiy mey, biynimb an tap kuyip tikdak gok, biynimb gunap monmon ñiyak. ⁴⁵Mankumb, tap okok kunep yokiyŋ, maniy diy, biynimb tap ma mindek gok kuyip bilok ñiyak. ⁴⁶⁻⁴⁷Minek minek, Gor nup yimb ak dand araniŋ; Gor aŋgniŋep korip ak am nan-giyŋgipay. Pen korip kiyk okok kunep nan-giy, Gor nup yimb dand araniŋ, biret tipaŋgiy, miñmiñ giyiŋ, tap jimñiy ñimbyiŋgipay. Biynimb yikop gok kuyip niŋey tep gak. Gor gek minek minek biynimb gunap sek apey, Jiysis nup gosimb niŋiy, ap biynimb nuk mindnimb gok yip jimñiyiŋgipay.

Bi Tomb Timey Gak Ak Suŋ Ayak

3 ¹⁻³Bi nonim tikak ñin anep tomb timey gak bap nup, minek minek dand apiy; Gor aŋgniŋep korip kinjeŋrumb yomb, kil tep giyak gol siŋak ayey, bisinŋ mindyiŋgip. Mindyiŋ, biynimb Gor aŋgniŋep korip miŋgan apiy amyiŋgipay gok kuyip, maniy nen asimbi aŋgiyiŋgip.

Pen minek bap, Piyta yip, Jon yip pumb kuyim gak won ak, Gor nup aŋgniŋniŋ, apiy pandikrikniŋ, bi tomb timey gak kun ak kuyipmiŋay niŋiy aŋgak, “Yip tap gunap ñiy aŋgak.” ⁴Aŋgek, kiymiŋay nup niŋyiŋsek ay mindyiŋ, Piyta aŋgak, “Chirupmiŋay niŋan aŋgak!” ⁵Aŋgek, yip tap ñiniŋ gispiyr aŋgiy, niŋmindek, ⁶Piyta aŋgak, “Maniy yand ma mindip; pen tap nokom bap nip giniŋgayn. Jiysis Krays Biyomb Nasaret nimb ak mindip rek, nip aspiyn, ‘Tikjakiy saŋdan!’ ” ⁷Kun aŋgiy, ñin yipund kind nup ak diy, di jakñakniŋ, won kun anep, ñin tomb nup gok suŋ ayek, ⁸Gor nup tep yimb aŋgiyiŋ, talak talak giyiŋ, kiymiŋay yip Gor aŋgniŋep korip miŋgan ak amnak. ⁹⁻¹⁰Kun gek, biynimb mindeyak gok, bi tomb timey per ap kinjeŋrumb kil tep giyak gol siŋak mindyiŋ, maniy tap gok nen asimbi aŋgip ak, yergiy tomb yimb tawiy asaw aŋgiy, gos kuŋay niŋyak.

Piyta Minim Aŋgñak

¹¹Won kun ak, bi kun ak nuk, Gor aŋgniŋep korip mis ar; Solomon korip bandak band aŋgiyiŋgipay miŋgan ak mindiy, Piyta yip, Jon yip kuyip namb namb dakniŋ, biynimb kuŋaynep kasek ap niŋiy, gos kuŋay niŋyak. ¹²Kun geyak, Piyta aŋgak, “Yisrel biynimb. Chirup yenen niŋiy wal aspim? Kiymiŋay bi suŋ-tep omiŋal kun ak key yimb ak mey; gambiyr, bi kun biy kinjeŋ tasap aŋgiy gos ak niŋsipim? ¹³Ak mer. Basind chin Ebrahim, Aysek, Jekop bi gok aŋgniŋyiŋgipay Gor ak nep gek suŋ ayip. Nuk gip kun ak, Ñinuk Jiysis yimb ak dand araniyaŋ aŋgiy gip. Nimb pen, Ñinuk kun ak nup ma dipik. Nup mon kiros bak biyoŋ ñaŋgbirik ayniŋ giyak ñin ak, gapman biyomb Paylat wisik yokiyn aŋgek, ¹⁴⁻¹⁵nimb nup kirgiy, bi biynimb pikayep ak nup wisik yokiy, bi tap siy tap timey ma giy, biynimb gek perper mindipay ak nup pisnep

pikaypik. Kun gipik ak pen; Gor gek tip ak tikjakiy kim mindip ak, chir niñiy aspur.

¹⁶“Bi tomb timey per niñbim biy, miñiy suñ ayamb niñbim. Bi Jiysis kun ak nep chirupmiñay gos ñek, gek suñ ayningamb angyi di jakñirukniñ, gek suñ ayip.

¹⁷“Pen mam ay sikop. Nimb biyomb nimbik gok yip, sakiy sek mindembik ak mey, Jiysis nup kun gipik. ¹⁸Pen Gor, bi minim nup angep gok kuyip wosrey gos ñek angyak, ‘Kisen Kiyñ yomb key yimb ak yiwur yomb yimb diy, kumningamb angyak’ ak mey; angyak rek nep gipik. ¹⁹Pen tap yerip yerip timey gipim ak, Gor niñmindip. Kun ak tap siy tap timey gipim ak kirgiy, gos kisenimb ar ak niñeningambim; Gor tap siy tap timey gipim gach ak wiykyokek mey, nuk yip jimñiy mindiy tep gakniñ mindeningambim. ²⁰Kun giy mey, Ninuk Jiysis ‘Nimbip nen yokiyn angyi’ kond mindip ak yokningamb. Kiyñ yomb key yimb ak, Jiysis nep. ²¹Pen bi Gor minim angep gok wosrey angyak rek, nuk semb biyoñ mindip rek mindiy, kisen tap mankumb biy mindip gok tip ak girep gining winingamb. ²²Bi Gor minim angep Mosis angak, ‘Gor kisen bi minim nup angep yand rek bap yokek, minim angningamb ak niñrep ginimimb. ²³Biynimb ma niñningambay gok, biynimb nuk yimb gok yip jimñiy ma mindeningambay angak.’

²⁴“Bi Gor minim angep Samwel sek, bi Gor minim angep kisen wiyak gok sek minim angyak gok, miñiy mindpun ñin namb biy angyak. ²⁵Bi minim angyak kun gok, ñapan tikey, kiy pen tik dand amiy, tik dand amiy tikey mey, chin mindpun. Kun ak minim chinup bap Gor basind Ebrahim nup giningayn angyi minim angayak. Nup minim angay angak, ‘Ñapan nand tikey, kiy tik dand amiy apiy giy tikningambay gok, bap mindek mey; biynimb okok mañgiysek tep giningamb angak.’ ²⁶Pen, Gor Ñinuk ak yokning angak, Yisrel biynimb kuyip nind yoken mañgiysek mindpay rek tap siy tap timey gipay ak kirgiy, mindrep giningiy angyi’ yokek awak angak.”

Piyta Yip Jon Yip Kuyip Kor Giyak

4 ¹⁻³Piyta yip, Jon yip Jiysis kumiy tikjakak minim ak angnirikniñ, bi Gor nup simbongep yomb gok sek, bi Sanjiwsiy gok sek, Jiwda poliys kond mindep yomb ak sek minim angnrik kun ak niñiy, biynimb gunap kumiy ma tikjakpay ak yenen minim kun ak angnispiyr angyi, miluk yapek di kalambis ay; miñiy dungep won biy mer, toy kor gep angyak. ⁴Pen minim angnrik ñin kun ak, biynimb kuñay yimb nep, Jiysis nup gosimb niñyak. Biyn gok sek mer, bi gok nep mey; payp tawsin rek amnak.

⁵⁻⁶Pen minek, Jiwda kanjsol nan-gining, per giyngipay rek, bi low tiysa gunap, bi Gor nup tap simbongep yomb gunap, bi kanjsol yikop

gunap ap nan-giyak. Pen Anas ak, Kayapas ak, Jon ak, Aleksanda ak, Anas biynimb nuk gunap sek minim angeyak namb kun ak, ap niñmindeyak. ⁷Kun giy niñmindyakniñ, Piya yip, Jon yip kuyip dap namb siñak ay angyak, “Bi tomb timey gak ak yergiy ger suñ ayip? Tap yerip ak angnijiy, tap mageprek kun ak gipiyr?”

⁸Angeyak, Piya Gor Kawnan yip mindek ak mey angak, “Nimb Yisrel biyomb gok sek, ⁹bi kanjsol yomb gok sek chirup bi tomb timey gak anup, yergiy ger suñ ayip angyi, angnisipim? ¹⁰Nimb Yisrel biynimb mangyisek, minim aspiyn ak niñrep ginimimb. Jiysis Krays bi Nasaret nimb ak nup, mon kiros bak biyonñ nãngrimbikaypik ak pen; Gor gek tip ak tikjakak. Bi kun ak nep angnijor, bi tomb timey gak kun biy nup gek pisnep suñ ayek, tangrep gisap. ¹¹Bi Jiysis kun anup mey, Baybol buk tikiy angyak,

‘Kamb par bi korip gep gok yiruk gek kirgiyak ak, miñiy korip sap nambyañ ak piñiyñiy mindip angyak.’

¹²Nop Ñinuk kun ak nep chinup angak ak mey; nup don, nuk gek, Gor biynimb nuk mindonñgambun. Pen biynimb gunap chinup di Gor yip jimñiy ayniñgiy rek ma mindip angak.”

¹³Piya kun giy angek, biyomb kun gok niñiy angyak, “Bi omiñal biy sikul ma angrik ak pen, minim kun biy ma pirikiy, monmon aspiyr. Jiysis yip tangyinqipay ak mey, kun gispiyr angyak.” ¹⁴⁻¹⁶Bi tomb timey suñ ayak ak, biynimb windin yirik ar ak mindakniñ, kuyipmiñay anğ giniñgiy rek ma ayek angyak, “Kanjsol korip biy kirgiy, mis biyañ amnimiyr angyak.” Kun angey, mis amerik, kiyk key angnij angnij giy angyak, “Bi omiñal biy tap mageprek ak ger, Jerusalem biynimb mangyisek niñbay. Kun ak kuyipmiñay yesek gipiyr angyi, anğjun rek ma ayip. ¹⁷⁻¹⁸Pen minim kun ak, biynimb gunap kunep anger niñniñgiy rek ayip ak, kuyip mer anğjun angyak.” Kun angyi, kuyipmiñay angey aper angyak, “Jiysis nup yimb ak kisen ma yimb angnimiyr angyak.”

¹⁹Kun angey, pen angrik, “Chir Gor minim nup ak kirgiy, minim nimbip ak niñor, Gor nup tep giniñgamb akan; nimb key niñim. ²⁰Pen Jiysis yerer gak, minim yerip yerip angak ak kirginjur rek ma ayip; biynimb gok kuyip anğñiniñgambur angrik.”

²¹⁻²²Kun angerik, Kanjsol biyomb gok gos key niñiy, bi biy simiy ñin jiwiy ñin jiwiy mindiy, kisen suñ ayip ak; biynimb gok Gor nup tep aspay. Bi omiñal kun biy kuyip, tap bap goniñgambun; kaljiwniñgambay angyi, kuyipmiñay yikop minim yomb angyi, anğ mis yokyak.

Biyimb Jiysis Nup Gosimb Niñyak Gok Gor Nup Angnijyak

²³Piya yip, Jon yip kuyipmiñay kun giy anğ mis yokey, kiyk am, Jiysis biynimb nuk gunap kuyip niñiy, bi kanjsol yomb gok, minim yerip yerip angyak ak anğñirik. ²⁴Angerik niñiy, mangyisek Gor nup angnijiy

angyak, “Nand Biyomb! Semb biyoŋ gay, man biy gay, ñiŋ solwara gay, tap yerip yerip mindip okok mangiysek gaynak. ²⁵Wosrey Kawnan nand ak basind Depiyt nup gos ñek, minim nip ak angiy angak:

‘Jiwda biynimb gok sek, Jiwda biynimb mer gok sek kaljiwi, Gor apiymiŋay yip penpen gun apay ak pen; kuyip apiymiŋay tap bap giniŋiy rek ma ayip. ²⁶Kiyŋ miñmon okok nimb gok sek, Jiwda biyomb gok sek minim ang jimñiy, Gor apiymiŋay yip penpen ginjun angiy, minj moka giy mindpay angak.’

²⁷Basind Depiyt, minim nip tikak kun ak niŋind yimb angiy tikak.

Gapman biyomb Herot ak, Ponsis Paylat ak, biynimb okok nimb gunap, Yisrel guniy nimb gunap ap minim ang ar nokom ay; Ñi nip Jiysis nup timey giyak miñmon Jerusalem biy. Bi yikop bap mer; Ñi tep nand Krays nup kun giyak. ²⁸Pen nind ‘Krays nup kun giniŋgambay angnak’ ak mey, yaw angey giyak; yikop ak kun ma gipyap.

²⁹“Bapiy yomb. Miñiy chinup minim kilis timey yimb aspay. Pen ak yikop aspay; nand mindpan. Chin biynimb nak yimb. Chinup kond mindenimin, ma pirikiy, minim nand ak biynimb okok kuyip monmon angñinjun. ³⁰Angñiyiŋg, Ñinak suŋ-tep ak chin yip nep mindiy, biynimb tap gip gok gon suŋ ay, tap mageprek gunap sek ginjun angyak.”

³¹Pen Gor nup kun giy angniŋ mindyakniŋ, korip mindeyak ak monmon rek diy, Gor Kawnan ak ap kuyip bak ayek, ma pirikiy, Gor minim ak monmon yimb angñiyak.

Biyimb Tap Pikasik Tep Giyak

³²Pen biynimb Jiysis nup gosimb niŋyak kun gok, minim ar nokom angiy, gos ar nokom niŋiy, tap kiyk yerip yerip mindek gok, tap chin asiy angiy ma niŋyak; tap chin jimñiy angiy niŋyak. ³³Bi Jiysis minim dand amemb gok, kilis giy angyiŋgipay, “Jiysis nup ñang ayey kumiy tikjakek, nup niŋnuk angyiŋgipay.” Gor kuyip direp yimb gak. ³⁴Kiyk bap tap gunap tikdek ma mindeyak; mangiysek tap mindek. Biynimb mankumb akaŋ korip gunap mindek gok, bap yokiy maniy diyiŋg, dam bi Jiysis minim dand amemb gok kuyip ñiyiŋgipay. ³⁵Kiy pen diy, biynimb tap ma mindek gok kuyip bilok ñiyiŋgipay. Kun gey mey, biynimb gunap yimgeprek ma mindeyak; tap yerip tikdak ak mindek.

³⁶Pen bi Liypay kiñiŋ tik dand amiy tikyak bi bap, yimb nuk Josep. Miñmon nuk Saypras nimb. Bi kun ak nuk minim angñirep giyiŋgip rek, bi Jiysis minim dand amemb gok, nup Banabas angyak. ³⁷Josep miñmon nuk wikan bap anggek tawyakniŋ, maniy kun ak dap bi Jiysis minim dand amemb gok kuyip ñak.

Ananayas Ber Yesek Angrik

5 ¹⁻²Pen biber bap minderik. Nuŋgumiy yimb ak Ananayas, biynuk yimb ak Sapayra. Kiykber mankumb bap yoker, tawyakniŋ, maniy

kun ak piskind ak ay piskind ak nuṅgumiy dand amiy, bi Jiysis minim dand amemb onep wimiṅgan ak kuyip ñak.

³Pen nuṅgumiy maniy ak kun giy dap ñek, Piyta aṅgak, “Ananayas. Yenen Seytan yip mindiy, yesek aṅgiy apan, ‘Maniy maṅgiysek dand opiyn apan?’ Yesek apan kun ak, yip nep ma apan; Gor Kawnan ak nup kunep apan. Maniy nip mankumb tawpay kun ak, piskind ak weygiy opan. ⁴Mankumb kun ak, mankumb nak. Yokniṅ yokpinap; kirginiṅ kirgipnap. Pen yokey maniy tawembiyap; maṅgiysek dand winiṅ dand opnap. Piskind ak korip kiring winiṅ; kiring opnap. Nak yesek apan ak, chinup nep ma apan; Gor nup kunep apan aṅgak.”

⁵⁻⁶Piyta kun aṅgek, Ananayas won kun ak nep pisnep kumiy, apyap lum biyan pikak. Kun giy kumek, biynimb gok gak kun ak niṅiy, jel pirikyak. Pen bi paranj gok apiy, nup chech kom kom giy, dam komyak.

⁷⁻⁸Biynuk, nuṅgumiy nup kumek dam komyak kun ak ma niṅak. Nuk yep takiy won bap mindiy apchakek, Piyta nup aṅgak, “Mankumb nirber ak yoker, yerip yerip tawyak?”

Aṅgek aṅgak, “Mey bi ak dand wip rek tawyak aṅgak.”

⁹Kun aṅgek, Piyta nup aṅgak, “Nirber yenen minim ayniṅ ayniṅ giy, yesek apiyr? Gor Kawnan ak minim kun ak ma niṅningamb aṅgiy kun apiyr? Niṅan! Naṅgumiy kumamb, dam kombay bi gok, mindpay kinjeṅrumb biy. Nip kunep, dand amniṅ gispay aṅgak.”

¹⁰Kun aṅgakniṅ, won kun anep, pisnep kumiy, Piyta tomb aṅgin siṅak apyap pikak. Bi paranj tiwin nuṅgumiy nup dam komyak kun ak apiy niṅyak; biynuk kunep pisnep kumek, nup dand amiy nuṅgumiy nup komyak gol siṅak komyak. ¹¹Biynimb Jiysis ker mindeyak gok sek, biynimb yikop gok sek tap gak kun ak niṅiy, pirikyak.

Tap Mageprek Gunap Keykey Giyak

¹²Bi Jiysis minim dand amemb onep wimiṅgan ak, tap mageprek gunap biynimb namb okok giyiṅ mindeyak. Biynimb Jiysis nup gosimb niṅyak gok maṅgiysek ap nan-giyiṅipay; Gor aṅgniṅep korip mis ar “Solomon korip bandak band aṅgyiṅipay ak. ¹³Biynimb yikop gok, kuyip niṅey tep gak ak pen, Gor yip mindpay kun ak yergiy am kiy yip yiṅgong ginjun aṅgiy pirikyak.

¹⁴Pen minek minek biynimb gunap sek Jiysis nup gosimb niṅiy, biynimb nindnimb gok yip ap yiṅgong giyiṅipay.

¹⁵Jerusalem biynimb bi Jiysis minim dand amemb gok giyak rek niṅiy, biynimb tap gak gok dand kinjeṅ yomb gol ak apiy, minj dam miṅgan miṅgan par ay aṅgyak, “Piyta pandikek, pumb kawnan nuk ak, kuyip pikniṅeniṅgamb, suṅ ayniṅgamb aṅgyak” ¹⁶Biynimb miṅmon yep maṅ kun okok mindeyak gok kunep: biynimb tap gak gok diy, kichekiy malṅiluk sek mindeyak gok diy, dand wiyak. Dand apeyak, Piyta kuyip gek maṅgiysek suṅ ayak.

Bi Jiysis Minim Dand Amemb Gok Kuyip Kalambis Ayak

¹⁷Pen Piyta kun gek niñiy, bi Gor nup simbongep yomb yimb ak sek, bungiy nuk Sanjiwsiy gok sek bi Jiysis minim dand amemb gok kuyip miluk niñiy, ¹⁸miñ ay, dam gapman kuyip ñeyak; kalambis ayak.

¹⁹Kuyip kun giy dam kalambis ayak ak pen, ñin kun anep kisyim biyañ, Gor angek, enjol bap apiy, kinjeñ ak yikiy, kuyip angek mis amniyak. ²⁰Amey angak, “Nimb Gor angnieper korip ak amiy, biynimb gok kuyip, yerip gey Gor gek perper mindeningambay minim ak, angninimb angak.” ²¹Angek, miñmon tikakniñ, Gor angnieper korip ak amiy, enjol ak angak rek, biynimb gok kuyip minim angniyak. Kun giy angniyakniñ, Gor nup simbongep yomb yimb ak binuk gok sek, Jiwda biyomb gunap sek kuyip suk angek, ap kanjsol miytiyñ ak nan-giy, Jiwda poliys gok kuyip angyak, “Bi Jiysis minim dand amemb kalambis aypun ak, miñiy am poñind owim angyak.”

²²Angeyak, bi Jiwda poliys kun gok amiy niñyak: bi Jiysis minim dand amemb kun gok, ma mindeyak. Kun gek andkind apiy angyak, ²³“Chin amiy niñbun; kinjeñ ak giñiyak rek mindamb; bi poliys gok kunep kinjeñrumb ak niñmindambay ak pen, kinjeñ yikiy, korip miñgan biyañ amiy niñbun; bi bap ma yimb mindambay angyak.”

²⁴Kun angeyak, Jiwda poliys kond mindep yomb ak sek, Gor nup simbongep yomb gok sek niñiy, yergip angyiy, gos kuñaynep niñyak. ²⁵Kun giy niñmindyakniñ, bi bap apiy, kuyip angak, “Bi kalambis aypik gok, kiyk am Gor angnieper korip miñgan ak mindyiyñ, biynimb gok kuyip minim angnispay angak.”

²⁶⁻²⁷Kun angek, Jiwda poliys kond mindep yomb ak, poliys gunap poñind, bi Jiysis minim dand amemb kun gok diniñ amniyak. Amiy, Jerusalem biynimb chinup kamb jiw pikningambay angyiy, kuyip ma anğ giyak; kapkap poñind kanjsol ap nan-gi mindeyak ak wiyak. Poñind apeyak, Gor nup simbongep biyomb yimb ak kuyip angak, ²⁸“Nimbip Jiysis minim ak ma angnimimb angyiy, kilis giy apun ak pen; anğ mer niñiy kirpun! Nimb Jerusalem biynimb kuyip mañgiysek Jiysis minim ak angniyiyñ apim, ‘Kiyk nep nup pikayak angyiy angnimbim’ angak.”

²⁹Kun angek, Piyta binuk gunap yip angyak, “Biynimb minim apay ak ma diniñgambun; Gor minim ak diniñgambun. ³⁰⁻³¹Jiysis nup mon bak biyoñ ñangbirik ayenimbik kumak ak pen, apis basind sikop angniyiyñgipay Gor anep gek, tip ak tikjakiy, semb biyoñ amiy, Nop ñin yipund kind okok ken mindip. Kun ak niñbun; nuk nep mey Biyomb chin, chinup Gor ker diniñgamb. Nuk chinup Yisrel biynimb simb niñimb ak mey; tap siy tap timey yerip yerip gipun ak kirgiy, nup angniepon, chinup dip. ³²Gor gip kun ak niñrep gipun rek, biynimb gok angnimbun. Gor Kawnan ak kunep niñrep giy, minim kun ak rek nep angyip angyak.”

³³Kun anḡeyak, bi kanjsol ap nan-gi mindeyak kun gok, kaljiwiy anḡyak “Kuyip pisnep pikayjun anḡyak.” ³⁴Kun anḡyak ak pen, namb kun ak, bi bap mindek. Yimb nuk ak Gameliyel. Nuk bi Peresiy low tiysa kiyk bap. Jiwda biynimb maḡiysek nup niḡey tep giyiḡip. Bi Gameliyel kun ak tikjakiy anḡak, “Bi tiwin biy kuyip anḡem mis amey, nimbip minim bap anḡiyn anḡak.” Kun anḡek, anḡ mis yokyakniḡ, ³⁵kuyip anḡak, “Yisrel bi guniy. Kuyip yerer giniḡ gispim ak, gos niḡrep giy ginimimb. ³⁶Nimb niḡbim; nind bi Tiwiwdas yand biyomb anḡiy anḡek mey, minim nuk anḡyiḡip ak biynimb kuḡaynep niḡyiḡipay. Pen kisen gapman biyomb gok nup pisnep pikayyak; biynimb minim nup niḡyak gok, keykey amniyak. ³⁷Pen kisen, yimb diyak ñin ak kunep, bi Jiwdas Galiyliy nimb ak anḡak, ‘Yand biyomb yimb mindpiyn. Minim apiyn rek nep giniḡgamb.’ Chin gapman gok yip penpen giy, kuyip anḡyokniḡgambun anḡakniḡ, biynimb kuḡaynep minim nup kisen giyak ak pen; mind dand amiy, bi kun ak nup ñanḡeyak kumek, biynimb minim nuk anḡek niḡyak gok, keykey amniyak.

³⁸“Kun ak mey, nimbip aspiyn: bi kor gispun guniy kuyip, gi timey ma ginimimb. Minim kiyk keynep anḡniḡgambay ak, yomb giniḡ rek giy apyowniḡgamb. ³⁹Pen Gor nep anḡek giniḡgambay ak, kuyip tap bap ginimimb rek ma ayniḡgamb. Kuyip timey giniḡ, kiyk yip ma penpen giniḡgambim; Gor yip penpen giniḡgambim anḡak.”

⁴⁰Gameliyel kun anḡek, anḡak rek niḡiy, bi Jiysis minim dand amemb gok kuyip anḡey apey, miñ diy tapin pikiy, Jiysis minim ak kisen ma yimb anḡnimimb anḡiy, kuyip anḡyokeyak amniyak.

⁴¹Kiyk pen, chinup yenen kun gipay anḡiy ma niḡyak; Gor chinup Jiysis binuk yipund giy anḡiy gek mey, chinup kun gispay anḡiy, tep gakniḡ amniyak. ⁴²Amiy, minek minek, korip okok amiy, Gor anḡniḡep korip mis ar ak amiy, minim tep ak anḡñiyiḡ, Jiysis nep mey, Kiyḡ yomb key yimb ak anḡyiḡipay.

Tap Bilok Ñemb Bi Onep Ar Ak Anḡayak

6 ¹Pen mind dand amiy, biynimb Jiysis nup gosimb niḡyak gok kuḡay yimb amek, Jiwda biynimb Griyk minim nep niḡyak gok; Jiwda minim yipund giy niḡyak gok kuyip anḡjiwiy anḡyak, “Biyn yandiw kiyk gok kuyip, maniy keñmaḡiy tap okok bilok ñirep gipay ak pen; yenen biyn yandiw chinup gok kuyip kun ma gipay anḡyak.”

²⁻³Kun anḡeyak, bi Jiysis minim dand amemb gok, biynimb Jiysis nup chinḡiyak gok maḡiysek suk anḡey apey anḡyak, “Mam ay sikop. Chin Gor minim anḡñimbun ak kirgiy, biynimb gok kuyip tap bilok ñiniḡgambun ak, yipund ma giniḡgamb. Kun ak, nimb bi onep ar ak niḡiy dem, kuyip woḡḡ kun ak anḡayjun. Bi yikop gunap ma dinimimb; Bi Gor Kawnan yip mindiy, gosimb niḡrep giy, biynimb niḡey tep gip gok nep dinimimb.

4Kun giy dem mey, kuyip tap bilokep woŋg ar kun ak aŋgay, chin pen, Gor nup aŋgniŋiŋg, biynimb gok kuyip minim tep ak aŋgñiyiŋg gi mindeniŋgambun aŋgyak.”

5-6Kun aŋgeyak, niŋey kuyip tep gek, bi onep ar ak aŋgay, dand bi Jiysis minim dand amemb gok mindeyak ak apey, ñin jun ar ay aŋgyak, “Gor. Nand bi guniy kuyip kond mindenimin aŋgyak.” Bi kun gok mey, Stiypin bi Gor nup chingiy, Gor Kawnan yip nep mindek ak; Piyliyp ak; Prokoras ak; Naykena ak; Tiymon ak; Pamiynas ak; Niykolas ak. Bi Niykolas kun ak, nuk miñmon Antiyok nimb ak pen; nind Jiwda lotiw minim ar ak kindik giy, kisen Jiysis nup chingak. 7Pen bi Jiysis minim dand amemb gok, kiyk Gor minim ak aŋgñey amnakniŋ, Jerusalem biynimb kuŋay yimb nep niŋyak. Bi Gor nup simboŋgep yomb gok kunep; kuŋaynep, Jiysis nup gosimb niŋyak.

Stiypin Nup Dand Kor Amniyak

8Stiypin, bi Gor Kawnan yip mindek ak, tap mageprek gok, biynimb mindyiŋgipay namb okok giyiŋgip. 9Pen Jiwda bi miñmon keykey okok nimb gunap ap nan-giy, minim ar nokom aŋgey niŋiy kuyip “Priyman” aŋgyiŋgipay. Bi kun gok, gunap Sayriyniy nimb, gunap Aleksandriya nimb, gunap Siyliysiya nimb, gunap Esiya nimb. Kiyk Stiypin gak rek niŋiy, nup minim kilis yimb giy aŋgyak ak pen, 10Gor Kawnan ak nup gos tep yimb ñakniŋ, minim yerip aŋgyak ak, gosimb niŋrep giy pen kunep aŋgek, nup pen aŋgniŋgiy rek ma ayak.

11Pen kiyk Stiypin nup aŋg mer niŋiy, am bi minim yesek aŋgep gok kuyip kapkap aŋgrop gey, kiyk apiy aŋgyak, “Chin niŋbun; bi biy Mosis minim tikak ak aŋgiwiy, Gor nup aŋgiwiy gip aŋgyak.”

12Kun aŋgiy, bi low tiysa gok diy, bi kanjsol gok diy, biynimb yikop gok diy simbwur kuyip ak timey gek, Stiypin nup kor giniŋg, dand kanjsol kay mindeyak ak amniyak. 13Dand amiy, bi yesek aŋgep gunap sek dand apey, kiyk aŋgyak, “Chin niŋbun: bi kun biy per Gor aŋgniŋep korip ak aŋgiwiy, chinup Jiwda kay low minim apun ak aŋgiwiy gip aŋgyak. 14Pen nuk minim bap aŋgek niŋnuk ak aŋgak, ‘Jiysis bi Nasaret nimb ak, kisen Gor aŋgniŋep korip biy timey giy, Mosis minim aŋgek gipay ak aŋgek, kirgiy giniŋgambay aŋgak’ aŋgyak.” 15Pen bi kun gok, bi kanjsol gok yip niŋmindyakniŋ, Stiypin jomluk nup ak, enjol jomluk rek ayak.

Stiypin Kanjsol Kay Kuyip Minim Aŋgak

7 1Pen bi Gor nup simboŋgep yomb yimb ak, Stiypin nup aŋgak, “Minim nip apay kun ak, niŋind apay akaŋ?”

2Aŋgek, Stiypin aŋgak, “Bapiy mam sikop. Niŋim! Basind yes chin Ebrahim, wosrey miñmon Haran ma amnak, miñmon Mesopotemiya nep mindakniŋ, Gor Biyomb tep yimb chin ak nup aŋgak, 3‘Miñmon

nak biy kirgiy, biynimb kanj kayn nak gok kirgiy, miñmon yand nip aṅṅñiṅgayn ak amninin aṅgak.’⁴ Aṅgek, Ebrahim miñmon yomb Kaldiya mindyṅgip ak kirgiy, miñmon Haran am mindyṅgip. Kisen nop kumek, Gor aṅgek, ap mindyṅgip miñmon Jiwda biy.⁵ Ñin kun ak, Gor Ebrahim nup, mankumb wikan bap ma aṅgak; yikop ap mindyṅgip.

“Pen ñin kun ak, Ebrahim ñapan bap ma tikak, yikop nep mindek. Gor Ebrahim nup aṅgak, ‘Kisen mankumb kun biy, nand diniṅgamban. Ñapan nand tikenṅgamban tikey amniṅgamb gok, mankumb kun biy kunep diy mindeniṅgambay aṅgak.’⁶ Pen Gor minim bap aṅgak, ‘Ñapan nand tikenṅgamban tikey amniṅgamb gok, am biynimb gunap miñmon okok mindey, kuyip maṅgiysek miñ ay, timey yimb giy, kalambis woṅg rek aṅgayey giyakniṅ; simiy pow handret (400) yiniṅgamb.⁷ Biynimb nip gok kuyip kun giniṅgambay ak, yand kuyip timey giniṅgayn. Biynimb nak gok, miñmon kun ak kirgiy, ap yip lotiw gi mindeniṅgambay miñmon biy aṅgak.’

⁸“Pen Gor Ebrahim nup minim bap aṅgay aṅgak, ‘Ñapan nand tikenṅgamban tikey amniṅgamb gok, nimbip maṅgiysek kond mindeniṅgayn ak mey, kumbak tiknimimb aṅgak.’ Aṅgek, kisen Ebrahim ñinuk Aysek nup tikiy, ñin onep jiy ak mindiy, kumbak nup ak tikak. Aysek pen Jekop nup tikak. Jekop nund pen, ñi onep wimiṅgan ak kuyip tikek mey, chin Jiwda biynimb kiñiṅ keykey mindpun.⁹ Basind kun gok, numam Josep nup niṅey yiruk gek, bi gunap kuyip ñeyak, taw dand miñmon Yijip amniyak. Dand amey, mindrep ma gak ak pen, Gor Josep nup sakiy ma gak; nuk yip nep mindiy,¹⁰ Yijip biyomb Perow nup gos ñek aṅgak, ‘Bi Josep biy, niṅrep yimb gip aṅgiy’ nup aṅgek, korip tap nup gok sek, miñmon Yijip sek kond mindyṅgip.

¹¹“Kisen ñin bap yiwan yomb sikerek ak, miñmon Yijip sek, miñmon Keynan sek apek, basind chin tap keñmaṅgiy piyow niṅiy, ñiṅniṅgiy rek bap ma mindek; gos par yimb ayak.¹² Jekop minim bap niṅak; tap keñmaṅgiy kuṅay mindek miñmon Yijip ak mey, ñinuk sikop kuyip aṅgek, keñmaṅgiy tawniṅ amniyak.¹³ Am taw dand apiy, ñimb diy, tip ak pen tawniṅ amniyak. Amjakey, numam Josep kuyip aṅgak, ‘Mam sikop, nimb yip an aṅgiy niṅbim? Yand namam nimbik Josep nep aṅgak.’ Aṅgek, Yijip biyomb Perow, minim kun ak niṅiy aṅgak, ‘Ak Josep numam sikop-ey aṅgak.’¹⁴ Josep pen, bapiy Jekop, biynimb nuk gok yip kasek winiṅgiy aṅgiy, minim yokek, nop Jekop biynimb ñin jiwiy omiṅal nokom rek diy, yip wiyak.¹⁵ Ap miñmon Yijip mindiy nuk kumak. Mind dand amiy, basind sikop kun gok maṅgiysek kumdiyak.¹⁶ Kuyip komniṅ; dand andkind miñmon Sekem amiy, komyak. Miñmon Sekem kun ak, basind yes Ebrahim, binak Hemow nup tawiy, ñinuk sikop kuyip aṅgak.

¹⁷“Pen Gor Ebrahim nup nind giniṅgayn aṅgiy aṅgayak rek giniṅgakniṅ, biynimb chin gok, tikey amiy apiy giy, kuṅay yimb mindeyak.

18-19 Ñin kun ak Yijip biynimb kiyŋ yomb kiyk kisenimb bap diyak. Kiyŋ kun ak, basind Josep nup ma niŋak ak mey, biynimb chinup gok timey yimb giy, minim kilis angek, ñapan kiyk gok tikiy, mis okok yokey, key mindiy kumyিংgipay.

20-22 “Kun giyak ak pen, ñin kun ak, biber bap ñi tep yimb bap tikiy, yimb nup Mosis angrik. Ñi kun ak nup takin omiŋal nokom, korip miŋgan okok nep weyger mindyিংgip. Kisen dam mis akyan ayerik, kiyŋ panuk ak ap nup niŋiy, dand amiy, ñapan yand angyi yimaŋgyiingip. Nup kun giy yimaŋgyiek yomb gek, Yijip biynimb kiyk yerer giyিংgipay ak, nup anŋñirep giyak. Nuk bi minim kilis giy angyi, wonŋ kilis giy giyিংgip.

23-24 “Pen Mosis simiy nuk kuŋaynep yinek angak, ‘Biynimb yand Yisrel kuyip am niŋiy wiyn angak.’ Pen ñin kun ak niŋak; Yijip bi bap, Yisrel bap yip penpen gerik. Mosis niŋiy, Yijip bi anup pisnep yimb pikayek kumak. 25 Pen, Mosis gosimb nuk niŋak ak: Biynimb yand Yisrel biynimb gok anŋniŋgambay, ‘Gor Mosis nup gosimb ñek, ap chinup kond mindniŋ gisap ak mey; kisen mindrep giniŋgambun anŋniŋgambay angyi’ niŋak ak pen, gos kun ak rek kiyk ma niŋyak.

26 “Pen minek ap niŋak; Yisrel bi omiŋal penpen gerik. Niŋiy angak, ‘Mam omiŋal. Nir omiŋal penpen gispiyr ak kirgiyr angak.’ 27 Angek, numam bap Mosis nup diyokiy angak, ‘Nip an angek, biyomb mindiy, chinup kond mindpan? 28 Toyrik Yijip bi bap pikaynak ak; miŋiy pen yip pikayniŋ ap aspan?’

29-30 “Kun angek, bi pikaypiyn kun ak niŋbay angyi, Mosis pirik miñmon Miydiyen amiy, bi yikop bap rek mindek, simiy ñin jiwiy omiŋal rek yinak. Ñin namb kun ak, nuk biyn diy, ñi omiŋal tikak. Kisen minek bap, am miñmon nep Saynay dum maŋ okok mindiy niŋak: enjol bap ap mon bind ak mindiy, mon maŋlaŋ rek gak. 31-32 Kun gek, Mosis niŋiy, tap kun ak yerip gip angyi, maŋ siŋak apiy niŋakniŋ, Gor angak, ‘Nasind yes Ebrahim, Aysek, Jekop, Gor kiyk mey yand nep angak.’ Kun angek, ‘Ak Gor nep angyip angyi,’ pirikiy kuyangak. 33 Pen Gor Mosis nup angak, ‘Yand Biyomb suŋ-tep yimb ak; wikan biy opan rek, tomb tirup nand ak tunŋasikan. 34 Yand niŋbiyn: Yijip biynimb gok, biynimb yip Yisrel kay kuyip timey yimb gey, siy apay. Kun ak niŋiy, kuyip ap dand amniŋ gispiyn. Nand Yijip amnimin angak.’

35 “Gak kun ak mey, bi Yisrel biynimb nup nind, an angek chinup kond mindniŋ gispan angyak ak nep; Gor mon maŋlaŋ rek giyিং angek, biyomb kiyk mindiy, kuyip diniŋ andkind Yijip amnak. 36 Yijip amiy, tap mageprek gunap kuŋay yimb nep giy, biynimb nuk Yisrel kuyip dand ñiŋ solwara ‘Likañ’ apay ak, tikiy kind bindoŋ ameyak, tap mageprek gok gi mindyিংgip. Kun gi mindek, simiy ñin jiwiy omiŋal yinak. 37-38 Nuk kun okok mindiy, enjol minim angek niŋiy, biynimb gok kuyip anŋñiyিংgip. Nuk nep mey, minim bap angak, ‘Kisen Gor namam nimbip

bap deningamb, nimbip Gor minim angñimbiyn rek ak angñiningamb angak.'

³⁹“Nuk Gor minim tep ak chinup mangiysek angñak ak pen, basind chin gok minim angak ak ma niñyak. Kiyk Mosis nup kirgiy, andkind Yijip amnun angiy gos ak niñiy, ⁴⁰Mosis numam Eron nup angyak, ‘Namam chinup Yijip nimb dand owak ak, akay amimb ak ma niñbun. kun ak nand tap chin angniñjun gunap gayey, chinup kond mindyakniñ, andkind Yijip amnun angyak.’

⁴¹“Kun angiy, kaw ñiluk rek bap gay, kuyip tep gakniñ, tap ñiñemb pik dap simboñg niyak.

⁴²“Kun geyak, Gor kuyip kirgiy angak, ‘Kun gipay ak, pumb, takin, gap gok monmon angniñyan angak.’ Nin kun ak kiyk tap kun gok nep angniñyak ak mey, bi Gor minim angep bap, Gor angak rek, buk ak tikiy angak:

‘Yisrel biynimb. Nimb nind simiy ñin jiwiy omiñal rek, miñmon nep namb okok tangyিংgipim ñin ak, kanj kaw siypsiyp tap okok pikiy yip simboñgipik? Ak yip ma simboñgipik. Nimb pen tap yesek omiñal, key gaypik ak angniñyিংgipim. ⁴³Tap kun ak, bap Molok angyিংgipim. Bap gap rek gay, Repan angyিংgipim. Tap gor yesek omiñal kun ak nep, ser korip gi dand tangyিংg, lotiw gi mindyিংgipim. Gipik kun ak, yand nimbip angyoken, am kalambis mindeningambim miñmon Babiylon bak okok angak.’”

⁴⁴Stiypin kun angiy, minim bap pen angak, “Wosrey basind sikop miñmon nep namb okok mindyিংgipay ñin ak, Mosis Saynay dum biyoñ amek, Gor nup minim gunap angiy angak, ‘Sel korip yip gosimb niñniñgiy bap kun kun giy giniñgiy angak,’ Mosis ap kuyip angak, korip angak kun ak rek giyak. ⁴⁵⁻⁴⁶Geyak, pernep mindyিংgip. Pen Mosis kumek, basind Josiwa kuyip poñind, ser korip kun ak dand wiyakniñ, biynimb kind akniy mindeyak gok, ñawil di mindyakniñ, kuyip pisnep yuk yokyak. Ser korip kun ak mindiy, mind dand amiy, kisen kiyn Depiyt, bi Gor niñek tep gak ak, Gor nup angniñiy angak, ‘Yand korip nip tep bap gen, chin Jekop ñapan nuk gok ap korip kun ak nip angniñjun?’ ⁴⁷Angak, Gor angak ‘Mer. Ni nand Solomon nep korip yip ak giniñgamb angak.’ Angak, kisen ninuk Solomon Gor angniñep korip angak kun ak gak.

⁴⁸“Pen Biyomb Gor tap okok mangiysek gayak ak, biynimb ñin mangiy diy korip giniñgambay ak, nuk ma mindeningamb. Bi Gor minim angep bap minim kun ak angiy angak:

⁴⁹‘Semb biyoñ gay, yand mindpiyn. Man biy gay, tomb yand aypiyn. Yip yerip korip tep ak giy, añiñ ayan angiy apim? ⁵⁰Tap gok mangiysek ñin mangiy yand ak ma gaypiyn akan angak.’”

⁵¹Stiypin minim kun ak kun giy angiy angak, “Nimb minim ma niñiy, timey yimb nep gipim. Gor Kawnan ak nimbip gos tep ñek niñbikip ak

pen, per mer apim. Nasind sikop giyingipay rek nep gipim. ⁵²Nasind sikop bi Gor minim anjep gunap kuyip ma kirgiyak, mangiysek timey giyak. Gor Ni tep ak winingamb angyak gok kuyip mangiysek pikayak. Nimb pen; Ninuk tep ak apek, mimung niyij napik. ⁵³Pen Gor low minim nuk, enjol gok kuyip anjek dand wiyak ak, niyij ma dipik angak.”

Stiypin Nup Kamb Diy Pik Ayey Kumak

⁵⁴Stiypin minim kun ak angakniy, kuyip milukrimey yimb yapek, menj siwbirikiy kaljiwyak. ⁵⁵Pen Gor Kawnan ak Stiypin yip mindek ak mey; semb ar biyon niyak: Gor melik tep ak sek mindiy, Jiysis bak siyak mindek. ⁵⁶Niyij angak, “Ninim! Yand nijsiypin; semb biyon mangan sek mindip. Gor Ninuk nin yipund kind okok ken jakiy mindip angak.”

⁵⁷⁻⁵⁸Stiypin kun anjek, timund kiyk ak pilgiy, nup minim yomb yimb angyi, mangiysek tikjakiy, ap nup chichiy diy, dand mis akyan ken amniyak. Dand amiy, bi nup minim yesek angyak gok, kaljiwi, tingliis kiyk gok tungasik, bi paranj Sol mindek man siyak ayey, nuk kond mindakniy, kiyk Stiypin nup kamb jiw pikyak.

⁵⁹Nup kun giy pikyakniy, angak, “Jiysis! Kawnan yip ak dan angak.” ⁶⁰Kun angyi kongim piyij, menj mangan dand araniy angak, “Biyomb. Yip pikaysipay biy, tap siy tap timey gispay ak niyij kirginimin angak.” Kun angyi kumak.

**Biynimb Jiysis Nup Gosimb Niyak Gok
Miñmon Okok Amiy, Minim Angniyak**

8 ¹⁻³Stiypin kumek, bi Jiysis nup gosimb niyak gunap, simb gek siy angying, dam komyak. Nup pikey kumak kun ak, binak Sol panj angak. Nin kun ak, Jerusalem kay, biynimb Jiysis nup gosimb niyak gok kuyip, timey gining nep giyak. Sol nuk korip korip giying, biynimb gok kuyip monmon nep pik liping dam miñ ayingip. Kun gek, gunap pirik, Samariya amniyak; gunap pirik miñmon Jiwdiya tingon okok amniyak. Bi Jiysis minim dand amemb onep wimangan ak, kiyk Jerusalem nep mindeyak.

Piyliyp Minim Angnak Miñmon Samariya

⁴Biynimb Jiysis nup gosimb niyij, pirik am miñmon okok mindeyak gok, biynimb kun okok kuyip, Jiysis minim tep ak angniyak. ⁵⁻⁶Binak Piyliyp pen, am miñmon Samariya mindiy, biynimb gok kuyip, Biyomb per kond mindyngipun ak wip angyi, angniying, tap mageprek gok gak. Minim nuk yerip yerip angak ak, timund pik niyrep yimb giyak. ⁷Biynimb kichekiy malniluk sek mindeyak gok, gosimb niyan angyi, tap kun gok anjek, wal angying mis amniyak. Biynimb nin tomb kalaw gak gok sek, biynimb nin tomb timey gak gok sek gek, sun ayak. ⁸Kun gek, biynimb mangiysek miñmiñ yimb giyak.

⁹Pen miñmon yomb kun ak, bi bap mindyngip. Yimb nuk Saymon. Nuk kunj giy, tap mageprek gunap giy, yesek angyi angyingip, “Yand biyomb.” Angek, Samariya biynimb gos kuñay yimb niñyingipay. ¹⁰Biynimb yimb mindek gok, biynimb yimb ma mindek gok, Saymon minim angak rek nep niñyak. Niñiy angyak, “Bi kal timey kun biy, bi bap key mer; mey biyomb kond mindyngipun anep angyak.” ¹¹Tap mageprek gok per gaksiñ, biynimb gok gos kuñay niñiy; minim angak rek nep niñyingipay. ¹²Pen kisen Piyliyp apiy, kuyip Gor biynimb diy kond mindeningamb minim tep ak angniyiñg, Jiysis mey, bi Kiyñ yomb key yimb per kond mindpun ak angek, Jiysis nup gosimb niñiy, ñiñg pikyak. ¹³Saymon kunep, Jiysis nup gosimb niñiy, ñiñg pikiy, Piyliyp nup kisen gaksiñ, nuk tap mageprek gok kuñay yimb nep gek niñiy, Saymon gos par yimb ayak.

¹⁴Bi Jiysis minim dand amemb onep wimiñgan ak, Jerusalem mindey, kuyip minim bap angyak, “Samariya biynimb Gor minim niñsipay angyak.” Kun angeyak niñiy, Piyta yip, Jon yip kuyip angyokey, Samariya amnirik. ¹⁵⁻¹⁷Amiy, Gor nup angniyiñg angrik, “Biynimb guniy Jiysis nup gosimb niñyak ak pen, Kawnan nip ak diy ñiñg ma pikyak angrik.” Kun angyi, kuyip diniñying angrik, “Kawnan nand ak kuyip nokom nokom yokninin anger,” Gor Kawnan nuk ak kuyip keykey yokak.

¹⁸Kiykmiñay kun giy Gor nup angniyer, Kawnan nuk ak biynimb gok kuyip yokak ak, Saymon niñiy, yand kunep ginim angyi, kuyipmiñay maniy yomyiñg angak, ¹⁹“Gor niripmiñay kond mindaksiñ, biynimb gok yikop diniñer, Kawnan nuk kuyip ker amimb ak, nirip tawiy yand kunep ginim angak.”

²⁰Kun angek, Piyta angak, “Gor Kawnan nuk yikop ñimb kun ak, yenen tawniñg gispan? Maniy kun ak nak yip key kuyiñg yownimuiñ!” ²¹Wong chir gipur ak nak yip mer. Gosimb nand niñban ak, Gor niñek tep ma gip. ²²⁻²³Yand niñbiyn: gos timey niñban kun ak, nip miñ ay wos giniñg gisap. Tap siy tap timey ginim angyi gos niñban ak kirgiy, miluk niñban ak kirgiy, Gor nup angniyeniñgamban, timey yimb gipan kun gok niñiy kirginiñgamb angak.”

²⁴Angek, Saymon angak, “Nirmiñay biyomb anup angniyer, tap yip ginimuiñ angyi aspiyr kun ak ma ginimuiñ angak.” Angek, angak rek girik.

²⁵Pen Piyta yip, Jon yip biynimb okok kuyip, Jiysis kuyipmiñay yerer gak minim ak angniy, andkind Jerusalem amniñg, kinjeñnamb okok amyiñg, Samariya biynimb wikan gunap kuyip, Gor minim tep ak angniyiñg amnirik.

Piyliyp Bi Yitiyopiya Nimb Bap Nup Minim Angñak

²⁶Pen Gor enjol bap apiy, Piyliyp nup angak, “Jerusalem nimb Gasa ambay kinjeñ par ak amninin angak.” ²⁷Angek, Piyliyp kinjeñ angak par kun ak

amiy niḡak: biyomb bap, kanj hos lipiḡ dand taḡgip tap band ar ak bisgiy, kinjeḡ ar kun ak amek. Bi kun ak nuk, kiwiyn biyn yomb miñmon Yitiyopiya kond mindep ak nup woḡg giyiḡ, maniy nup ak kond mindyiḡgip. Pen nuk Jerusalem Gor aḡḡniḡep korip ak amiy, lotiw mindiy, ²⁸ andkind miñmon Yitiyopiya amniḡ, Baybol buk band, Asaya tikak ak diy, niḡyiḡ amek.

²⁹ Pen Gor Kawnan ak Piyliyp nup aḡgak, “Hos tap band lipiḡ dand amjap bak siḡak amiy, yip amnimiyr aḡgak.”

³⁰ Aḡgek, Piyliyp aḡgak rek amiy niḡak: biyomb Yitiyopiya nimb kun ak, bi Gor minim aḡgep Asaya buk band tikak ak, niḡyiḡ amek. Piyliyp niḡiy aḡgak, “Buk niḡyiḡ amjipan kayeḡ ak, minim kiñiḡ ak aspiyn kun aḡgiy niḡsipan akeḡ mer?”

³¹ Aḡgek aḡgak, “Biynimb gunap yip minim kun ak aḡḡney niḡiy rek, niḡnim aḡgak.” Kun aḡgiy, Piyliyp nup aḡgak, “Ap ar biy bisgey amnur aḡgak.” Aḡgek, am ar kun ak bisgak. ³² Pen Baybol buk band Asaya tikak kun ak aḡgak:

“Kanj siypsiyp ñiluk pikniḡ; yikop poḡind amiy pikpay. Pen kas kuyip gok tikyakniḡ, wal ma apay. Kun ak rek nup kunep gey, minim ma aḡḡniḡamb. ³³ Tap timey bap ma yimb giniḡamb ak pen; nup yesek aḡgiy, pikniḡambay ak, kisen bi an rek mindiy kun kun giyiḡgip aḡḡniḡamb? Nuk ñi pañ gunap tikayek ak, kun apyap aḡgak.”

³⁴ Asaya minim aḡgiy tikak kun ak niḡiy, biyomb Yitiyopiya nimb ak Piyliyp nup aḡgak, “Anup aḡgak? Nuk key akeḡ, biynimb gunap kuyip aḡgak?”

³⁵ Aḡgek, Piyliyp bi kun anup, Asaya minim tikak kiñiḡ kun ak aḡgiy, Jiysis nup minim tep ak aḡḡniḡep gak.

³⁶ Pen kun giy minim aḡg dand amyiḡ niḡrik, ñiḡ bap mindek. Bi kun ak Piyliyp nup aḡgak, “Ñiḡ mindip biy, yip ñiḡ pik ñiniḡamban?”

³⁷ Aḡgek aḡgak, “Nand Krays nup gosimb niḡiy mey, ñiḡ pikniḡamban aḡgak.”

Kun aḡgek aḡgak, “Yand niḡbiyn; Jiysis Krays mey Gor Ñinuk yimb aḡgak.”

³⁸ Aḡgek, hos tap lipiḡ dand taḡgip ar bisgiy aperik ak, hos ak sek kun siḡak ay, ñiḡ biyaḡ amiy, Piyliyp bi kun anup, ñiḡ pikñak. ³⁹ Kun giy ñiḡ pikñiy, kumb biyoḡ wirikniḡ, Gor Kawnan ak, Piyliyp nup dand wikan bap amek, bi kun ak nup ma niḡak. Nuk pen miñiy Jiysis yip mindpiyn aḡgiy, tep gakniḡ, Yitiyopiya amnak.

⁴⁰ Pen Gor Kawnan ak Piyliyp nup dam miñmon Esdot ayek, biynimb miñmon kun okok mindeyak gok kuyip, Jiysis minim tep ak aḡḡniyiḡ aḡḡniyiḡ, gi dam dam miñmon Siysariya amjakak.

Bi Sol Jiysis Minim Niḡak

9 ¹ Pen Sol biynimb Jiysis minim niḡyak gok kuyip pikayin aḡgiy, per kilis yimb giyiḡgip. Minek bap am bi Gor nup simboḡgep yomb

yimb anup angak, ²“Yip minj gunap tikñenimin; dand Jiwda nan-gep korip keykey mindip miñmon yomb Damaskas amiy, kuyip ñiningayn. Minj kun ak tikiy angnimin, ‘Nimb biynimb Jiwda nan-gep korip miñmon Damaskas nimb opim gok, biynimb Jiysis nup gosimb niñbay gunap mindeningiy ak; Sol nup angem, miñ ay, dand Jerusalem winimuñ angiy,’ tiknimin angak.”

³Kun angkek, minj keykey tikñakniñ, dand Damaskas mañ mañ gakniñ; melik yomb ak, semb biyoñ nimb nup niñak. ⁴Niñek, Sol kanj hos ar biyoñ nimb apyap man biyañ pikakniñ, minim bap angak, “Sol! Sol! Yip yenen per pikniñg gipan?”

⁵Angkek angak, “Biyomb. Nand an?”

Angkek angak, “Yand Jiysis, yip per pikayniñg gipan ak nep nip aspiyn angak.” ⁶Kun angiy angak, “Nand tikjakiy, miñmon yomb Damaskas amiy, bi bap ap nip minim angnimuñ rek niñiy ginimin angak.”

⁷Pen bi Sol yip wiyak gok, nuk apyap pikakniñ, minim mañgiy anep niñiy, bi nonim ak ma niñiy, gospar ay minim gunap ma yimb angyak.

⁸Nuk kun giy apyap pikiy, tikjakiy niñak; windin nup ak pisnep koy gak. Kun gek, binuk yip wiyak gok, ñin kind nup ak diy, poñind Damaskas amniyak. ⁹Nup kun giy windin koy gek; ñiñg, keñmañgiy tap gok ma ñimbiiy, ñin omiñal nokom, yikop nep mindek.

¹⁰Pen bi bap miñmon kun ak mindek. Yimb nuk ak Ananayas. Nuk day niñak; Jiysis nup angak, “Ananayas!”

¹¹⁻¹²Angkek, Jiysis angak, “Sol bi miñmon Tasas nimb ak, day niñimb: nup am diniñamban, windin koy gak ak suñ ayip. Nuk miñiy yip angniñyiniñg mindip Jiwdas korip ak. Kun ak nand kinjeñ ‘Yipund’ apay ak amiy, Jiwdas korip amjakiy kuyip angnimin, ‘Sol nup niñniñg aswiyn angnimin’ angak.”

¹³Jiysis kun angkek, Ananayas angak, “Biyomb. Yand niñbiyn: biynimb kuñay yimb nep apay, ‘Bi Sol kun ak biynimb nip ker mindpay gok kuyip, per timey yimb gip miñmon Jerusalem apay.’ ¹⁴Nuk miñiy wip biy, yikop ma wip: biyomb Gor nup simboñgipay gok, minim kuyip ak niñiy, chin lotiw mindiy yimb nip apun gok, miñ ayin angiy wip angak.”

¹⁵Ananayas kun angkek, Jiysis angak, “Amnimin apiyn kun ak, ma piriknimin. Bi kun anup woñg gunap pisnep angaypiyn. Nuk minim tep yip ak Yisrel biynimb guniy angñiy, biynimb okok kuyip angñiy, biyomb gunap angñiy, giniñgamb. ¹⁶Pen yand gen nup añiñ yapiy, miker yomb diyiñg, woñg kun ak giniñgamb angak.”

¹⁷Pen Ananayas kun giy day niñiy, Jiwdas korip ak amiy niñak: Sol mindek. Nup diniñyiniñg angak, “Mam Sol. Bi Jiysis kinjeñnamb misen gek niñnak ak, yip angyokamb aswiyn. Windin ak tip niñiy, Gor Kawnan ak kunep dinimin angak.” ¹⁸Kun angakniñ, tap ayoñ band rek windin nup yiwgiy mindek ak, waniñgyowakniñ, day windin niñak. Won kun anep,

Ananayas Sol nup ñiņg pikñak. ¹⁹Pen Sol ñin omiņal nokom yikop kinak rek; tap ñimbek nup giy aņgak.

Sol Minim Aņgñak Miñmon Damaskas

Pen Sol nuk Jiysis biynimb nuk gok yip Damaskas mindiy, ²⁰Jiwda nan-gep korip okok tangiy, Jiysis minim ak, biynimb gok kuyip aņgñiy aņgak, “Jiysis, Gor Ñinuk yipund giy yimb aņgak.”

²¹Kun giy aņgñek, niņiy jiw di giyiņg aņgyak, “Bi biy mey, biynimb Jiysis nup gosimb niņyak gok kuyip girimey giyiņgip miñmon Jerusalem rek? Miñiy gunap sek miñ ay, dam Jerusalem biyomb gok kuyip ñiyn aņgiy wip rek ayip aņgyak.” ²²Sol Jiysis minim aņg dand amiy, bi kiņy yomb key per kond mindyiņgipun ak mey, Jiysis nep aņgiy, yipund giy yimb nep aņgek, bi Jiwda Damaskas mindeyak gok, minim bap pen aņgniņgiy rek ma ayak.

²³Pen kisen mind dand amiy, Jiwda kay ap nan-giy, minim aņg ar nokom ay aņgyak, “Sol nup pikayjun aņgyak.” Minim aņgyak kun ak Sol niņak.

²⁴⁻²⁵Miñmon yomb kun ak, kamb wariy nep gi kus kus giyak ak mey, kinjeņ tam tangyiņgipay tangyiņgipay gok, Sol nup ñaņgun aņgiy, pumbnamb kisyimken ñiluk aymindyiņgipay. Kun geyak minek bap, kisyimken biyaņ Sol minim aņgek bi minim nup niņyiņgipay gok, nup wand miņgan yomb ak yiņgiy, miñ tiwningiy, lipiņg wyndiw miņgan biyoņ nimb lum biyaņ yokeyak, pirik amnak.

Sol Jerusalem Am Mindek

²⁶Pen Sol Jerusalem amiy, biynimb Jiysis ker mindeyak gok yip jimñiy mindon aņgek, kiyk niņiy, bi biy Jiysis nup ma chingip; chinup pikayniņg nep wip aņgiy, pirikyak. ²⁷Kun geyak Banabas, Sol nup dand, bi Jiysis minim dand amemb gok mindeyak ak amiy, kuyip aņgak, “Bi kun biy nup niņiy ma piriknimimb. Minim tep chin niņbun rek niņimb. Minek bap miñmon Damaskas amniņg, kinjeņnamb ak amek, Jiysis miseņ giy nup minim gunap aņgek niņak. Kisen am Damaskas biynimb kuyip, ma pirikiy, Jiysis minim tep ak monmon yimb aņgñak aņgak.” ²⁸Banabas kun aņgek, Sol nup deyak, kiy yip Jerusalem mindiy, Jiysis minim tep ak ma pirikiy, monmon yimb aņgñak. ²⁹Pen bi Jiwda, Griyk minim aņgyak gok, nuk yip penpen aņg amiy apiy giy, pisnep pikayun aņgiy gos ak niņyak. ³⁰Pen bi Jiysis nup gosimb niņyak gunap, minim kun ak niņiy, nup poņind dam Siysariya amiy, yokey miñmon nuk Tasas amnak.

³¹Ñin kun ak, miñmon Jiwdiya, Galiyliy, Samariya, biynimb Jiysis nup gosimb niņyak gok, mind tep giy, Gor minim ma kirgiy; direp yimb ginjun aņgyak. Gor Kawnan ak, kuyip kond mindakniņ, mindrep giy, biynimb kuņaynep Jiysis nup diyak.

Piyta Yiniyas Nup Gek Jak Amnak

³²Piyta biynimb Jiysis nup gosimb niñyak gok, miñmon keykey niñrangyngip. Kun giy niñrangiy, minek bap biynimb Jiysis nup gosimb niñyak gok kuyip, niñiy n angiy miñmon Liyda amnak. ³³Miñmon kun ak, bi ñin tomb kalaw gek, minj ar nep kin mindek simiy yin jiy ayak bap mindek. Yimb nuk Yiniyas.

³⁴Piyta bi kun anup angak, “Yiniyas. Tap nip gip ak, Jiysis gek suñ ayniñgamb. Jakiy, minj ak par tep gan angak.” Kun angakniñ, nup suñ ayek, ³⁵girangakniñ, Liyda biynimb gok sek, Saron biynimb gok sek nup niñyak rek, Jiysis nup gosimb niñyak.

Tabiyta Kumek, Piyta Gek Tip Tikjakak

³⁶Pen Piyta miñmon Liyda nep mindakniñ, biyn Jiysis nup gosimb niñak bap kumak, yep miñmon yomb Jopa. Biyn kun ak yimb nuk Tabiyta. Pen Griyk minim angiy, nup Dokas angyak. Nuk biynimb okok kuyip kond mindrep giy, biynimb simbgeprek gok kuyip wong giñiyngip. ³⁷Biyn kun ak kumek, nup ñing pikñiy dam ayak korip mingan ar akyon. ³⁸Biynimb Jiysis nup gosimb niñyak gok, minim bap niñyak; Piyta ap mindek miñmon Liyda. Kiyk niñiy, bi omiñal yokey, amiy angrik, “Nand chir yip kasek apey amnun angrik.” ³⁹Anggerik, Piyta tikjakiy, kiyminjay yip Jopa amiy, nup ponind Tabiyta kumek, dam ayak korip ar biyon amniyak. Pen biyn kanil ap mindeyak gok, biyn kumak kun ak, nind kim mindyng chech tap kuyip yikop ñiyngip gok, Piyta nup yomying, siy angyak. ⁴⁰Nuk pen biynimb ap mindeyak gok kuyip, ang mis biyan yokiy, kongim yimiy, Gor nup angniñiy, tungandikiy Tabiyta nup niñying angak, “Tabiyta. Tikjakan!” Anggek, Tabiyta Piyta nup niñiy, tikjakiy bisgak. ⁴¹Piyta ñin kind nup ak diy, di jakñiy, am biyn palpal gok sek, biynimb Jiysis nup gosimb niñyak gok sek kuyip, anggek apey, “Tabiyta biy angak.”

⁴²Pen Piyta kun gek, minim kun ak Jopa biynimb mangiysek niñiy, biynimb kuñaynep, Jiysis nup gosimb niñyak. ⁴³Pen Piyta nuk miñmon Jopa kun ak, bi kaw wak wong giyngip bap yip, ñin gunap tapin mindyngipiy. Bi kun ak yimb nuk Saymon.

Enjol Bap Ap Bi Konliyas Nup Minim Angak

10 ¹⁻²Pen bi amiybi gok kuyip kond mindyngip biyomb bap, miñmon Siysariya mindyngip. Yimb nuk ak Konliyas. Amiybi nuk kond mindyngip gok kuyip “Yitaliy amiybi,” angyngipay. Biyomb Konliyas kun ak, biynimb korip nup ap mindyngipay gok yip, Gor nup lotiw giyngipay. Nuk Jiwda biynimb tap gunap ma mindek; maniy tap gok monmon ñiyngip. Pen nuk Gor nup minek minek angniñyingip.

³Minek bap pumb kuyim gak won ak, day niñak: Gor enjol bap yokek apiy angak, “Konliyas!” ⁴Anggek, pirikiy angak, “Biyomb. Yip yenen angak.”

Angek, enjol ak nup angak, “Nand Gor nup angniyning, biynimb simbeprek gok kuyip tap monmon niyning gipan ak; nip sakiy ma gip. ⁵Nand bi gunap angey, am miñmon Jopa amiy, bi Saymon Piyta apay ak nup, am angey winimuñ. ⁶Nuk Saymon, bi kaw wak wong gip ak yip mindpiyr, ñing solwara gol ak angak.”

⁷Pen enjol ak minim kun ak angiy amnakniñ, Konliyas bi nup wong giñirik omiñal ak sek, amiybi Gor nup gosimb niñak bap sek angek apeyak, ⁸kuyip enjol ak minim yerip yerip angak ak angñi tep giy, angyokek, Jopa amning sanjiyak.

⁹Am am kinjeñnamb ak kinyak. Minek am am, pumbnamb yomb yon won ak, miñmon Jopa mañ mañ giyak. Won kun ak Piyta, Gor nup angniñning amnak, korip miñgan ar biyon. ¹⁰⁻¹¹Amiy, Gor nup angniñ mindakniñ, nup yiwan yomb yimb ak gak. Pen biynimb nuk gok, tap dangiy giyakniñ, nuk day niñiy niñak: semb biyon miñgan yikiy, wand yomb bap kun biyon nimb lum biyañ owak. ¹²Wand miñgan kun ak kanj, kimin, yakir, siyñ, saraw, Jiwda biynimb ma ñimbay tap gok keykey kuñaynep mindek.

¹³Minim bap pen angak, “Piyta. Tikjakiy tap ñiñemb kun kayañ gok pik dangiy ñiñan angak.”

¹⁴Angek, pen angak, “Biyomb. Mer! Yenen ñiñan angiy apan? Chin Jiwda biynimb tap asik kun gok ma ñimbun angak.”

¹⁵Angek, minim kun ak tip angak, “Tap yerip yerip yand gen suñ mindip gok, asikep angiy ma angnimin angak.”

¹⁶Day niñak kun ak, tip ak niñiy, tip ak niñiy gak. Kisen mey, tap wand yomb kun ak, andkind semb biyon amnak. ¹⁷⁻¹⁸Kun gek, Piyta “Day niñbiyn kun ak yerginingamb angiy,” gos kuñay niñmindakniñ, bi Konliyas yokek nup angning wiyak bi kaw ak, kinjeñrumb ak amjakiy angyak, “Bi Saymon, yimb nuk bap Piyta apay ak, biy mindip akañ angyak.”

¹⁹⁻²⁰Pen Gor Kawnan ak Piyta nup angak, “Bi omiñal nokom, yand key angen, nip piyowsipay ak; kuyip gos kuñay ma niñiy; biyañ amiy, kiy yip minim angnimimb angak.”

²¹Angek, biyañ amiy, kuyip niñiy angak, “Bi piyowniñsipim ak mey, yand nep. Yip minim bap angning opim?”

²²Angek angyak, “Biyomb Konliyas, amiybi gok kuyip kond mindip ak, chinup angyokek opun. Nuk Gor nup gosimb niñek, Jiwda kay nup niñey tep gip. Nuk day niñak: enjol bap apiy nup angak, ‘Nand bi gunap yokey, am Saymon Piyta nup poñind apey, minim angnimuñ ak niñnimimb angak.’ Enjol ak kun angek mey, Konliyas niñiy, chinup angyokek aswun angyak.”

Piyta Konliyas Korip Amnak

²³⁻²⁴Kun angey, Piyta kuyip angek korip miñgan amiy kinyak. Minek Piyta, bi Jopa nimb Jiysis nup gosimb niñyak gunap diy, Konliyas yokak

biriwin ak yip am am kinjerɲamb ak kinyak. Minek mey, Siysariya amjakiy, Konliyas korip ak amniyak. Pen Konliyas nuk Piyta asaw angyi, biynimb nuk gok sek, numiy numam nuk gok sek kuyip suk angek ap nan-giy mindeyak. ²⁵Piyta amiy, korip miŋgan amniŋgakniŋ, Konliyas nup tep gek, am tomb kiŋiŋ siŋak koŋgim yimak. ²⁶Kun gek, Piyta nup di jakŋiy angak, “Yand Gor mer; yand bi yikop nen, Jakan angak.”

²⁷Angek jakakniŋ, minim angyiŋ korip miŋgan biyaŋ amnirik. Amiy, Piyta niŋak: biynimb kuŋaynep ap nan-giy mindeyak. ²⁸Niŋiy, kuyip angak, “Nimb key niŋbim: chin Jiwda biynimb gok asik tep gipun. Korip miŋmon gunap ma ambun sek; Jiwda mer gok yip yinŋoŋg giy ma tapun. Pen yand day niŋnik; Gor yip minim bap angak ak mey, biynimb gunap asiŋ mindpay angyi, kuyip asiknim rek ma ayip. ²⁹Kun ak niŋiy mey, Konliyas minim angyip ak niŋiy ma kirpiyn; angyip rek niŋiy opiyn. Kun ak yip yerginiŋ angem opiyn?”

³⁰Piyta kun angek, Konliyas angak, “Yand menikarik namb siŋbiy pumb kuyim gip won biy rek, korip miŋgan biyaŋ Gor nup angniŋ mindyŋ niŋnik: bi chech tund yimb yimak bap, ap mindenik siŋak misen giy angak, ³¹‘Konliyas. Nand Gor nup angniŋyŋ, maniy tap gok biynimb yimgeprek gok kuyip monmon niŋban ak, Gor niŋimb. ³²Kun ak mey, bi gunap angyokey, miŋmon Jopa amiy, bi Saymon yimb nup bap Piyta apay ak, poŋind winiŋgiy. Nuk Saymon, bi kaw wak woŋg gip ak yip mindpiyr solwara gol ak angak.’

³³“Enjol ak yip kun angek, yand kasek bi yand gunap angenik, nip am poŋind apey mey, yip tep gip. Biy Gor yip mindpun rek, minim kuyip angnimin angyi nip angyip ak, chinup angyey niŋun angak.”

Piyta Konliyas Biynimb Nup Gok Kuyip Minim Angŋak

³⁴Konliyas kun angek, Piyta angak: “Yand miŋiy niŋbiyn. Gor chinup Jiwda nep diyn angyi gos ak ma niŋimb; biynimb miŋmon okok maŋgiysek diniŋgamb. ³⁵Miŋmon okok maŋgiysek, biynimb an siskoy diy, minim nup diniŋgambay gok kuyip diniŋgamb. ³⁶Pen Gor chinup Yisrel biynimb diniŋ, minim tep angak ak niŋbim. Nund yip jimŋiy mindeyaŋ angyi, biyomb chin kond mindyŋgipun Jiysis Krays nup yokek owak. Nuk nep mey, biynimb okok maŋgiysek Biyomb chin yipund giy yimb mindip. ³⁷Nimb key niŋbim! Wosrey, Jon bi niŋ pikniemb ak niŋ pikniyŋ, minim tep kun ak kiŋiŋ giy angak miŋmon Galiyliy. Kun giy angek, anŋ dand amiy, anŋ dand amiy, biynimb Jiwdiya mindpay gok maŋgiysek niŋyak. ³⁸Pen niŋbim! Bi Jiysis miŋmon Nasaret nimb apun ak; Gor yip mindiy Kawnan nuk ak nup yokek kond mindakniŋ, miŋmon okok taŋgiy, biynimb yikop gok direp giyŋ, biynimb Seytan gek kosyam mindeyak gok kuyip gek, suŋ ayak.

³⁹⁻⁴⁰“Pen Jiysis, Jiwda miŋmon okok giranŋiy, miŋmon yomb Jerusalem giranŋiy gak gak rek, chin key niŋnuk rek aspiyn. Nup mon

kiros bak biyoŋ ñaŋgbirikayey kumak ak pen, ñin omiŋal nokom mindiy, Gor gek tip tikjakiy, ap miseŋ gek niŋnuk. ⁴¹ Biynimb maŋgiysek nup ma niŋyak; Gor chinup biynimb nuk niŋayak gok nep, Ñinuk nup yomek miseŋ niŋnuk. Chin mey nuk kumiy tikjakek, yip jimñiy tap ñiŋnuk. ⁴² Chinup aŋgak, ‘Minim tep yand ak biynimb okok kuyip aŋgñirep giyiŋ aŋgnimimb. Kisen Gor aŋgek, Ñinuk Jiysis, biynimb kumyak gok sek, biynimb kim mindeniŋgambay gok sek kor niŋniŋgamb. ⁴³ Pen ar kun ak, bi Gor minim aŋgep gok maŋgiysek aŋgyak, “Krays nuk apiy giniŋgamb rek Nop biynimb nup gosimb niŋniŋgambay gok kuyip tap siy tap timey gipay ak wiykyokniŋgamb’ aŋgyak.” ”

Jiwda Mer Gunap Gor Kawnan Ak Diyak

⁴⁴ Pen Piyta kun giy minim aŋg mindakniŋ, Gor Kawnan ak kuyip bak ayek, ⁴⁵⁻⁴⁶ Gor yimb nup dand aranyiŋg, minim yimb keykey aŋgyak. Kun geyak, bi Jiwda Jiysis nup gosimb niŋiy, Piyta yip wiyak gok niŋiy aŋgyak, “Gor Kawnan nuk ak, biynimb Jiwda mer guniy kuyip monmon yokek ap bak ayek, minim keykey yimb aspay aŋgyak.” Piyta pen aŋgak, ⁴⁷ “Gor Kawnan chinup yokak rek ak, miñiy biynimb guniy kuyip kunep yokip. Kun ak ñiŋg pikniŋ aŋgey, biynimb gunap kuyip mer aŋgñiŋgiy rek ma ayip aŋgak.” ⁴⁸ Kun aŋgiy, binuk gunap aŋgek, Jiysis ker mindipay aŋgiy, kuyip ñiŋg pikñeyak aŋgyak, “Piyta! Ñin kaw bap chin yip mindenimin aŋgyak.” Aŋgeyak, ñin kaw bap, kiy yip mindek miñmon kun ak.

Piyta Jerusalem Amek Nup Minim Aŋgyak

11 ¹⁻³ Pen Piyta biynimb Jiwda mer gok kuyip, Gor minim ak aŋgñek diyak kun ak, bi Jiysis minim dand amemb gok sek, biynimb Jiysis ker mindeyak gok sek niŋyak. Kun ak kisen Piyta Jerusalem amek, Jiwda bi kumbak tikniŋgiy aŋgyiŋgipay gok, nup kuŋay aŋgiy aŋgyak, “Nand yenen amiy, biynimb kumbak ma tikpay gok yip tap jimñiy ñimban?”

⁴ Kun aŋgeyak, Piyta Jopa mindiy, day niŋak kesim ak kuyip aŋgñiyiŋg aŋgak, ⁵ “Yand miñmon yomb Jopa mindiy, Gor nup aŋgñiŋ mindiy, day niŋnik: wand yomb yimb ak semb biyoŋ nimb yip ker owak. ⁶ Apek, yand wand kun ak mindek maŋ siŋak amiy niŋnik: siyŋ saraw, yakir kimin, kanj kayn, tap chin Jiwda kay ma ñimbun gok, maŋgiysek mindek. ⁷ Minim bap pen semb ar biyoŋ nimb apiy, yip aŋgak, ‘Piyta! Nand tap kun gok pik ñiŋan aŋgak.’ ”

⁸ “Aŋgek, pen aŋgnik, ‘Biyomb. Mer! Yand tap kun gok asik tep giy, ma ñimbiyn aŋgnik.’

⁹ “Aŋgen, minim kun ak tip aŋgak, ‘Gor tap yerip yerip gek suŋ ayip gok, tap asikep aŋgiy ma aŋgnimin aŋgak.’ ¹⁰ Day niŋnik ar kun

anep, tip ak niñiy, tip ak niñiy ginik. Pen kisen tap wand yomb kun ak, tip ak semb biyoñ amnak. ¹¹ Won kun ak, bi omiñal nokom korip chin mindonuk ak apchakyak. Bi kun gok biyomb Konliyas, miñmon Siysariya nimb ak angyokek, yip poñdining wiyak. ¹² Gor Kawnan ak yip angak, ‘Gos kuñay ma niñnimin, kiy yip monmon amninin angak.’ Kun angek, yand mam Jiysis minim niñbay kaw biy kuyip diy, kiy yip Konliyas korip ak amninuk. ¹³ Amjakon, Konliyas angak, ‘Enjol bap apiy yip angak, “Bi gunap angenimin, miñmon Jopa amiy, bi Saymon Piyta apay ak nup poñind apey, nip Jiysis minim tep ak angniningamb. ¹⁴ Gor nuk biynimb korip nand yip mindpim gok mañgiysek dek, biynimb nuk mindeningambim angak.” Enjol ak kun angek mey, nip suk angen opan angak.’

¹⁵ “Konliyas yip kun angek, yand kiñiy giy minim angnikniñ, Gor Kawnan nuk ak chinup nind yokak rek, biynimb kun gok kuyip kunep yokek, ¹⁶ Jiysis chinup angak minim ak gos niñnik. Nuk angak, ‘Jon nimbip yikop niñing band anep niñing pikñak; pen mañ mindip, Gor nimbip Kawnan nuk yipund giy ak yokniñgamb angak.’ ¹⁷ Pen chin Biyomb Jiysis Krays nup gosimb niñnuk niñ ak, Gor Kawnan nuk ak chinup yikop yokak rek, kuyip kunep yokak. Kun ak yergiy, Gor nup kirgan apnip angak.”

¹⁸ Piyta kun angek, bi nup kuñay angyak gok niñiy angyak, “Gos nand key niñiy, biynimb Jiwda mer gok kuyip ker ma amninak. Gor kuyip diniñg, nip angek amninak ak, minim ma mindip angyak.” Kun angyiy, Gor nup tep angyiñg angyak, “Chinup nep mer; biynimb Jiwda mer gok kunep: yenen tap siy tap timey gipun angyiy, nup angnijeniñgambay, kuyip gek perper mindeningambay angyak.”

Antiyok Biynimb Jiysis Minim Niñyak

¹⁹ Pen Stiypin nup pikayak niñ ak; Jerusalem biynimb Jiysis nup gosimb niñyak gok, pirik keykey amniyak. Gunap pirik Saypras amniyak; gunap Piniysiya amniyak, gunap Antiyok amniyak. Amiy, Jiysis minim tep ak biynimb Jiwda mer gok kuyip ma angniyak; Jiwda biynimb jiw am kun okok mindyngipay gok kuyip nep angniyak. ²⁰ Pen biynimb Gor nup gosimb niñyak gok gunap Saypras nimb, gunap Sayriyniy nimb pirik miñmon Antiyok amiy; Jiysis minim tep ak, Jiwda biynimb sek, Jiwda mer gok sek kuyip angniyak. ²¹ Jiysis kiy yip mindakniñ, minim angneyak mey, biynimb kuñaynep, nind niñyngipay ar ak kirgiy, Jiysis nup gosimb niñyak.

²² Pen Jerusalem biynimb Jiysis nup gosimb niñyak gok, minim kun ak niñiy, bi kiyk Banabas nup angey Antiyok amnak. ²³⁻²⁴ Nuk bi tep, Gor Kawnan nup bak ayek, Gor angyip rek nep giniñgamb angyiy niñyngip ak mey, Antiyok amjakiy niñak: Gor biynimb Jiwda mer kun gok yip nep

mindek niŋiy, nup tep gakniŋ, kuyip minim gunap sek angñirep giyiŋ angak, “Gor nup dipim ak, ma kirginimimb; nup chiŋgiy nep mindenimimb angak.” Kun giy angñakniŋ, biynimb kuŋaynep, Jiysis nup gosimb niŋyak.

²⁵⁻²⁶Banabas pen, Sol nup am dand wiyn angiy, miñmon Tasas amiy piyow niŋiy, poŋind andkind apiy, simiy nokom kun ak, biynimb Jiysis nup gosimb niŋyak gok kuyip, Gor minim tep ak angñiyiŋ minderik. Antiyok biynimb yikop gok, biynimb Jiysis Krays nup gosimb niŋyak gok kuyip niŋiy angyak, “Krays biynimb nuk” angyak.

²⁷Nin kun ak, bi Gor minim anggep Jerusalem nimb gunap, Antiyok wiyak. ²⁸Apey, Gor Kawnan ak bi kiyk Angabas nup gos ñek angak, “Yiwan yomb yimb ak, miñmon biy maŋgiysek giniŋ gisap angak.” Angkek, angak rek yiwan yomb sikerek ak, gapman biyomb Kilodiyas kond mindyiŋip ñin ak owak. ²⁹Kun giy yiwan yomb gakniŋ, Antiyok biynimb Jiysis nup gosimb niŋyak gok, angyak, “Mam ay chin Jiwdiya mindpay gok, yiwan mindpay rek, chin nokom nokom kuyip maniy gunap ñinjun angyak.” ³⁰Kun angiy, maniy ay nan-giy, Banabas yip Sol yip kuyip ñiy angyak, “Dand amiy, biyomb Gor minim angñimbay gok kuyip ñer; kiy pen, biynimb gok kuyip bilok ñiniŋgiy angyak.”

Herot Jemis Nup Pik Ay, Piyta Nup Kalambis Ayak

12 ¹⁻²Nin namb kun ak, gapman biyomb Herot, Krays ker mindeyak biynimb gunap kuyip timey giyiŋ, dam kalambis ayiŋgak. Amiybi nuk gok kuyip angkek, Jon numam Jemis nup, baynat diy pisnep piŋiy ayey kumak. ³Herot angkek kun geyak, Jiwda biynimb gok tep angiy niŋyak. Pen kun giy niŋyak rek, Herot Piyta nup kunep angkek, di kalambis ayak. Giyak kun ak, Jiwda biynimb biret yiys sek ma ñimbay ñin namb siŋak giyak. ⁴Herot Piyta nup kun giy dam kalambis ay, amiybi onep jiy piskind ak kuyip bilok tiŋgawip tiŋgawip ay, pumbnamb kisyimken kond nep mindenimimb angak. Herot gos nuk niŋak ak; pasopa ñin ak apiy pandikek ker, kisen nup dand biynimb mindeniŋgambay namb ak amiy, kor giniŋgambun angiy niŋak. ⁵Pen Piyta kun giy kalambis mindakniŋ, biynimb Jiysis nup gosimb niŋyak gok, nup nen angiy, Gor nup angniŋ mindeyak.

⁶Pen gapman biyomb Herot nup kor ginim angiy niŋak ñin ak; kisyimken biyaŋ nup sen omiŋal tiwningiy, amiybi omiŋal bindoŋ bindoŋ niŋmindrikniŋ, Piyta namb biyaŋ kinek. Amiybi gunap mis akyan mindiy, kinjenrumb ak niŋmindeyak. ⁷Pen Gor enjol bap angyokek mon melik rek gakniŋ, kalambis korip miŋgan ak amnak. Amiy, Piyta nup pik niŋiy angak, “Kasek tikjakan!” Angkek tikjakakniŋ, sen nup tiwningiyak ak wisikak. ⁸Enjol ak nup angak, “Simbnang nand ak poŋgay, sendol ak ay gan angak.” Angkek, angak rek gek; enjol ak angak, “Chech paryomb ak ayey amnur angak.”

⁹ Angek, chech paryomb nuk ak ay, korip mingan mindek ak kirgiy, enjol ak yip sanjdirik. Enjol gak kun ak, Piyta nuk angninjak-enj, “Ak day nijsipiyn angyi nijak.” ¹⁰ Pen amiybi niqmindeyak kinjejrumb ominal ak silgiy, kinjej kilis timey mis biyan ak key yikakni, mis amnirik. Amiy, kinjejnamb okok amying, Piyta nijak; enjol ak ma mindek. ¹¹ Kun gek, niy angak, “Miñiy niqrep gispiyn. Ak Bapiy yomb nep, enjol nuk ak angyokek, ap gapman biyomb Herot yip miñ kilis ayip ak wisikip. Gapman biyomb Herot sek, Jiwda biynimb gok sek tap yip gining gipay ak, giningiy rek ma ayip angak.”

¹² Kun angyi, gos kun ak niqrep giy, binak Jon Mak nonim Mariya korip ak amnak. Korip kun ak biynimb kuaynep apiy, Gor nup angnin mindeyak. ¹³ Piyta apiy, kinjej ak pik giygiw gek, pañ Ronda, korip kun ak wong giyngip ak, kinjej ak yikni owak. ¹⁴ Apiy nijak, Piyta menj mingan anep angek niy, miñmiñ yimb giyng kinjej ak sakiy giy ma yikak; am biynimb gok kuyip angak, “Piyta ap mindip mis bikyan angak.” ¹⁵ Angek angyak, “Nip sakiy ayamb aspan angyak.” Kun angeyak, kilis yimb giy angak, “Yesek ma apiyn. Niñind yimb apiyn. Piyta mindip mis bikyan angak.” Angek, “Ak kawnan nuk ak rek ayip angyak.”

¹⁶ Pen kinjej ak tip pik giygiw gek, am kinjej ak yikiy niyjak; Piyta nep ap mindek niy, wal yimb angyak. ¹⁷ Wal angyakni, kuyip ñin tunj milich giy angak, “Ma yimb angnimimb angak.” Kun angyi, kalambis korip mindek, Gor enjol bap yokek apiy, nup yerer giy dand owak minim ak, kuyip angniy angak, “Nimb Jemis nup angniy, bi Jiysis ker mindpay gunap kuyip angniy ginimimb; yand wikan bap key amjiyi angyi,” amnak.

¹⁸ Minek miñmon tikakni, amiybi gok Piyta ma mindek niy, yergip angyi anj apran apyan gi mindeyak. ¹⁹ Gapman biyomb Herot, kun ak niy, nup kasek piyow niy dand wim angek, piyow mer niyjak; kuyip kor giy angek, amiybi kun gok kuyip pisnep yimb pik ayak.

Herot Kumak

Kisen gapman biyomb Herot Jiwda kirgiy, am Siysariya mindyingip. ²⁰ Mindiy, Taya biynimb gok sek, Saydon biynimb gok sek niyek, nup miluk yowak. Pen Taya-Saydon biynimb ap bi Herot korip nup kond mindep, Blastas nup siy angyi angyak, “Chinup per yiwan gek, ap Herot miñmon nuk biy, keñmangyi taw dand ambun sek. Kun ak chinup miluk ma niqnimu; kapkap jimñiy mindenjun angyak.” Angeyak, bi Blastas kun ak angak, “Ak niñind apim angak.”

²¹⁻²² Herot minim kun ak niy, ñin bap minim angningayn angyi angyak. Ñin kun ak apek; bi kiyn kay aypay chech tep tep yimb gok ay siya kiyn yomb nuk ar ak bisgiy, biynimb gok kuyip minim angnik angyak, “Ak bi rek ma asap, gor rek bap asap angyak.” ²³ Pen Gor nup

kirgiy, yimb nuk ak key dand aranak rek, Gor enjol bap yokek, ap nup gek tap yomb giy, kisow ayek kumak.

²⁴Pen Gor minim ak aṅṅney amnakniṅ, miñmon okok kind kind amnak. ²⁵Banabas yip Sol yip Jerusalem mindiy, giniṅ orik ak gindipur aṅgiy, Jon Mak nup poṅind andkind Antiyok amniyak.

Banabas Yip Sol Yip Minim Aṅṅniṅ Amnirik

13 ¹Miñmon Antiyok kun ak, bi Gor minim aṅṅep gunap, bi Gor minim aṅṅniyṅipay tiysa gunap mindeyak. Bi kun gok mey, bap Banabas; bap Sol; bap Simiyon. Bi Simiyon kun anup bi mosimb aṅgyiṅipay. Bap mey, Liwsiyas. Nuk miñmon Sayriyniy nimb. Bap Maneyen, nuk mey biyomb Herot buṅgiy nuk ak. ²Pen bi Gor minim aṅṅemb kun gok, tap ma ñimbiy, Gor nup nep aṅṅniṅ mindyakniṅ, Gor Kawnan ak kuyip aṅgak, “Nimb Banabas yip, Sol yip kuyip aṅṅenimimb, woṅṅ kuyip aṅṅnik ak ger amnimuṅ aṅgak.” ³Kun aṅgek, tap ma ñimbiy, Gor nup nep aṅṅniṅ mindiy, Banabas yip, Sol yip kuyip diniṅiy, bilesiym giyiṅ, Gor nirmiṅay yip mindeniṅgamb aṅgiy aṅgyokeyak; ⁴⁻⁵Gor Kawnan ak kuyip kond mindakniṅ, binak Jon Mak nup woṅṅ chinup siskoy gunap ginimuṅ aṅgiy poṅind, Seliwsiya biyaṅ amiṅ, siyip diy, miñmon ñiṅṅ timb kusgak Saypras amniyak. Amiṅ, miñmon yomb Seliwsiya amiṅ, Sol yip, Banabas yip Jiwda nan-gep korip gok amiṅ, biynimb gok kuyip Gor minim aṅṅnirik.

⁶⁻⁸Pen biynimb miñmon kun okok, Gor minim aṅṅni dam dam; miñmon yomb Pepos amjakyak. Miñmon Pepos kun ak, gapman biyomb kiyk ak yimb nuk, Sesiya Polas. Bi kun ak nuk bi gos kind yimb aṅgiy niṅyiṅip. Nuk Banabas yip, Sol yip kuyip, yip Gor minim tep ak aṅṅer niṅiṅ aṅgiy, aṅgek apiṅ, minim tep ak aṅṅnirik. Aṅṅer niṅiy, buṅgiy nuk Jiwda nimb, kuṅṅ tap gok nep giyiṅ, ‘Yand bi Gor minim aṅṅep aṅgyiṅip ak aṅgak,’ “Bi omiṅal kun ak, minim aspiyr ak ma dinimin aṅgak.” Bi kun ak yimb nuk Bajjisis. Pen Griyk minim aṅgiy, Eliymas aṅgyak. Eliymas aṅgyak minim kiñiṅ ak; koyimb sek aṅgiy aṅgyak.

⁹Sol nup yimb bap mey, Pol aṅgyiṅipay. Gor Kawnan ak Pol nup gos tep ñakniṅ, Bajjisis nup niṅyiṅjsek ay mindiy aṅgak, ¹⁰“Nip kichekiy tikak; timey nep gipan. Gor minim tep apay ak ma nep niṅban. Tap yerip yerip tep mindip ak kirgiy, biynimb gok kuyip tom nep gipan. Yerip ñin ak niṅniṅgamban? ¹¹Kun gipan ak Gor gek, ñin kaw bap windin koy giy nep mindeniṅgamban aṅgak.”

Pol minim kun ak aṅgakniṅ, Eliymas niṅak; semb gach rek band bap, ap windin nup ak yiwgak. Kun gek, bi bap yip kinjeṅ yomaṅ aṅgiy, tuṅgrirkoy gakniṅ, ¹²gapman biyomb Sesiya Polas niṅiy, wal yimb aṅgiy, Jiysis nup gosimb niṅak.

Miñmon Antiyok Yimb Along Bap Pen Amnirik

¹³Pen Pol binuk gok yip siyip diy, Pepos kirgiy, miñmon Pega, Pampiyliya propens ak amniyak. Am mindiy, Jon Mak nuk, kuyipmiṅay

kirgiy, andkind Jerusalem amnak. ¹⁴Kiyk pen Pega kirgiy, miñmon Antiyok, Pisiydiya propens ak amnirik. Am mindiy, Jiwda lotiw ñin ak apek, Jiwda nan-gep korip ak amiy, bisinḡ mindrikniḡ, ¹⁵bi lotiw kond mindyḡgipay gok tikjakiy, Mosis minim tikak gunap, bi Gor minim aḡep tikyak gunap, riytiym giy, ap Pol yip, Banabas yip kuyip aḡyak, “Mam omiḡal. Biynimb guniy niḡdiniḡiy rek minim ar gunap mindonimuḡ; kuyip aḡñinimiyr aḡyak.”

¹⁶Aḡeyak, Pol tikjakiy minim aḡniḡ, ñin dand araniy aḡgak, “Nimb Jiwda biynimb gok sek, Jiwda biynimb mer gok sek Gor nup niḡem tep gip gok, minim aḡniḡ gispiyn biy, timund pik niḡmindenimimb. ¹⁷⁻¹⁸Chin Jiwda biynimb miñiy mindpun biy, wosrey apis basind chinup gok, Gor niḡek tep gek aḡgak, ‘Biynimb kun gok rek diniḡayn aḡgak.’ Kun aḡiy kuyip dak ak mey, kisen kiyk miñmon Yijip am mindeyak, kuyip kond mindrep gek; ñi pañ gay, kuḡay yimb mindeyak. Ñin kun ak, biyomb Perow kuyip ma amniḡiy aḡgak ak pen, Gor tap mageprek gunap giy, kuyip dand miñmon nep namb Saynay owak. Kiyk keñmaḡiy tap gok nen, yiruk marik aḡyḡgipay ak pen; kuyip kond mindrep gek, simiy yin ñin jiwiy, andikiy ar piskind ak amnak. ¹⁹Pen kisen kuyip dap miñmon Keynan biy, miñmon onep ar ak wikan keykey aḡniḡ, apis basind sikop kuyip kond mindek, biynimb nind mindeyak gok gunap pik ay, gunap yuk yokiy, ap tip kun ak diyak.

²⁰“Kiyk Yijip mindey simiy yinak ak ñin paḡiy, miñmon nep namb okok mindey simiy yinak ak ñin paḡiy, biynimb yuk yokiy, miñmon kun ak diyak simiy yinak ak kunep ñin paḡiy gey mey, simiy yin ñin jiwiy onep tiḡawip piskind rek amnak.

“Pen Gor kuyip dap miñmon kun okok ay, bi minim tuḡsikep gunap aḡgayek, kuyip kond mindyḡgipay. Kisen bi minim nup aḡep Samwel mindek ñin ak, ²¹kiyk aḡyak, ‘Chin kiyḡ, biyomb miñmon chinup maḡiysek kond mindeniḡamb bap dinjun aḡyak.’ Aḡeyak, Gor binak Kiys ñinuk Sol nup aḡgayek, kiyḡ kiyk mindyḡgip. Nup Benjamin kiñiḡ ak tik dand amiy tikyak. Nuk kuyip kond mindek, simiy yin ñin jiwiy, andikiy onep ar piskind ak amnak. ²²Pen kisen Gor Sol nup kirgiy, Jesiy ñinuk Depiyt nup dek, kiyḡ mindiy, kuyip kond mindyḡgip. Kun giy kond mindakniḡ, Gor aḡgak, ‘Jesiy ñinuk Depiyt bi tep yimb; apiyn rek nep giniḡamb aḡgak.’ ²³Kun aḡiy kisen aḡgak, ‘Yand gen, Depiyt tikek tik dand amiy tikniḡambay bi bap, Yisrel biynimb biyomb kiyk mindiy, kuyip di Gor yip jimñiy aḡniḡamb aḡgak.’ Aḡgek mey, Jiysis Krays nup tikeyak; aḡgak rek nep gak.

²⁴“Pen Jiysis Krays tikjak wong ma gak ñin ak, Jon bi ñiḡ pikñemb ak ap Yisrel biynimb kuyip aḡgak, ‘Gor nup yenen timey gipun aḡiy, tap siy tap timey gipim ak kirgem, nimbip ñiḡ pikñiniḡayn aḡgak.’ ²⁵Jon biynimb okok kuyip Gor minim aḡñi dand amiy, kisen ñin bap aḡgak,

‘Nimb yip an angiy gos niñbim? Biyomb per kond mindpun ak mey, wip angiy niñbim? Yand biyomb yimb kun ak mer; Nuk kisen winingamb. Yand bi tep mer; tomb tirup nup ak tungasikyng, tap nup gok marik ginim rek ma ayip angak.’

26 “Pen nimb Ebrahim kiñiñ ak sek, biynimb okok nimb Gor nup angniñbim gok sek Jiysis chinup angiy kumak minim ak, minim chin yimb.

27 “Jerusalem biynimb gok sek, biyomb kiyk gok sek minek minek Jiwda nan-gep korip ak amiy, Krays kisen winingamb angiy tikyak minim ak, niñrep giyak ak pen; Jiysis apek, biyomb chin per kond mindpun ak, mey wip biy angiy nup ma kirgiyak; nind bi Gor minim angep gok nup pisnep pik ayningambay angyak rek nep giyak.

28 “Nuk tap timey bap gip akañ angiy, piyow mer niñyak ak pen; gapman biyomb Paylat nup angyak, ‘Nup ñangbirik aynimin angyak.’
29 Angey, nup dam mon kiros bak ak ñangbirik ay, bi Gor minim angep gok giningamb angiy angyak rek nep giyak. Pen kun giy geyak, biynimb nuk gok ap nup tungasik dam kamb miñgan ak komey, 30 Gor gek tip ak tikjakiy, 31 kim mindakniñ, Galiyliy biynimb nuk yip Jerusalem wiyak gok, nup minek kuñaynep niñyak rek, Yisrel biynimb gok kuyip angñey niñsipay.

32-33 “Miñiy mindpun namb biy, Jiysis nup gek tip tikjakip minim tep ak, nimbip aspur. Pen minim kun ak kisenimb mer; Gor wosrey apis basind sikop kuyip angkek, kond mindyngipay minim anep aspur. Baybol buk day sam namba tiw apay ak tikiy angyak,

‘Ñiyand. Yand miñiy Nap nand mindpiyn angip’ angyak.

34 “Gor angak kun ak, Ñinuk kumek, tip gek tikjakak ak mey, kisen kumiy kuying yownimuñ rek ma ayip. Gor Ñinuk Jiysis nup gek pisnep tikjakningamb minim ak angning angak:

‘Yand Depiyt nup; kuyip direp giningayn angiy minim angaynik rek, nimbip giningayn angak.’

35 “Ar kun ak nep mey, baybol buk ‘Sam’ apay ak, minim gunap tikiy angyak:

‘Ñi suñ-tep nand, nip wong giñimb ak, ma kuying yowningamb; nand gey tip tikjakningamb angyak.’

36 “Pen nimb gunap angningambim, Gor minim angiy tikyak kun ak, Depiyt nup angiy tikyak angningambim ak pen; Depiyt nup angiy ma tikyak. Depiyt Gor nup gosimb niñiy angak rek, biynimb nup gok kuyip wong giñi dand amiy kumek, nop nusind sikop kuyip komyngipay okok dam komeyak, kuying yowak. 37-38 Kun ak mam ay sikop niñim! Depiyt nup ma angyak, bi angyak kun ak kumek, Gor gek tikjakak ak mey, ma kuying yowak. Bi kun ak Jiysis nup nep angyak. Kun ak mey, Gor tap siy tap timey gipim ak niñiy kirginingamb angiy, nimbip aspur. 39 Chin Jiwda

low minim ar anep niñiy goniñgambun; Gor tap siy tap timey gipun ak niñnep mindeniñgamb. Pen Jiysis nup gosimb niñoniñgambun; tap siy tap timey ginuk ak, niñiy kirgiy, ‘Biynimb suñ-tep yand gok añgñiñgamb.’
 40 Pen nimb bi Gor minim aņgep gok, wosrey aņgyak rek ginimimb rek ayip ak, niñrep ginimimb. Kiyk aņgyak:

41 ‘Biynimb niñiy sik nep apim gok niñim! Nimb mindpim won biy, tap giniñgayn ak nimbip nind aņgñembiyap, “Yesek apay” apkip rek ayip. Kun ak gos kuñay niñyiyñg kumnimimb aņgyak.’ ”

42 Pol yip, Banabas yip minim kun ak aņgyiy mis amnirikniñ, biynimb gok aņgyak, “Lotiw ñin kisen ak tip apiy, chinup minim kun ak gunap sek aņgñinimiyr aņgyak.” 43 Jiwda nan-gep korip ak kirgiy, keykey amniyakniñ, Jiwda biynimb yipund giy gunap, biynimb okok nimb, Jiwda biynimb niñyak rek niñyak gok gunap Pol yip, Banabas yip kuyip kindik giy amniyak. Kinjeñnamb ak amyiyñg, kuyip aņgrop giy aņgrik, “Gor chinup simb niñimb rek dip aņgyiy, gos ak niñyiyñg nep mindenimimb aņgrik.”

44 Jiwda lotiw ñin kisen ak, biynimb miñmon yomb kun ak mindeyak gok maņgyisek rek, Gor minim niñning ap nan-giyak. 45 Kun geyak, Jiwda biyomb gok Pol yip, Banabas yip kuyip niñey, milukrimey yimb yapek, biynimb gok kuyip minim yerip yerip aņgrik ak aņgjiwiyy, kuyipmiñay aņgjiwiyy giyak.

46 Kun giy aņgjiweyak, Pol yip, Banabas yip kuyip aņgrik, “Minim kun ak, nimbip Jiwda biynimb nind aņgep rek ak apur ak pen; nimb key permindep ma diniñgambun apim ak; miñiy Jiwda biynimb mer gok kuyip aņgñiniñgambur. 47 Kun ak, Gor wosrey aņgek tityak rek giniñgamb. Nuk aņgak:

‘Yand apiyn ak mey, nimb Jiwda biynimb gok, Jiwda mer gok kuyip melik kiyk ak mindiy, minim yip ak miñmon okok maņgyisek aņg ñem mey; biynimb minim yip niñiy diniñgambay gok kuyip, di yand yip jimñiniñgayn aņgak.’ ”

48 Jiwda mer gok minim kun ak niñeyak, kuyip tep yimb gek, Gor minim nuk ak tep yimb aņgyak. Kun ak biynimb Gor perper mindeniñgyiy aņgyiy niñayak gok maņgyisek, nup gosimb niñyak.

49 Pen Jiysis minim ak, miñmon Antiyok okok maņgyisek tapin nep amnakniñ, 50 Jiwda biynimb gok kuyip miluk yapek, am Antiyok biyomb, biynyomb Jiwda lotiw wiyak gok kuyip aņgeyak, kiy am biynimb kuñaynep dand apiy, Pol yip, Banabas yip kuyip timey giy, aņgyokyak. 51 Aņgyokeyak, miñmon Antiyok kun ak kiring amniñg, biyn bi guniy minim ak dand apor ma niñbay aņgyiy, tomb silkul gok pipal piker yapek, miñmon Aykoniyyam amnirik. 52 Pen Antiyok biynimb Jiysis nup gosimb niñyak gok, Gor Kawnan ak yip mindiy, miñmiñ yimb giyiyñg mindiyñgipay.

Banabas Yip Pol Yip Aykoniyam Tangerangik

14 ¹Banabas yip, Pol yip am Aykoniyam mindiy, Jiwda nan-gep korip ak amiy, minim anġrep gerik, Jiwda biynimb diy, Jiwda biynimb mer gok diy, kuṅaynep Jiysis nup gosimb niṅyak.

²Pen Jiwda biynimb gunap anġyak, “Minim kiymīṅay apiyr ak ma diniṅgambun anġiy,” am Jiwda biynimb mer gok kuyip anġey, biynimb Jiysis nup gosimb niṅyak gok kuyip, miluk niṅyak.

³Pen Banabas yip, Pol yip minim kun ak niṅiy, miñmon kun ak ma kiring amnirik; mindyīṅ Gor minim tep ak anġniyīṅgiyir. Gor kuyipmīṅay kond mindakniṅ, tap mageprek gunap gerik, biynimb Jiwda mer gok niṅiy, minim aspiyr kun biy, niṅind yimb nep aspiyr anġiy niṅyak. ⁴Pen Aykoniyam biynimb kun gok, asik keykey ay; pis bap Banabas yip, Pol yip minim anġrik rek niṅyak, pis bap, Jiwda biynimb anġyak rek niṅyak.

⁵Pen, Jiwda biynimb gok, Jiwda biynimb mer gok, biyomb kiyk gok sek Banabas yip, Pol yip kuyip timey giy, kamb jiw pikayun anġiy gos ak niṅyak. ⁶⁻⁷Kiykmiṅay pen minim kun ak niṅiy, pirik miñmon Liystra Debiy, Likoniya propens ak amiy, kun okok giranġyīṅ, Gor minim tep ak anġniirik.

Bi Tomb Timey Gak Ak Suṅ Ayak

⁸⁻¹⁰Pen miñmon Liystra kun ak, bi bap nonim nup tikak ñin anep tomb timey gak bap mindek. Bi kun ak nuk ap bisīṅ mindyīṅ, Pol minim anġgakniṅ, niṅmindek. Pol bi kun ak nup niṅiy, bi kun biy Gor yip gek suṅ ayningamb anġiy niṅmindip rek ayip anġiy, nup niṅyīṅ, meṅṅ miṅgan dand araniy anġak, “Jakan!” Anġek, tikjakiy amnak.

¹¹Pol kun gek, biynimb niṅmindeyak gok wal anġiy, minim yimb kiyk Likoniya minim ak anġiy anġyak, “Bi semb biyoṅ nimb gok, biyimb rek ay, ap aspiyr biy anġyak.” ¹²Kun anġiy, Pol nup anġyak, “Ak bi minim anġep Hemis, per anġniṅbun ak wip anġyak.” Banabas nup pen anġyak, “Ak bi Sus, lotiw korip giy per anġniṅbun ak wip anġyak.” ¹³Tap Sus anġiy anġniṅyīṅgiyay kun ak, lotiw korip nup ak gayak dawin gol kun ak mey, bi lotiw yesek kond mindep kun ak, bi Sus per anġniṅbun ak miñiy wip biy anġiy, makaw anġlam gunap diy, mon sum tep tep gunap diy dand apek, biynimb kuṅay yimb nep wiyak. ¹⁴⁻¹⁵Pen Pol yip, Banabas yip giyak kun ak niṅiy, chirup Gor rek kun gispay anġiy, chech kiyk gok tunġralikiy, biynimb kuṅay mindeyak namb kun ak amiy anġrik, “Chirmiṅay gor mer! Biynimb yimb yipund giy. Pen Gor Biyomb yimb tap okok maṅgiysek gayak ak, minim tep nup ak dand aswur. Nuk semb biyoṅ gay, man ar biy gay, ñiṅ solwara ak gay gak. Chir minim tep nup ak anġor, tap yikop anġniṅbim gok kirgiy, Gor permindep ak nup, anġ

niñmindenimimb angyi nimbip aspur. ¹⁶Pen wosrey tikiy, Gor biynimb miñmon keykey okok, yerer giyak ak, minim ma angak. ¹⁷Pen nimbip kirgek, yikop yimb ma mindpim; Minek minek nimbip direp giyিং; gek miñmon pikiy, tap keñmangyi kuñay mindakniñ, miñmiñ gipim. Kun ak biynimb akay akay nuk mindip angyi niñning, miseñ niñningambay angrik.”

¹⁸Kun angrik ak pen, biynimb kun gok bi omiñal biy semb biyoñ nimb opiy angyi, kaw anlam gunap pik simboñ ñiniñ geyak, kosyam anğ anğ kuyip mer angrik.

Pol Nup Kamb Jiw Pikay

¹⁹Pen kiyminay miñmon Liystra kun ak nep mindrikniñ, Jiwda biynimb Antiyok Pisiydiya propens mindyিংipay gunap, Aykoniyam mindyিংipay gunap ap, biynimb kun gok kuyip yesek angyi angyak, “Minim tep ma aspiyr. Yesek aspiyr angyak.” Kun anğeyak, biynimb kun gok niñiy, Pol nup kamb jiw pikay, pisnep kumimb angyi, lipiñ dam kamb wariy giyak ak taw akyañ ken yokyak. ²⁰Yokeyak, biynimb Jiysis nup gosimb niñyak gok, ap piñiy kus kus geyak, Pol tikjakakniñ, nup tip ak poñind dawin yomb miñgan biyañ amniyak.

Banabas Yip Pol Yip Andkind Antiyok Siyriya Amnirik

Minek, Banabas yip, Pol yip Liystra kirgiy, miñmon Debiy amnirik. ²¹Amiy, Jiysis minim tep ak biynimb gok kuyip anğñerik, biynimb kuñaynep Jiysis nup gosimb niñyak. Pen kiykminay nind opur ar anep amjur angyi, andkind Liystra, Aykoniyam, Antiyok Pisiydiya propens ak amyiñ; biynimb nind Jiysis minim anğer niñyak gok kuyip, tip ak anğñirep giyিং amnirik. ²²Pen anğrep giyিং angrik, “Jiysis minim ak ma kirginimimb; nup gosimb niñbim rek nep niñnimimb. Kun gem, nimbip miker ñiniñambay ak pen; kosyam mindpun angyi gos ak ma niñnimimb; Gor chinup diy kond mindeniñgamb angyi kilis giy gem amnimuñ angrik.” ²³Kun anğyিং, biyomb kuyip miñmon keykey kun gok kond mindeniñgiy gunap anğay, kiyminay tap ma ñimbiy, Gor nup anğniñyিং angrik, “Biynimb guniy, nip gosimb niñbay rek, kuyip kond mindenimin angrik.”

²⁴Kun giy Pisiydiya propens okok tanğiy, andkind ap Peka, Pampiyliya propens ak amiy; ²⁵Gor minim ak biynimb kun gok kuyip anğñiy, miñmon Ataliya amnirik.

²⁶Amiy, siyip diy; Antiyok Siyriya propens nind mindiy wirik ak andkind amnirik. Kiyk nind amniñg gerik, Antiyok biynimb Jiysis nup gosimb niñyak gok, Gor nup anğniñiy angyak, “Minim tep nand ak biynimb okok kuyip anğñiniñg amjipiyr rek, kuyipminay kond mindrep ginimin angyi, kuyip miñay anğyokey, am Anğeyak, minim kun ak

anġni tanġyinqiypir. ²⁷Kun ak andkind Antiyok apiy, biynimb Jiysis nup gosimb niŋyak gok kuyip suk anġer, apeyak anġrik, “Nimb chirup, Gor nup anġniŋ mindnimbikniŋ mey, Gor chirup kond mind tep gakniŋ, Jiysis minim tep ak anġni tanġor; biynimb Jiwda mer gok kuŋaynep Jiysis nup gosimb niŋbay anġrik.” ²⁸Kuyip kun giy anġniy, kiy yip tapin mindyinqiypir.

Jerusalem Ap Nan-giy Minim Anġyak

15 ¹Pen Jiwda bi Jiysis nup gosimb niŋyak gunap, Jiwdiya nimb apiy, bi Jiwda mer Jiysis nup gosimb niŋyak gok kuyip anġyak, “Basind Mosis chinup Jiwda biynimb gok anġak, ‘Gor binuk mindniŋg, kumbak tiknimimb anġak.’ Kun ak nimb kun ma giniŋgambim ak, Gor binuk ma mindeniŋgambim anġyak.”

²Pen Pol yip, Banabas yip minim ak yipund ma gip anġgiy, kiy yip penpen yimb anġ amniyak. Kun geyak, Antiyok biynimb Jiysis nup gosimb niŋyak gok anġyak, “Bi gunap yokon, Pol yip, Banabas yip Jerusalem amiy, bi Jiysis minim dand amemb gok sek, bi lotiw kond mindpay gok sek minim anġ amiy apiy giy, ap anġey chin niŋjun anġyak.”

³Kun anġgiy, kuyip yokyakniŋ, am am Piniysiya propens namb ak amyiŋg, biynimb Jiysis nup gosimb niŋyak gok kuyip anġyak, “Miŋmon okok biynimb Jiwda mer gok kunep, Jiysis nup gosimb niŋsipay anġyak.” Kun anġeyak, kuyip tep gak. Miŋmon Piniysiya kun ak kirgiy, Samariya amiy, kuyip minim kun ak rek nep anġeyak, kiyk kunep niŋey tep gak.

⁴Pen Samariya kirgiy, Jerusalem amjakeyak, bi Jiysis minim dand amemb gok sek, Jiysis biynimb nuk gok kuyip kond mindeyak bi gok sek, biynimb Jiysis nup gosimb niŋyak yikop gok sek kuyip niŋiy anġyak, “Mam sikop aswim anġyak.” Anġeyak, Banabas yip, Pol yip pen anġrik, “Gor chin yip tanġiy mey, minim tep anġniŋ; biynimb miŋmon okok kuŋaynep Jiysis nup gosimb niŋsipay anġrik.”

⁵Kun anġerik, bi Peresiy Jiysis nup gosimb niŋyak gunap anġyak, “Biynimb Jiwda mer gok, Jiysis nup gosimb niŋsipay ak, kumbak tikiy Mosis anġak anġak rek giy, Gor biynimb nuk yipund giy mindeniŋgambay anġyak.”

⁶Kun anġeyak, Jiysis biynimb nuk gok kuyip kond mindep bi gok sek, bi Jiysis minim dand amemb gok sek minim kun ak anġrep gun anġgiy ap nan-giyak. ⁷Ap nan-giy, minim anġ dam namb pikyiŋg, Piyta tikjakiy anġak, “Mam sikop. Nimb niŋbim: Gor chinup woŋg keykey anġip rek, wosrey Jiwda mer gok anġgem niŋniŋgiy anġgiy, yip anġgek, am kuyip minim tep nup ak anġniŋik.

⁸“Gor gos timund chinup maŋgiysek niŋimb ak, chinup Jiwda diy, Jiwda mer gok kuyip ma kirgiy; Kawnan nuk chinup yokak rek, kuyip

kunep yokak. ⁹Chinup minim bap key angyiy; kuyip minim bap key angyiy ma gip. Chinup maŋgiysek minim ar nokom angak ak mey, nup gosimb niŋon; tap siy tap timey gipun ak niŋiy kirgip rek, kuyip kunep gip.

¹⁰“Gor kuyip pisnep dip kun ak, nimb yenen, Gor chinup yerip ginimuŋ angyiy nembnemb giyiŋ apim, ‘Mosis minim sikoy angak angak rek ma giniŋgambay ak, kuyip ma diniŋgamb apim?’ Asik mosik girep giniŋgiy apim kun ak, apis basind sikop gi mer niŋyak. Chin kunep gi mer niŋbun ak pen, nimb tip ak aspim. ¹¹Jiysis chinup simb niŋiy kumak rek, Gor chinup diy, biynimb okok kuyip diy gip angak.”

¹²Pen biynimb ap mindeyak gok, minim bap angyiy mer, kapkap mindeyak; Banabas yip, Pol yip angyrik, “Chir biynimb okok kuyip minim tep ak angyiŋ tangyiŋ, Gor tap mageprek gunap kun kun giy gak angyrik.”

¹³Pen minim kiymiŋay ak angyiwrikniŋ, Jemis tikjakiy angak, “Mam sikop. Minim yand angyiŋ gispiyn biy niŋim! ¹⁴Gor biynimb Jiwda mer okok kuyip gunap nind dak minim ak, Piyta mindarik nimbip angyip. ¹⁵Biynimb Jiwda mer gok kuyip dak kun ak, bi Gor minim angyep gok wosrey angyiy tikyak rek nep gak. Minim kun ak tikiy angyak:

¹⁶⁻¹⁷Biymb ak angyip, ‘Wosrey Jiwda kay nusind kiyk Depiyt mindek niŋ ak, kuŋaynep mindrep giyak ak pen; miŋiy yip kirgiy, gos kiyk key niŋbay ar ak nep gipay. Kun ak, kisen yand biynimb miŋmon okok maŋgiysek diniŋ gipiyn gok kuyip den, gos yip ak niŋniŋgambay. ¹⁸Tap yerip yerip kisen giniŋgamb ak niŋbiyn ak mey, kun aspiyn angyip’ angyak.”

¹⁹Jemis minim kun ak angyiy angak, “Biynimb Jiwda mer gok, Jiysis nup gosimb niŋsipay ak, kuyip tap asik mosik gep gok kuŋay mindip angyiy ma angyun! ²⁰Kuyip yikop minj tikyokiy angyun: ‘Biynimb gunap gor yesek gunap sinbongniŋ, kimin kanj tap okok pikeniygiy, ma niŋnimimb. Kimin kanj tap gok, likaŋ ak ma niŋnimimb. Kuŋam tuŋwikey kumek, likaŋ sek mindeniŋgamb rek ma niŋnimimb. Kuŋam tikem, likaŋ amdek nep niŋnimimb. Pen biyn siy bi siy ma ginimimb angyun angak.’ ²¹Yenen, chin Jiwda asik mosik gipun minim Mosis tikak ak, wosrey angyeyak niŋbay. Miŋiy kunep miŋmon okok maŋgiysek, loti niŋ ak ap Jiwda nan-gep korip ak nan-giy, minim Mosis angyiy tikak ak angyey niŋbay angak.”

Biynimb Jiwda Mer Gok Kuyip Minj Tik Yokyak

²²Jemis kun angyek, Jiysis biynimb nuk gok kuyip kond mindeyak bi gok diy, bi Jiysis minim dand amemb gok diy, biynimb yikop Jiysis nup gosimb niŋyak gok diy maŋgiysek angyak, “Antiyok biynimb kuyip minj bap tikiy, biymb Jiwdas yip, Salas yip niŋon; Pol yip, Banabas yip amjiyir rek, dand kawsek amniyaŋ angyak.” Bi Jiwdas kun ak yimb bap “Basabas” angyiŋgipay.

²³Pen kiyk kun angyi, minj tik miñmon Antiyok Siyriya propens ak yokiy, miñmon Siyliysiya propens ak yokiy, angyak,

“Mam sikop nimb mindpim?”

“Chin numam nimbik Jiysis minim dand amemb gok sek, Jiysis biynimb nuk gok kuyip kond mindep gok sek nimbip biynimb Jiwdas mer, Jiysis nup gosimb niñbim gok minj tikyoksipun. ²⁴Yenen: minim bap wip ak; biynimb guniy nimb gunap, chinup angninjiy mer, gos kiyk anep niñjiy, nimbip am minim yomb gospar ayep rek gunap angeyak mey, ²⁵⁻²⁶nimbip minj biy tiksipun. Bi chin omiñal sek angyokon; Pol yip, Banabas yip kawsek niniñgambay. Yimb kiyminjay ak, Jiwdas yip, Salas yip. Pen Pol yip, Banabas yip bi tep yimb omiñal ak; chirup ñang pikayniñgambay angyi gos ak ma niñbiyr: Jiysis minim tep ak, monmon angnirep giying tapiyr. ²⁷Bi kiyminjay yip yokniñgambun omiñal kun ak, minj tikpun minim ar anep nimbip angniniñgayr. ²⁸Gor Kawnan ak chinup gos tep ñek, minim kun biy tiksipun. Chin Jiwdas gipun gipun rek ginimimb angoniñgambun; kosyam giniñgambim ak mey, tap magep yep kaw bap nep aspun. ²⁹Nimb Jiysis nup gosimb niñbim rek, biynimb gunap, kimin kanj tap yesek gunap simbonjiy pikeninjiy; ma ñiñnimimb. Kimin kanj tap gok likañ ak ma ñiñnimimb. Kuñam miñ wok gey kumek, likañ sek mindonimuñ ak kunep ma ñiñnimimb. Biyn siy bi siy ma ginimimb. Tap apun kun gok asikrep giniñgambim ak, tep yimb. Minim kun ak angdipun. Tep.”

³⁰⁻³¹Pen biynimb Jerusalem nimb Jiysis nup gosimb niñyak gok, minim kun ak tikiy, Jiwdas yip, Salas yip kuyip ñey, Banabas yip, Pol yip miñmon Antiyok amniyak ñin ak, dand sesek amniyak. Dand amjakeyak, biynimb Jiysis nup gosimb niñyak gok ap nan-giy, minj tikyokyak kun ak riytiym giy niñey, kuyip tep yimb gak. ³²⁻³³Jiwdas yip, Salas yip bi Gor minim anjep omiñal ak mey, ñin kaw bap Antiyok mindiy, mind tep giyan angyi, minim tep gunap kuñaynep angnirik. Kun giy angnindiy amnirikniñ, mam ay kun gok angyak, “Tep. Amniyr angyak.” ³⁴Pen Salas gos nuk key niñjiy angak, “Yand Antiyok biy mindenim angyi,” Antiyok mindek; Jiwdas nep andkind Jerusalem amnak. ³⁵Pol yip, Banabas yip Antiyok mindiy, bi kun okok nimb gunap yip, Jiysis minim tep ak angyi, angnirep giying mindyingipay.

Pol Yip Banabas Yip Keykey Amnirik

³⁶Pen mind dand amiy, Pol Banabas nup angak, “Chirminjay nind tanjiy Jiysis minim angor amnak miñmon okok, Jiysis nup gosimb niñying nep mindpay akan angyi, am niñjiy wur angak.” ³⁷Angek, Banabas angak, “Kun ak Jon Mak nup poñind amjur angak.” ³⁸Angek, Pol angak, “Ni kun ak nind poñind amor, wong gi diy ma owak; nuk Pampiyliya nep amiy kiring owak. Kun ak miñiy nup poñind ma

amningambur angak.” ³⁹Pol kun anggek, kiykmiñay keynep penpen angiy, Banabas nuk Jon Mak yip siyip diy, miñmon Saypras amnirik. ⁴⁰Pol nuk pen, binak Salas nup dak. Biynimb Jiysis nup gosimb niñyak gok, Pol yip, Salas yip kuyip, Gor niripmiñay kond mindakniñ, tanñgiy winimiy angiy angyokeyak, ⁴¹am Siyriya propens okok, Siyliysiya propens okok tangyiñg, biynimb Jiysis nup gosimb niñyak gok kuyip, minim gunap sek angrep girik.

Pol Miñmon Tangyiñgip Okok Tip Amnak

16 ¹⁻²Kiymiñay am am, miñmon Debiy amiy, miñmon Liystra amjakrik. Miñmon kun ak, bi Jiysis nup gosimb niñak bap mindek. Yimb nuk Timotiy. Biynimb Jiysis nup gosimb niñyak miñmon Liystra sek, Aykoniya sek nuk bi tep yimb angyak. Bi kun ak, nonim nuk Jiwda nimb Jiysis nup gosimb niñak; nop nuk ak Griyk nimb.

³Pol pen, Timotiy nup niñek tep gek, nund yip Jiysis minim ak angñi tanñor angiy niñak ak pen; Jiwda biynimb gok, nop Griyk nimb ak ñinuk kumbak ma tikip rek, minim nup ma niñjun angniñgiy rek ayek niñiy, Timotiy nup dand amek kumbak tikyak. ⁴Tikiy kisen mey, Pol, Salas, Timotiy kiykyakam, dawin yomb okok tangyiñg, biynimb Jiysis nup gosimb niñyak gok kuyip angyak, “Bi Jiysis minim dand amemb gok sek, Jerusalem Jiysis biynimb nuk gok kuyip kond mindpay bi gok sek apay, ‘Mosis Jiwda asik mosik minim angak ak manñiysek mer; kaw bap nep dinimimb apay angiy kuyip angrep giyak.’” ⁵Angrep geyak mey, biynimb Jiysis nup gosimb niñyak gok, mindrep geyak, biynimb yikop gok kunep tep gek, minek minek gunap sek Jiysis nup gosimb niñyak.

Pol Wisin Niñak

⁶⁻⁷Pol binuk gok yip Esiya tanñey, Gor Kawnan ak angak, “Miñmon biy minim tep ak kuyip ma angñinimimb angak.” Kun anggek, Priysiya propens namb okok tanñgiy, Galesiya propens namb okok tanñgiy, ap miñmon Miysiya mañ mañ giyiñg, Biytiyniya propens amnun anggeyak, Jiysis Kawnan ak kuyip angak, “Ma amnimimb angak.” ⁸Kun anggek, miñmon Biytiyniya ma amniyak; Miysiya kirgiy, miñmon Trowas amniyak.

⁹Amiy, kisyimnamb biyañ Pol day niñak; bi Masedoniya propens nimb bap tikjakiy, nup suk angyiñg angak, “Chinup simb niñiy, ñiñg tikiy, pis biy winimin angak.” ¹⁰Pol kun giy day niñek, ak Gor nep, Masedoniya biynimb kuyip minim tep ak angñinimimb angip angiy, am siyip diy, ¹¹am am, miñmon ñiñg timb kusgak Samotres amjaknuk. Minek pen, miñmon ñiñg timb kusgak Niyapoliys amjakiy, ¹²siyip ak kirgiy, Masedoniya biynimb miñmon yomb kiyk Piyliypay amjaknuk. Miñmon Piyliypay kun ak, Rom gapman kuñaynep ap mindiy kond mindyiñgipay.

Biyn Liydiya Jiysis Nup Gosimb Niḡak

Nin kaw bap miñmon kun okok yikop mindiy, ¹³Jiwda lotiw nin ak apek, miñmon yomb biy ninḡ gol akyim, Gor nup anḡniḡbay tip bap mindip anḡiy, miñmon yomb kun ak kirgiy, amiy niḡnuk: biyn gunap ap mindeyak. Niḡiy, kun siḡak bisgiy, kuyip minim anḡñinuk. ¹⁴Biyn mindeyak kun gok, bap yimb nuk Liydiya. Nuk chech muk gok gayek tawyiḡipay. Nuk Tayatayra nimb. Gor nup nep anḡniḡyiḡip. Biyn kun anup, Jiysis gos tep ñek, Pol minim anḡak ak niḡind anḡip anḡiy dek, ¹⁵nup ninḡ pikñiy, biynimb nuk yip kinyak gok kuyip ninḡ pikñiy ginuk. Biyn Liydiya kun ak anḡak, “Nimb yip niḡem, Jiysis nup gosimb niḡbiyn rek ayip ak, ap korip yip biy mindenimimb anḡak.” Chinup kun anḡek, niḡind anḡip anḡiy, am korip nup ak kininuk.

Pol Yip Salas Yip Kuyip Kalambis Ayak

¹⁶Pen chin minek bap tip ak, Gor nup anḡniḡniḡ amiy, pañ woḡ yikop giñemb bap nup namb piknuk. Pañ kun anup kichekiy abaḡ ayek mey, tap yerip yerip kisen giniḡgamb ak, biynimb gok kuyip anḡñek, nup maniy tawyiḡipay. Kun gek, bi nup taw dand apey, woḡ kuyip giñiyiḡip gok, maniy yomb diyiḡipay.

¹⁷Chin amninukniḡ, pañ kun ak chinup kisen giyiḡ anḡyiḡip, “Bi guniy, Gor Biyomb ak nup woḡ giyiḡ, nimb yergem Gor nimbip diniḡgamb minim ak anḡñiraspay anḡyiḡip.”

¹⁸Pen minim kun ak rek, minek minek anḡek, minek bap Pol nup yiruk gek, andikiy pañ kun anup kichekiy ambaḡ ayak anup anḡak, “Jiysis Krays yip ginimin anḡip rek, nip aspiyn, pañ anup kirgiy amnoḡ anḡak.” Kun anḡakniḡ, kichekiy nup ambaḡ ayak ak, mis amnak.

¹⁹Pen pañ kun anup kond mindyiḡipay bi gok, Pol kichekiy anḡyokak minim ak niḡiy, maniy yomb dipun ak, kisen ma diniḡgambun anḡiy, Pol yip, Salas yip kuyip kor giniḡ, lipiḡ dand, Rom biyomb mindeyak ak amiy anḡyak, ²⁰“Jiwda nimb bi omiḡal biy, ap miñmon chinup biy monmon gispiyr ak, yesek gispiyr. ²¹Chin Rom biynimb, minim nindik ar ak key mindip ak pen; kiyk yerginiḡ, minim kisenimb ak niḡyaḡ anḡiy anḡraspiyr anḡyak.”

²²Biynimb mindeyak gok kunep, minim ar kun anep anḡeyak, biyomb gok tikjakiy, chech kuyipmiḡay gok tunḡasikiy anḡyak, “Kur diy pikim anḡyak.” ²³Anḡeyak, kur diy pik andik mandik giy, dam kalambis miḡgan ak yokiy, bi kalambis kond mindek anup anḡyak, “Kuyipmiḡay niḡmindenimin anḡyak.” ²⁴Anḡeyak, bi kalambis kond mindek ak, kuyipmiḡay poḡind dam korip miḡgan yimb biyaḡ ay, tomb kind kuyip omiḡal ak diy mon yomb miḡgan ak anḡek liḡer amek, lokiym gak.

²⁵Pen kisyimnamb yomb biyaḡ, Pol yip, Salas yip Gor nup anḡniḡyiḡ, lotiw kamep gunap anḡ mindriknḡ, kalambis bi gok maḡiysek niḡmindeyak.

²⁶Kun giy niŋmindyakniŋ, day monmon yomb ak diy, kalambis korip ak dand doŋwiy giy, kinjeŋ gok yikiy, kalambis kay kuyip tiwningiyak senwur gok, maŋgiysek asikak. ²⁷Kun gek, bi kalambis kay kuyip kond mindek ak tikjakiy niŋak; kinjeŋ gok maŋgiysek yikiy mindek. Nuk niŋiy, kalambis kay kinjeŋ yikiy pirik amdipay rek, biyomb ak yip ŋaŋgningamb aŋgiy, ŋayip baynat ak lipiŋ diy, nuk key piŋiy ayin aŋgak.

²⁸Pol pen, meŋg miŋgan dand araniy aŋgak, “Yenen nak key piŋiy ayning gispan? Chin ma pirik ambun. Maŋgiysek mindpun aŋgak.”

²⁹Aŋgek, bi kalambis kond mindek ak meŋg miŋgan dand araniy aŋgak, “Kalambis kay amdipay rek ayip! Sup ak kasek dowim aŋgak.” Aŋgek, sup dand apeyak, dand korip miŋgan amiy, jel gek, jep jep diyinŋ, am Pol yip, Salas yip minderik kiŋiŋ siŋak koŋgim yimak. ³⁰Pen kun giy koŋgim yimiy tikjakiy, kuyipmiŋay poŋind mis biyaŋ amiy aŋgak, “Bomiŋal. Yand yergen, Gor yip diniŋgamb?” ³¹Aŋgek, nup aŋgrik, “Jiysis nup gosimb niŋeniŋgamban; Gor nip diniŋgamb; biynimb nand yip kinban gok kunep aŋgrik.”

³²⁻³³Kun aŋgerik, kuyipmiŋay kisyimken biyaŋ nep dand amiy, pikyak gok ŋiŋ ayokak. Pen Pol yip, Salas yip biynimb nuk yip kinyak gok sek kuyip, Gor minim ak aŋgnerik, nup gosimb niŋeyak, kuyip maŋgiysek ŋiŋ piknerik. ³⁴ŋiŋ piknerik, bi kalambis kay kuyip kond mindek kun ak, kuyipmiŋay poŋind korip nuk ar biyoŋ amiy, tap keŋmaŋgiy ŋek ŋiŋrik. Bi kun ak, biynuk ŋapan nuk gok sek, “Miŋiy Gor nup gosimb niŋbun aŋgiy,” tep gakniŋ mindeyak.

³⁵Minek pen, Rom biyomb gok, poliys gok kuyip aŋgyak, “Bi kalambis mindpiyr omiŋal ak kuyip wisik yokem, amnimiyr aŋgyak.”

³⁶Aŋgeyak, bi kalambis kay kuyip kond mindyŋgiŋip ak, minim kun ak dand Pol yip, Salas yip minderik ak amiy aŋgak, “Biyomb gok nirip apay, ‘Wisik yokem amnimiyr apay.’ Kun ak gos sek amnimiyr aŋgak.”

³⁷Aŋgek, Pol aŋgak, “Chirmiŋay kunep bi Rom nimb ak pen, kor niŋiy mer; biynimb namb ak chirupmiŋay kur diy pikiy, dam kalambis aypay ak tep ma gip. Kun ak chirup kapkap weygiy aŋgyokun aŋgiy aspay? Kiyk key apiy, chirup wisik yokniŋgambay aŋgak.”

³⁸⁻³⁹Pol kun giy aŋgek, poliys gok minim kun ak niŋiy, andkind am biyomb gok kuyip minim kun ak aŋgneyak, kiyk kunep Rom nimb aŋgiy pirikiy, am Pol yip, Salas yip kuyip minim sayn aŋgiy aŋgyak, “Nirmiŋay miŋmon yomb kun biy kiriŋg amnimiyr aŋgyak.”

⁴⁰Aŋgeyak, Pol yip, Salas yip kalambis korip ak kirgiy, biyn Liydiya korip ak am mindiy, biynimb Jiysis nup gosimb niŋyak gok kuyip minim aŋgrop giy, amnirik.

Tesalonayka Biynimb Pol Yip Salas Yip Kuyip Pikniŋ Giyak

17 ¹Kiyimiŋay miŋmon Piyliypay kirgiy, am am miŋmon Ambiypoliys amjakrik. Ambiypoliys nimb am am, miŋmon

Apoloniya amjakrik. Pen Apoloniya nimb am am miñmon Tesalonayka amjakiy niñrik; Jiwda nan-gep korip bap mindek. ²Niñiy, Pol per giyiñgip, Jiwda lotiw ñin omiñal nokom, biynimb gok yip nan-gep korip miñgan ak amiy, Gor minim nind angyi tikyak ak, anğ amiy apiy giyak. ³Kun giy anğ amiy apiy giyiñg, kuyip Jiysis minim tep ak anğñirep giyiñg anğak, “Bi Krays winiñgamb angyi kond mindpim ak, nuk apiy, chinup nen angyi, yiwur dak. Bi Kiyñ yomb key yimb kond mindyiñgipun ak mey, bi Jiysis nimbip kesim dispiyn ak nep. Baybol buk ak nup nind angyi tikyak rek, kumiy tip ak tikjakak anğak.”

⁴Kun anğek, gunap niñind anğip angyi, Pol yip, Salas yip kind ak amniyak. Griyk biynimb Gor nup anğniñyiñgipay gunap; biyn yimb sek gunap kunep, Pol yip, Salas yip anğrik minim ak diyak.

⁵Deyak, Jiwda bi gok niñey miluk yapek, bi timey yikop mindeyak gunap dey, kiyk pen am biynimb kuñaynep dand apey, kilpul yomb angyak. Pen Pol yip, Salas yip kuyip piyow niñiy, biynimb guniy kuyip ñon, pikyañ angyi, am Jeson korip ak piñiy kus kus giy, piyow mer niñyak. ⁶Piyow mer niñiy, Jeson nup diy, biynimb Jiysis nup gosimb niñyak gunap sek diy, dand gapman biyomb mindeyak ak amiy, kor giyak. Kor giy angyak, “Bi miñmon okok mañgiysek tangiy minim anğñiyakniñ, kilpul yomb apay gok, miñiy ap mindpay miñmon chin biy. ⁷Kiyk gapman biyomb chinup Siysa nup kirgiy, Biyomb kiyk Jiysis nup nep dipay. Pen bi Jeson biy, bi kun gok kuyip dam korip nuk ak ayip ak mey, nup dand aswun angyak.” ⁸Kun anğeyak, biynimb kuñay ap mindeyak gok sek, gapman biyomb gok sek niñiy, gos kuñay niñyak. ⁹Gos kuñay niñiy, Jeson nup maniy gunap diy, biynimb nup sek dand wiyak gok maniy gunap diy angyak, “Kisen minim kun ak tip anğñeniñgambim, maniy nimbip kun biy pisnep diniñgambun angyak.” Kun angyi, kuyip anğ mis yoyak.

Miñmon Beriya Minderik

¹⁰Kisyim owakniñ, mam Tesalonayka nimb gok, Pol yip, Salas yip kuyip angyokey, miñmon Beriya amnirik. Amiy, Jiwda nan-gep korip miñgan ak amiy, biynimb gok kuyip minim anğñirik. ¹¹Jiwda biynimb kun gok, Jiwda biynimb Tesalonayka mindeyak gok rek mer; kiyk mindrep giyak ak mey; minim kuyipmiñay ak niñey tep gakniñ, niñind apiyr akañ angyi, Baybol buk ak minek minek riytiym gi niñiy mey, ¹²⁻¹³biynimb kuñaynep, Jiysis nup gosimb niñyak. Griyk biyn yimb mindek gok kunep, kuñaynep Jiysis nup gosimb niñyak.

Pen Pol am Beriya biynimb kuyip, Gor minim ak anğñisap anğey, Jiwda biynimb Jiw ap Tesalonayka mindyiñgipay gok miluk yapek, apiy Beriya biynimb kuyip nembnemb gey, kal jiwniñg geyak. ¹⁴Kun ak niñiy, biynimb Jiysis nup gosimb niñyak gok, Timotiy yip, Salas

yip kuyipmiṅay miñmon Beriya kun ak kirgiy, Pol nup dam miñmon nambiys gol okok yokyak. ¹⁵Pen bi gunap Pol nup dam miñmon Atens yokiy, andkind amniyakniṅ, Pol kuyip aṅgak, “Timotiy yip, Salas yip kuyip aṅgyokem, kasek winimiyr aṅgak.” ¹⁶Nuk kun aṅgiy, kuyipmiṅay miñmon Atens kun ak kond mindyṅ niṅak; biynimb kun gok, gor yesek kiyk aṅgniṅyṅgipay gok, kuṅay yimb nep mindek. Niṅek, simbwur nup ak timey yimb gek, ¹⁷lotiw ñin gok Jiwdā nan-gep korip ak amiy, bi Jiwdā nimb gunap, bi yikop Gor nup aṅgniṅyṅgipay gunap yip minim aṅg amiy apiy giyṅgipay. Pen ñin yikop gunap kunep, ap biynimb nan-giyṅgipay tip ak nan-giy, kiy yip minim aṅg amiy apiy gi mindyṅgipay.

¹⁸Miñmon kun okok, biynimb gos ar keykey niṅyak gok, yimb keykey aṅgiy, gunap Epkiwriyan biynimb aṅgyak, gunap Stoyik biynimb aṅgyak. Minek bap, Pol biynimb kun gok yip minim aṅg amiy apiy giy, Jiysis kumiy tikjakak minim ak aṅgek, bi tiysa kiyk gok sek niṅiy; gunap aṅgyak, “Bi minim monmon aṅgip biy, minim kun ak yerip asap?” Pen gunap aṅgyak, “Biynimb par okok aṅgniṅbay tap gok asap aṅgyak.”

¹⁹⁻²⁰Pen Pol nup dand kanjsol kay mindeyak ak amiy aṅgyak, “Nand minim kisenimb, biynimb okok kuyip apan ak, miñiy chinup aṅgey, minim kiñiṅ kun ak niṅrep gun aṅgyak.” ²¹Pen biynimb miñmon Atens nimb gok sek, biynimb okok nimb ap Atens mindeyak gok sek minim kisenimb gunap niṅiy, aṅg mindonjun aṅgiy gos anep niṅyṅgipay. ²²Pen Pol kanjsol mindeyak namb ak tikjakiy aṅgak, “Nimb Atens biynimb. Yand nimbip niṅbiyn. Nimb kilis yimb giy, tap gunap aṅgniṅjun aṅgiy, gos ak niṅbim. ²³Yand akniy taṅgiy niṅbiyn; nimb kamb bind keykey giy, tap keykey aṅgniṅbim rek, yimb ak ar kun ak tikpik. Kamb bind bap gaypik ak, yimb ak tikiy apik, ‘Bi ma niṅbun ak: kamb bind nup biy apik.’ Minim ma niṅbun aṅgiy tikpik kun ak, nimbip miñiy kiñiṅ ak aṅgniṅ gispiyn.

²⁴“Gor mankumb biy gay, tap okok maṅgiyseṅ gay gak ak, nuk biyomb yimb. Semb biyoṅ sek, man biy sek kond mindip. Biynimb gok korip akaṅ, tap gunap gayey, nuk ap tap gayniṅgambay namb kun okok mindonimuṅ rek ma ayip. ²⁵Nuk chinup gay, aṅiṅ band ak yokek, aṅiṅ aying mindpun. Tap chin okok maṅgiyseṅ, nuk nep gayak. Nuk Bi kalrimey kun ak, chin tap tep bap giy, nup ñinjun rek ma ayip. ²⁶Nuk Andam nup nep gayek, Andam nuk pen tik dand amiy apiy gek mey, biynimb keykey okok maṅgiyseṅ mindpun. Gor nuk nep gek mey, biynimb gunap miñmon bap mindiy, mind dand amiy, kisen nuk key aṅgak ñin ak apek, biynimb okok nimb gunap ap tip kun ak dipay.

²⁷“Gor gek, ñin gunap kosyam mindpun ak, yip gosimb niṅyaṅ aṅgiy gip. Nup gosimb niṅniṅ, nuk par okok ma mindip; chin yip mindip.

²⁸Ñin ar nuk ak mey, chin mindpun. Pen bi minim kil tikep nimb key gunap, Gor nup Bapiy chin aṅgyak ak, niṅind aṅgyak. ²⁹Pen biynimb gok yenen gol, kamb, tap gok diy, gos kiyk key niṅiy, tap gunap gay

aŋgniŋbay. ³⁰Wosrey Gor minim nup ak ma niŋyiŋgipay rek, kuyip minim gunap kuŋay ma aŋgak. Pen miñiy biynimb miñmon okok maŋgiysek kuyip aŋgip, ‘Tap gunap aŋgniŋbim ak kirgiy, tap yerip yerip timey gipim ak kirgiy, yip nep gosimb niŋnimimb aŋgip.’ ³¹Aŋgip kun ak niŋrep yimb ginjun. Kisen nuk key niŋimb ñin bap apek, binuk yipund giy nep gip ak yokek apiy, biynimb maŋgiysek kor giy, bilokniŋgamb. Chin niŋbun: binuk chinup kor yomb giniŋgamb kun ak, Gor gek kumiy tip ak tikjakak aŋgak.”

³²Pol minim kun ak kun giy aŋgek, biynimb mindeyak gok niŋyiŋg, gunap sik aŋgyak; gunap aŋgyak, “Ñin gunap minim kun ak tip aŋgenimin, chin niŋjun aŋgyak.” ³³Kun aŋgyakniŋ, Pol kuyip kiriŋg amnak.

³⁴Pen miñmon Atens kun ak, biyn bi gunap, minim nup ak kindik giy, Jiysis nup gosimb niŋyak. Biyn bi kun gok mey, bi bap yimb nup ak Dayoniysisiyas. Nuk biyomb kanjsol kiyk kun ak nimb bap. Biyn bap yimb nuk Damariys. Pen biynimb bi yikop gunap sek Jiysis nup gosimb niŋyak.

Pol Am Miñmon Koriyn Mindek

18 ¹Pol miñmon Atens kun ak kirgiy, miñmon Koriyn amiy niŋak; ²⁻³bi Jiwda ber, miñmon Pontas nimb bap ap minderik. Biynuk yimb ak Priysiyla; nuŋgumiy yimb ak, Akiwiyla. Biber kun ak, kiyk am mindyiŋgipiyr; miñmon Yitaliy, Rom maŋ okok. Kiyk kun giy am mindyiŋgipiyr ak pen, ñin kun ak biyomb Kilodiyas, Jiwda gunap miñmon Rom biy ma mindeniŋgiy aŋgek mey, ap miñmon Atens kun ak minderik. Biber kun ak, kiyk ser korip gayiŋgipiyr. Pen Pol kunep, woŋg kun ak rek giyiŋgip ak mey, am kiy yip mindiy, ser gok gayiŋgipay.

⁴Pol nuk pen, Jiwda biynimb, Griyk biynimb maŋgiysek niŋyaŋ aŋgiy, Jiwda lotiw ñin ak wakniŋ, nan-gep korip ak amiy, kiy yip minim aŋg amiy apiy giyiŋgip.

⁵Kun gi dand amiy, kisen Salas yip, Timotiy yip miñmon Masedoniya kirgiy aperik, ser giyiŋgip woŋg ak kirgiy, minek minek Jiwda biynimb gok kuyip minim aŋgñiraŋgyiŋ aŋgyiŋgip, “Bi Kiyŋ yomb key yimb per kond mindyiŋgipun ak mey, Jiysis nep aŋgyiŋgip.”

⁶Kun aŋgek, minim nup ak ma niŋiy, nup aŋgiweyak; Gor nup yenen kirpay aŋgiy, chech nuk ak pipal pikyiŋg, kuyip aŋgak, “Yand nimbip Gor minim ak aŋgñen ma niŋbim ak, tap nimbik key. Miñiy nimbip Jiwda biynimb kirgiy, biynimb Jiwda mer gok kuyip aŋgñiniŋgayn aŋgak.” ⁷Kun aŋgiy, kuyip kirgiy, bi Jiwda mer bap korip ak amnak. Bi kun ak yimb nuk Taytas Jastas. Nuk Gor nup aŋgniŋyiŋgip. Korip nuk ak mindek; Jiwda nan-gep korip gol siŋak.

⁸Pen Kriyspas, bi Jiwda nan-gep korip kond mindyiŋgip ak; biynimb nuk yip mindeyak gok yip, Pol Jiysis minim aŋgak ak, niŋind aŋgip

angiy, Jiysis nup gosimb niñiy ñiñg pikyak. Koriyn biynimb gunap kunep, Pol minim angak ak niñiy, Jiysis nup gosimb niñiy, ñiñg pikyak.

⁹Minek bap, Pol day niñak; Biyomb ak nup angak, “Yand nand yip nep mindpiyn ak mey, ma pirikninin; minim yip ak biynimb gok kuyip monmon angñininin. ¹⁰Miñmon yomb biy, biynimb yand kuñay yimb nep mindpay; biynimb gunap nip timey giniñgiy rek ma ayip angak.”

¹¹Kun angkek, Pol miñmon okok ma amnak; miñmon kun anep mindiy, simiy nokom, takin onep kanjol ak, Gor minim ak angñi mindyñgip.

¹²Pen Rom biynimb gok, biyomb Galiyow nup angey, ap Akaya propens kond mindek ñin ak; Jiwda biynimb gok, Pol nup niñey miluk yapek, nup dand kor amiy angyak, ¹³“Bi biy biynimb gok kuyip Gor minim angñispiyn angiy, Rom biynimb mer apay minim gok nep kuyip angip angyak.” ¹⁴Kun angeyak, Pol minim kun ak pen angiy angakniñ, biyomb Galiyow tikjakiy kuyip angak, “Nimb Jiwda biynimb. Bi biy tap timey bap gombikop, minim nimb kor gipim ak niñbinip. ¹⁵Pen nimb yikop apim, “Bi biy yesek angiy angip, “Bi Kiyñ yomb key yimb per kond mindpun ak mey, Jiysis nep angiy,” nasind sikop minim mer apay ak gunap angiy gip apim’ ak, yand ma niñningayn. Ak minim yand mer. Minim kun ak nimbik key angnimimb angak.” ¹⁶Kun angiy, kuyip ang mis yokakniñ, ¹⁷kiyk mis amyñg, bi Jiwda nan-gep korip kond mindep, Sosteniys nup kur diy pikyak. Nup kun giyak ak pen; biyomb Galiyow niñiy, minim bap ma angak.

Pol Tip Ak Andkind Antiyok Siyriya Amniyn Angiy Amnak

¹⁸Pen Pol miñmon Koriyn tapin mindiy, mam ay gok kuyip angak, “Nimbkaw mindem angiy,” Akiwiyla ber yip miñmon Siyriya amnun angiy, siyip diy san diyak. Am am miñmon Senkriya apay ak amjakiy, Pol yand Gor nup chingiy nep mindeningayn angiy minim angaying, jun kas nuk ak tikak.

¹⁹⁻²²Pen kiyk am am miñmon Yipiyses amjakiy, Pol nuk Jiwda nan-gep korip miñgan ak amiy, Jiwda biynimb gok yip, minim ang amiy apiy gak. Kun gek, nup angyak, “Ñin gunap sek, chin yip biy mindenimin angyak.” Kun angyak ak pen, minim kuyip ak ma diy angak, “Nimb kaw mindem. Gor yip yaw angeningamb; kisen andkind winiñgayn angak.” Kun angiy, Akiwiyla ber kuyip, biynimb kun gok yip angay, nuk siyip diy, am am miñmon Siysariya amjakiy, biynimb Jiysis nup gosimb niñyak gok kuyip, nimb mindpim angiy, tip ak siyip diy, miñmon Antiyok amnak.

²³Amiy, tapin yep ñin kaw bap mindiy kuyip kirgiy, nuk am Galesiya propens okok sek, Priysiya propens okok sek girangyñg; biynimb Jiysis nup nind gosimb niñyak gok kuyip, angñirep gek, niñrep giyak.

Binak Apolas Gak Minim Ak

²⁴⁻²⁵Pen bi Jiwda miñmon Aleksandriya nimb bap, ap Yipiyses mindek. Yimb nuk ak Apolas. Nuk bi minim angrep yimb giy; Baybol buk day

nind tikyak ak niṅrep yimb giy gak ak mey; Jiysis minim ak biynimb okok kuyip yipund giy nep aṅgak. Minim aṅgak kun ak, Jon bi ṅiṅ pikṅemb niṅak rek nep niṅiy aṅgak. Pen nuk Jiysis minim gunap sek niṅrep ma gak. ²⁶ṅin kun ak tikiy nuk ma pirikiy, Jiwda nan-gep korip ak amiy, Jiysis minim ak monmon yimb aṅṅak. Aṅṅek, Akiwiyla ber niṅiy, nup dand korip kiyk ak amiy, Jiysis minim ma niṅak won gunap, aṅṅirep yimb girik.

²⁷⁻²⁸Kisen nuk Akaya propens amniṅ gek, Yipiyses biynimb Jiysis nup gosimb niṅyak gok, tep yimb am kuyip aṅṅiṅgamb aṅgiy, Akaya biynimb Jiysis nup gosimb niṅyak gok kuyip minj bap tikiy aṅgyak, “Bi Gor woṅg gip Apolas amjakek, nup dinimimb aṅgyak.” Kun aṅgey mey, Apolas amjakiy, minj ak yomek, Akaya biynimb Gor kuyip simb niṅiy gos tep ṅek, Jiysis nup gosimb niṅyak gok maṅgiysek, Apolas nup diyak. Deyak, nuk pen tip kuyip ak diy, Jiwda biynimb gok kuyip minek minek, Baybol buk minim ar ak aṅrep giyiṅ aṅgak, “Bi Kiyṅ yomb key yimb aṅgiy, kond mindpim ak mey, Jiysis nep aṅgak.” Kun giy aṅrep gek, nup minim bap pen aṅniṅgiy rek ma ayak. Kun gek, biynimb gok Jiysis nup gosimb niṅiy, mindrep yimb giyak.

Pol Yipiyses Taṅgiy Minim Aṅgak

19 ¹Apolas miṅmon Koriyn mindakniṅ, Pol miṅmon dum bap paṅind amiy, miṅmon Yipiyses amjakiy, biynimb Jiysis nup minim niṅun aṅgyak gunap mindeyak. ²Kuyip niṅiy aṅgak, “Nimb Jiysis nup gosimb niṅbik ṅin ak, Gor Kawnan kunep dipik?”

Aṅgek aṅgyak, “Mer. Gor Kawnan mindip aṅgiy chin ma niṅbun aṅgyak.”

³Aṅgeyak, Pol kuyip aṅgak, “Pen nimb yenen ṅiṅ pik pik?”

Aṅgek aṅgyak, “Chin Jon aṅgyiṅgip minim ak diy, ṅiṅ piknuk aṅgyak.”

⁴Kun aṅgeyak aṅgak, “Jon biynimb gok aṅgek ṅiṅ pikyiṅgipay ak; tap siy tap timey gipun ak, yenen kun gipun aṅgiy niṅey mey, kuyip ṅiṅ pikṅiṅgip. Pen kuyip aṅgyiṅgip, ‘Biyomb kisen winiṅgamb ak apek, nup gosimb niṅnimimb aṅgyiṅgip.’ Bi kisen winiṅgamb aṅgak kun ak, Jiysis nep aṅgak.”

⁵Pol kun aṅgek, Jiysis biynimb nuk yimb mindenjun aṅgiy, tip ak ṅiṅ pikiyak. ⁶Pol kuyip diniṅek, Gor Kawnan nuk ak kuyip yokek, minim yimb keykey aṅgiy, day Gor minim tep ak aṅṅiyak. ⁷Bi anep wimiṅgan ak rek kun giyak.

⁸Pol takin omiṅal nokom, biynimb Jiwda nan-gep korip wiyak gok yip, Gor biynimb diy kond mindeniṅgamb minim ak aṅg amiy apiy gi mindyiṅgip. ⁹Pen biynimb gunap, minim tep ak ma yimb diy, biynimb mindeyak namb ak aṅgyak, “Kinjeṅ tep amemb apay minim kun ak

minim rek ma ayip angyak.” Kun angeyak, Pol biynimb Jiysis nup gosimb niyyak gok kuyip nep dand Tayrenas sikul korip yomb ak amiy, kuyip minim angñi mindyngip. ¹⁰Kun giy angñi mindek, simiy omiñal yinek mey, Jiwda biynimb gok diy, Griyk biynimb gok diy, miñmon yomb Esiya mindeyak rek mañgiysek, Jiysis nup minim ak, kun kun giy apay angyiy niyyak.

Siypa Ñinuk Nup Giyak Minim Ak

¹¹Gor, Pol yip mindakniñ, nuk tap mageprek key yimb gunap giyngip. ¹²Biynimb gok tap gek, Pol angsiyip chech band nup gok dam, mumbwak ar kiyk gok ay, jak amyngipay. Kichekiy tap gok ambañ ayngip gok kunep mis amyngipay.

¹³Jiwda bi kunj tap gok giyng, kichekiy tap gok angyokpun angyiy girangyngipay gok, Pol gak rek niñiy chin kunep gun angyiy, kichekiy gok kuyip angyak, “Jiysis Biyomb Pol per angniñimb ak mindip rek, mis amnoñ angyak.” ¹⁴⁻¹⁶Pen bi Gor nup simboñgep yomb Siypa, ñinuk onep ar ak mindeyak. Kiyk kunep kichekiy tap gok angyokun angyiy angeyak, kichekiy biynimb ambañ ayak gok pen angyak, “Jiysis yip, Pol yip kuyip niñbun ak pen, nimb bi an?” Kun angyiy, bi kun gok kuyip talakiy, tapin nep pikiy, chech kuyip gok tungralikokey, daynep mindiy, korip kun ak kirgiy pirik amniyak.

¹⁷Pen minim kun ak, Jiwda biynimb, Griyk biynimb, miñmon Yipiyses mindeyak gok mañgiysek niñiy pirikiy, Jiysis yimb nup ak tapin nep dand aranyak. ¹⁸Jiysis biynimb nuk mindeyak gok, gunap ap nan-giy, kunj tap yerip timey giyak gok, misen angyak. ¹⁹Kunj tap gok giy, buk tik ayngipay gok, biynimb niñmindyakniñ, mon pik dangiyey yinak. Buk tap kun gok, maniy tawep namb ak ñin pañgey, piyptiy tawsin (50,000) rek amnak. ²⁰Pen miñmon Yipiyses kun geyak, Biyomb minim nuk ak yomb yimb gak.

Yipiyses Biynimb Kilpul Angyak

²¹Pen kun giy, kisen Gor Kawnan ak Pol nup gos ñek angak, “Yand Masedoniya amiy, Akaya amiy, Jerusalem amniñgayn. Amiy, miñmon Rom kunep amniñgayn angak.” ²²Kun angyiy, bi nup kond minderik, Timotiy yip, Yirastas yip kuyip angyokek, miñmon Masedoniya amerik; nuk miñmon Yipiyses takiy ñin kaw bap mindek.

²³Ñin namb kun ak, Yipiyses biynimb yikop gunap, Jiysis nep mey; Gor yip jimñiy mindep kinjenram ak mindip angeyak, kiy yip penpen giniñ rek giyak. ²⁴Bi bap, yimb nuk Demetriyas ak, bi gunap yip, tap gol rek ak diy, tap yesek angninyngipay korip achimb kilrimey gunap gayey, biynimb gunap ap taw dam ay, biyn yomb chin Atemis nup angninep korip ak angyiy, angninyngipay. Bi kun gok wonj kun ak giy, maniy

yomb yimb diyɨngipay rek, ²⁵Demetriyas nuk bi nup woŋg giyak gok sek, bi woŋg kiyk giyɨngipay kun ak rek giyak gok sek aŋgek, ap nan-geyak aŋgak, “Nimb niŋbim; chin woŋg nokom kun biy giy mey, maniy yomb yimb dipun. ²⁶Pen Pol apiy, biynimb gok kuyip yesek aŋgiy aŋgip, ‘Nin maŋgiy diy tap gipay gok, tap aŋgniŋep mer aŋgip.’ Kun aŋgamb, Yipiyses biynimb gok diy, Esiya propens biynimb okok diy maŋgiysek niŋsipay. ²⁷Pol minim nuk ak aŋgek, tap gon tawyiŋgipay ak, miŋiy ma tawpay. Pen ar kun anep ma aspiyn; biyn yomb chin Atemis nup aŋgniŋbun ak kirgiy, korip yomb nup aŋgniŋbay ak kirgiy gispay aŋgiy aspiyn. Biynimb akniy nep nup ma kirpay, biynimb okok kunep nup kirginiŋ gispay aŋgak.”

²⁸⁻²⁹Demetriyas kun aŋgek, bi kun gok niŋiy, biyn yomb chin aŋgniŋbun ak nep aŋgiy, meŋg miŋgan dand araniy aŋg amiy apiy giyakniŋ, biynimb dawin yomb kun animb kuŋaynep apiy, Pol binup omiŋal ak kuyip, lipiŋg dand minim aŋgep tip ak amniyak. Binuk omiŋal kun ak, nuk yip Masedoniya nimb ap minderik. Yimb kiyminay ak, Gayas yip, Ariystakas yip. ³⁰Pol pen, biynimb ap nan-giy, minim aŋgeyak namb ak amniyn aŋgek, bi Jiysis nup gosimb niŋyak gok nup mer aŋgyak. ³¹Gapman biyomb gunap, Pol nup buŋgiy kiyk ak mey, nup minim yokiy aŋgyak, “Biynimb ap nan-giy, minim aspay namb ak ma amnimin aŋgyak.”

³²Pen biynimb kuŋaynep ap nan-giy, minim yomb aŋgiy, minim keykey yimb nep aŋgyak. Kiyk minim kiŋiŋ niŋiy aspun ak aŋgiy ma niŋyak; monmon nep aŋgyak.

³³Bi Jiwda gunap, bi chin Aleksanda, kuyip aŋgrop giniŋgamb aŋgiy, nup biynimb namb ak yokeyak, nuk kuyip niŋ tunŋ milich giy, minim aŋgniŋg gakniŋ, ³⁴kiyk niŋyak; nuk Jiwda nimb ak mey, meŋg miŋgan dand araniy aŋgak, “Atemis nep mey, biyn yomb chin aŋgiy,” tapin nep aŋg mindeyak.

³⁵Kun giy aŋg mindey mindey; bi niwkiŋ tikep yomb kiyk ak tikjakiy kuyip aŋgak, “Kapkap mindem aŋgak.” Kun aŋgek, kapkap mindyakniŋ aŋgak, “Yipiyses biynimb. Miŋmon chin biy, biyn yomb Atemis kamb nuk gap rek, semb biyoŋ nimb jiw owak ak diy, korip gayrep giy aŋgniŋbun ak; an ma niŋimb aŋgiy, kilpul yomb ak aspim? ³⁶Minim kun ak, biynimb maŋgiysek niŋbay nen: kirgim.

³⁷“Pen bi dand opim omiŋal biy, biyn yomb Atemis nup aŋgniŋbun ak, nup ma aŋgiwiŋ, korip nup aŋgniŋbun tap gunap siy ma dipiŋr ak pen; kuyip dand opim. ³⁸Kun ak Demetriyas akaŋ, binuk gunap minim mindek kor giniŋg, biyomb gok mindpay ak mey, kor giniŋgiy. ³⁹Pen minim miker gunap mindonimuŋ, ap nan-gipun niŋ ak nep aŋgnimimb. ⁴⁰Chin miŋiy ap nan-giy kilpul aspun ak, minim kiŋiŋ bap mindek ma aspun. Gapman biyomb yimb bap, yenen ap nan-giy minim aspim aŋgek,

pen minim bap anjgun rek ma ayip angak.” ⁴¹Nuk kun angyi, kuyip angyokek, keykey amniyak.

Pol Miñmon Masedoniya Amiy, Miñmon Griyk Amnak

20 ¹Pen biynimb gok minim yomb anj mindiy keykey amniyakniñ, Pol biynimb Jiysis nup gosimb niñyak gok kuyip suk anjek apeyak; Gor minim gunap anjñirep yimb giy, kuyip kirgiy, nuk miñmon Masedoniya amnak. ²Amiy, kun okok tanjyng, biynimb Jiysis nup gosimb niñyak gok kuyip, Jiysis minim ak anjñi dam dam, miñmon Griyk amjakak. ³Amjakiy, takin omiñal nokom kun ak mindiy, kisen siyip diy, Siyriya amniyn angak ak pen; nuk minim bap niñak; Jiwda kay nup pik aynjng geyak. Minim kun ak niñji, lum ar nep andkind Masedoniya amniyn angyi niñak.

⁴⁻⁵Pen Pol binuk yip tanjgeyak gok mey Timotiy; Piras ñinuk Sopata miñmon Beriya nimb; Ariystakas yip, Sekundas yip Tesalonayka nimb; Gayas Debiy nimb; Tikiykas yip, Tropiymas yip Esiya nimb. Bi kun gok, Pol yip ap ap miñmon Piyliypay apiy, kiyk nind miñmon Trowas amiy, chinup kond mindeyak. ⁶Jiwda ñin yomb biret yiys sek ma ñimbun ñin ak mindon pandikakniñ, kisen siyip diy, ñin onep mamind ak namb kiniy, miñmon Trowas amjaknuk. Amiy, wiyk nokom bap kun okok mindonuk.

Yiwraya Nup Gek Tip Tikjakak

⁷⁻⁸Wiyk mindonuk kun ak, Sarirey dunjep won ak, biret wayn niñning am korip ar biyoñ nan-giy, Pol toy amniñgayn angyi, minim angakniñ, niñmindonuk. Kun giy niñmindon mindon, kisyim apek, lam dangiy ay niñmindonuk. ⁹Pen bi paranj bap, wiyndiw ar ak bisgiy, Pol minim angakniñ, niñmindek. Yimb nuk ak Yiwtyikas. Nuk kun giy niñmind mind, wisin kalrimey yimb apek, wisin juk juk gi gi, biyoñ nimb gindam man biyañ pikek, am biyañ diy niñyak: pisnep kumiy mindek. ¹⁰Pol nuk pen biyañ amiy, nup namb namb diy angak, “Gos kuñay ma niñnimimb; nuk kim mindip angak.” ¹¹Kun angyi, tip biyoñ amiy, biret gunap tipanj jimñiy ñimbis, Pol tip ak minim anj mindek mindek, miñmon yapiy, pumb owakniñ amnak. ¹²Pen bi paranj apyap pikak anup, dand korip amiy, miñmiñ yimb giyak.

Pol Trowas Kirgiy Miletas Amnak

¹³Pol chinup angak, “Nimb siyip diy miñmon Asos amenimimb; yand man ar apiy, siyip diniñgayn miñmon kun ak angak.” ¹⁴Kun anjek, chin siyip diy am Asos amiy, Pol nup kun ak diy, miñmon Mitiliyniy amninuk. ¹⁵⁻¹⁶Minek Mitiliyniy kirgiy, miñmon Chiyos mañ ak amjaknuk. Minek ak, miñmon Samos amjakiy, Pol nuk gos bap niñak: Yipiyses amiy, sayn nep giranjy, Pendiyykos ñin ak, Jerusalem ma niñjun rek ayek mey, Yipiyses silgiy, Miletas amninuk.

Pol Yipiyses Biynimb Kuyip Anggak Pisnep Amjipiyn Anggak

¹⁷Miletas amiy, Pol minim yokek Yipiyses amek, Jiysis biynimb nuk gok kuyip kond mindeyak bi gok kuyip anggak, “Mindpiyn biy winingiy anggak.”

¹⁸Kun anggek, apeyak anggak, “Nind propens nimbip biy mawep ñin ak apiy, nimb yip mindiy, mind dand amiy, yerip yerip giyngipiyn ak niñbim. ¹⁹Yimb yand ma dand araninik; Krays nup wong ak gininikniñ, Jiwda biynimb yip timey gining geyak, yip simb gek, siy angying, minim angñinik. ²⁰Pen yand korip nimbip okok akan, nan-gipim tip okok amiy, minim tep nup bap wegyiy ma angñinik; mangiysek nep angñinik.

²¹Nimbip Jiwda biynimb gok diy, Jiwda biynimb mer gok diy, angrep giy angnik, ‘Tap timey gipim ak kirgiy, Gor angip minim ak diy, Jiysis nup gosimb niñnimimb angnik.’

²²“Pen miñiy niñim! Gor Kawnan ak, yip miñ rek ay, dand Jerusalem amjap ak; yip yerip rek giningamb ak ma niñbiyn. ²³Pen yand niñbiyn: miñmon gok miñmon gok amjaken; Gor Kawnan ak yip angip, “Nand Jerusalem amey, nip kalambis ayey, kosyam yimb mindeningamban angip.” ²⁴Pen ak minim ma mindip. Yand keynep mindrep giyn angiy gos ak ma niñbiyn. Yip pikningambay angiy, ma pirikpiyn. Biyomb Jiysis, wong yip anggak ak nep gosimb niñbiyn ak mey, Gor chinup simb niñiy dip minim tep ak, angying nep mindeningayn.

²⁵“Pen niñim. Nimb biynimb akay akay, Gor biynimb diy kond mindeningamb angen niñbim gok, yip tip ak ma niñningambim. ²⁶Miñiy amning mey, nimbip misen aspiyn. Biynimb Gor minim ma niñiy yiwur yomb diningambay gok; tap kiyk key. Yand yip mer. ²⁷Yand Gor minim bap ma angñimbiyn mer; mangiysek yimb nimbip angñimbiyn. ²⁸Nimb key niñrep giy, biynimb Gor Kawnan anggek kond mindpim gok kuyip, niñrep giy ginimimb. Bi kanj siypsiyp mokep gok, kanj kiyk gok kond mindrep gipay rek, nimb biynimb Jiysis nup gosimb niñbay gok kuyip, kond mindrep ginimimb. Gor chinup simb niñiy, Ñinuk nup yokek ap chinup angiy kumak ak, sakiy ma ginimimb. Niñmindiy, biynimb nup ker mindpay gok kuyip kond mindenimimb. ²⁹Yand niñbiyn. Yand amen, kayn sakiy gok apiy, kanj siypsiyp nimb mokpim gok gunap siw niñningambay. ³⁰Biynimb gunap pen tikjakiy, minim yesek yesek angiy, biynimb Jiysis nup gosimb niñbay gunap kuyip, liping dand kind kiyk okok amningambay. ³¹Pen yand simiy omiñal nokom, miñmon nimbip Yipiyses mindiy, pumbnamb kisyimken, simb gakniñ, siy angying nimbip mangiysek angñirep ginik. Minim angñinik kun ak sakiy ma ginimimb; niñying nep mindenimimb.

³²“Yand nimbip Gor ñin ar ak ay amjipiyn. Nuk nimb yip mindeningamb. Minim tep nup ak niñnep mindiy mey; biynimb suñ-tep nuk gunap yip mindrep giningambim.

³³“Nimb yip mindenik ñin ak, biynimb gunap, chech maniy tap kuyip gok asim ma aḡgnik. ³⁴Ñin maḡgiy yand ak keynep woḡ giy, bi yip taḡyḡḡipun gok yip, tap ñimbyḡḡipun. ³⁵Pen giyḡn kun ak rek nimb kunep giy, biynimb simbgeprek gok kuyip direp ginimimb. Biyomb chin Jiysis, minim aḡgak ak niḡbim. Nuk aḡgak, ‘Bi gunap nimbip tap ñeniḡgambay, nimbip tep giniḡgamb ak pen; nimb biynimb gunap kuyip tap ñiniḡgambim ak, nimbip tep yimb giniḡgamb aḡgak.’”

³⁶Pol minim kun ak aḡgiwi, biyomb Yipiyses nimb kun gok yip koḡgim yimiy, Gor nup aḡgniḡyak. ³⁷⁻³⁸Pen Pol bi kun gok kuyip, kisen jomluk yip ak ma niḡniḡgambim aḡgek, nup am kaykol giy, siy aḡgiy, kuyip simb gakiḡ, nup namb ay dam siyip miḡgan ak yokyak.

Pol Siyip Diy Jerusalem Amniḡ Saḡdak

21 ¹Pen chin Yipiyses biynimb kuyip, nimb mindem aḡgiy saḡdinuk. Yiḡḡen ak aprep gek, yipund giy nep am am, Kos amninuk. Pen minek Kos kirgiy, Rowdes amiy, Patara amninuk. ²Amiy niḡnuk; siyip bap Piniysiya amniḡ gek mey, chin siyip kun ak diy saḡdinuk. ³Am am, Saypras ñin aḡind kind okok ken mindakniḡ, niḡyḡḡ am am, Siyriya niḡnuk. Tap kakaw gok, Siyriya yisik yokniḡ mey, am sua ginuk Taya. ⁴Taya sua giy, am biynimb Jiysis nup gosimb niḡyak gok kuyip piyow niḡjiy, kiy yip wiḡk nokom bap mindonuk. Pen Gor Kawnan ak biynimb kun gok kuyip gos ñek, Pol nup aḡgyak, “Jerusalem amniḡ gispan ak ma amninim aḡgyak.” ⁵Pen siyip ak tap kakaw yisik yokdey, amḡipun aḡḡon, biynimb Jiysis nup gosimb niḡyak kun gok, biyn ñapan kiyk gok maḡgiyseḡ, chinup dam ñiḡḡ gol ak yokey, kiy yip koḡgim yimiy, Gor nup aḡgniḡnuk. Pen chin penpen ñin piksakiy, ⁶am siyip ak dinukniḡ, kiyk andkind korip amniḡyak.

Aḡgabas Pol Nup Kun Kun Giniḡgambay Aḡgak

⁷Pen chin siyip diy Taya kirgiy, am sua ginuk: Tolemeys. Sua giy, biynimb Jiysis nup gosimb niḡyak gok kuyip aḡgnuk, “Nimb mindpim aḡgnuk.” Kun aḡgiy, ñin bap kiy yip kun ak mindonuk. ⁸Minek ak kuyip kirgiy, am Siysariya amjakiy, Piyliyp korip ak amninuk. Nuk bi yipenḡjiliys bap. Nup mey, nind Jerusalem mindek, bi onep kaḡgol ak yip aḡgayeyak, keḡmaḡgiy bilok niḡyḡḡipay. ⁹Pen bi Piyliyp kun ak, panuk onep tiḡgawip ak Gor minim aḡyḡḡipay. Pañ kun gok kiyk bi ma diyak. ¹⁰⁻¹¹Chin Piyliyp yip mindonuk ñin namb kun ak, bi Gor minim aḡḡep Aḡgabas; miñmon Jiwiya nimb ak apiy, Pol ler nup ak diy, ñin tomb nuk gok tiwniḡgrimbikiy aḡgak, “Gor Kawnan ak aḡḡip, ‘Bi ler nop kun biy nup, Jerusalem amek, Jiwiya biynimb nup tiwniḡgrimbikiy, dam Rom biyomb gok kuyip ñiniḡgambay aḡḡip aḡgak.’” ¹²Kun aḡgek, chin maḡgiyseḡ minim kun ak niḡjiy, Pol nup aḡgnuk, “Jerusalem ma amninim aḡgnuk.”

¹³ Angonuk, nuk pen angak, “Yip yenen simb niñiy siy angem, yip simb gisap. Yand Jerusalem amiy, Jiysis minim ak angningayn. Yip kalambis ayningambay akan, pik ayningambay ak, ma piriksipiyn. Monmon am angningayn angak.”

¹⁴ Pen chin Pol nup kun giy ang mer niñiy angnuk, “Bapiy Gor key niñimb rek giningamb angnuk.”

Jerusalem Biynimb Pol Nup Angjiwyak

¹⁵⁻¹⁶ Pen chin kun giy Siysariya mindiy, Jerusalem amning, tap chin gok moka giy, biynimb Jiysis nup gosimb niñyak miñmon kun okok nimb gunap ponind, Jerusalem amonuk; chinup dam Nason korip ak ayey kininuk. Bi Nason kun ak, miñmon Saypras nimb. Nuk Jiysis nup nind nep gosimb niñak. ¹⁷ Biynimb Jiysis nup gosimb niñyak gok mangiysek, chinup niñey tep gak.

¹⁸ Minek minim angning; biyomb Jiysis biynimb nuk gok kuyip kond mindyngip Jemis nup niñning amiy niñnuk: nuk bi wong jimñiy gep gunap yip, ap nan-giy mindeyak. ¹⁹ Pen chin amjakiy, Pol kuyip, nimb mindpim angak. Pol pen, Gor nup kond mindakniñ, Jiwda biynimb mer miñmon okok tangiy, tap yerip yerip gak ak, biyomb kun gok kuyip kesim diñak. ²⁰ Kiyk minim kun ak niñiy, Gor nup tep angiy, Pol nup angyak, “Mam. Nand niñban: Jiwda biynimb tawsin kuñaynep, Jiysis nup gosimb niñbay ak pen, kilis timey giy apay, ‘Chin Jiwda gok, Jiwda biynimb giyngipay ar ak nep ginjun apay.’ ²¹ Kun gipay rek, Jiwda biynimb okok nimb gunap, Jerusalem biy apiy, niñrep ma giy apay, ‘Pol nuk, Gor minim Mosis wosrey angiy tikak ak kirgiy, chin Jiwda gipun gipun ar ak kirgiy, Jiwda biynimb miñmon paryomb okok mindpay gok kuyip angip, “Ni nimb gok kumbak ma tiknimimb angip” apay.’

²² “Kiyk minim niñrep ma giy, nip apay kun ak, chin yerginjun? Nand Jerusalem biy opan rek, biynimb kun gok nip niñiy, minim yomb angningambay. ²³⁻²⁴ Kun ak bi chin omiñal omiñal, chin Jiwda gipun miñ ar ak kindik giy, Gor nup minim bap niñind yimb aspun angyak ak mey, Gor nup tap pik dangiy simbonng ñining gispay rek; nand am ñin onep ar ak kiy yip ñiñg pik tep giy, tap Gor nup simbonng ñiningambay gok taw ñenimin simbonng ñiy mey, jun kas kiyk ak tikningambay. Kun geningamban mey, biynimb mangiysek nip minim angyak kun ak, yesek nep angyak ak niñningambay. Nand Jiwda nimb ak mey, chin Jiwda gipun rek nep gipan angningambay. ²⁵ Pen biynimb Jiwda mer Jiysis nup gosimb niñbay gok kuyip, minj tikyokiy angnuk:

‘Jiwda kay gipay gipay rek gun angiy, kosyam giningambim. Kun ak tap gunap nep ginimimb. Biynimb gunap tap yesek okok simbongying, kimin kanj pikeningiy, nimb ma ñiñnimimb. Kimin kanj tap gok likañ sek ma ñiñnimimb. Kun ak kimin, kanj tap gok kuñam tungwikey kumek,

likañ sek mindeningamb rek ma ñinimimb. Biyn siy bi siy ma ginimimb angyi,' minj tiknuk angyak."

²⁶Kun angeyak, Pol minim kuyip ak diy; minek, bi omiñal omiñal tap simboñg ñiniñg giyak kun gok yip, ñiñg pik tep giy; Gor angninep korip ak amniyak. Amiy, Pol bi mindeyak gok kuyip angak, "Chin ñin onep kañgol ak mindiy, ñin ar ak, Gor nup tap ñinemb gunap keykey dand apiy, nup simboñg ñiningambun angak."

Jiwda Biynimb Pol Nup Chichiy Diyak

²⁷⁻²⁸Kun angyi, ñiñg pik mindyakniñ, ar ñin ak mañ owakniñ, Jiwda biynimb Esiya mindiy wiyak gunap niñyak: Pol Gor angninep korip miñgan ak mindek. Niñiy, nup chichiy diy, menñg miñgan dand araniy angyak, "Chin Yisrel biynimb mañgiysek tikjakiy, bi timey gip biy di mindenjun. Miñmon okok tañgiy, per timey nep gip bi ak mey biy. Chin Jiwda biynimb gipun ar ak timey angyi, Mosis angyi tikak minim ak timey angyi, Gor angninep korip biy angyiwiñ gip. Jiwda biynimb mer Gor angninep korip miñgan biy ma dand owep gok kuyip, monmon dand wip angyak." ²⁹Kiyk minim angyak kun ak, gos nep niñiy angyak. Pol yikop Tropiymas yip, Gor angninep korip mañ okok tañgek niñiy mey angyak, "Pol binak Tropiymas miñmon Yipiyses nimb ak yip, Gor angninep korip miñgan ak amimb angyak."

³⁰Kun angey, minim kun ak biynimb okok mañgiysek niñiy, ap Pol nup di mis biyañ yokiy, kinjeñ ak giñiyak. ³¹⁻³²Giñiy, kilpul yomb angyiñg, Pol nup pisnep pikayniñg rek giyak. Pen giyak minim kun ak, amiybi yomb yimb mindek ak amek, nuk binuk kuñaynep poñind kasek apchakeyak niñiy, Pol nup pikayniñg geyak ak kirgiyak. ³³Amiybi yomb kun ak apiy, Pol nup chichiy diy, binuk gok kuyip angak "Nup sen omiñal ayñinimimb angak."

Angek, angak rek geyak, biynimb mindeyak gok kuyip angak, "Nuk tap yergamb nup kun gispim?"

³⁴Angek, kiyk minim keykey angey, kilpul yomb yimb gak. Kun gek amiybi yomb ak, binuk gok kuyip angek, Pol nup dand korip yomb kiyk ak amniñg; ³⁵dand korip kinjeñrumb gol siñak amjakyakniñ, biynimb kuñaynep kisen giy, Pol nup timey giniñg nep giyak. Kun giyak rek, amiybi gok nup di wanjrem ar ak ay, dand amniyak. ³⁶Pen biynimb kun gok, Pol nup angyak, "Nup pisnep pikayim! Nup pisnep pikayim angyak." ³⁷Kun angyak ak pen; amiybi gok Pol nup dand korip miñgan biyañ amniñg giyakniñ, nuk Griyk minim angyi, amiybi yomb yimb anup angak, "Yand minim nip bap angnim akan?" Angek, amiybi yomb yimb ak angak, "Nand Griyk minim niñban sek? ³⁸Yand angninbiyn-eñ, nand mey, bi Yijip nimb; bi penpen gipay kuñay yimb diy, dam miñmon nep okok, weygey mindeyak bi anep angninbiyn. Pen nand Griyk minim ak aspan angak."

³⁹Anggek, Pol anggak, “Yand bi Jiwda bap. Yip tikyak, miñmon yomb Tasas Siyliysiya propens. Pen yip yaw angenimin, yand biynimb guniy kuyip minim angnim anggak.” ⁴⁰Anggek, amiybi yomb yimb ak, yaw kun ginimin anggek, Pol korip ak yirar rek giy tawind tapay ar ak taw mindiy, ñin dand araneke, biynimb gok minim ma angyakniñ; nuk Hiybriw minim angyi kuyip minim anggak.

22 ¹Pol nuk kuyip kun giy, Hiybriw minim angyi anggak, “Bapiy sikop diy, mam sikop diy, nimb minim angning gispiyn ak niñmindenimimb anggak.” ²Kun anggek, minim minim angyi mer, kapkap yimb mindyakniñ, ³kuyip anggak, “Yand Jiwda nimb ak pen, yip tikyak miñmon yomb Tasas Siyliysiya propens. Pen yand ap Jerusalem biy, tiysa Gameliyel yip mindiy, yomb ginik ak mey, apis basind sikop yerip yerip angyak minim ak mangyisek, yip angnek niñnik. Kun ak, nimb Gor nup direp gun angyi, kilrimey nep gipim rek, yand kunep giyngipiyn. ⁴Biyimb Jiysis nup gosimb niñyak gok kuyip, timey yimb giyngipiyn. Kuyip pik ayin angyi, biynimb gok monmon miñ ay, dand kalambis amyngipiyn.

⁵“Giyngipiyn kun ak, biyomb Gor nup simbongep gok sek, bi kanjsol gok sek angninem, kiyk yesek angyip ma angningambay; niñind angyip angningambay. Biyomb kun gok, yand Damaskas amning genik, yip minj gunap tikniyak. Minj kun ak tikiy angyak, ‘Pol nup kondenimimb; nuk Damaskas biynimb Jiysis nup gosimb niñbay gok kuyip miñ ay, dand Jerusalem biy winimuj angyak.’ Pen yand minj kun ak diy kuyip miñ ay, dand Jerusalem apen, gos niñningambay angnik.

Pol Jiysis Nup Gosimb Niñak Kesim

⁶“Pen yand minj kun gok bi gunap yip dand am am, pumbnamb yoñ won ak, Damaskas mañ mañ ginukniñ, melik yomb ak, semb ar biyoñ nimb añañak rek diy owak. ⁷Kun gek, yand apyap piknikniñ, minim bap yip anggak, ‘Sol! Sol! Yip yenen per timey gipan?’

⁸“Anggek, yand angnik, ‘Biyomb! Nand an?’

“Anggenik, ‘Yand bi Jiysis Nasaret nimb: yip per timey gipan anep anggak.’

⁹“Bi yand yip amonuk gok, melik yomb ak niñyak ak pen; minim mangyi ak ma niñyak. ¹⁰Yand pen angnik, ‘Biyomb. Yerginim?’

“Anggenik, yip anggak, ‘Tikjakiy, Damaskas amiy, Gor nup yerer giningamban ak, nip angningambay anggak.’ ¹¹Melik kun ak, yomb yimb giy, windin yip ak pisnep koy gek, niñnim rek ma ayak. Kun gek, bi yand yip amninuk gok, yip ñin kind ak diy, dand Damaskas amniyak.

¹²“Pen Damaskas bi bap mindek. Yimb nuk ak Ananayas. Nuk Gor minim ak niñrep giy, minim chin yerip yerip mindip ak niñrep yimb giy gak. Bi kun anup, Jiwda biynimb Damaskas mindeyak gok, mangyisek

angyak, 'Ak bi tep yimb anyak.' ¹³Pen nuk, yand mindenik maŋ siŋak apiy angak, 'Mam Pol, windin tip niŋan angak.' Kun angakniŋ, windin yip koy gak ak, pisnep suŋ ayakniŋ, nup niŋnik. ¹⁴Yip angak, 'Gor Biyomb, basind apis sikop angniŋyŋgipay ak, nip diy woŋg nuk ak ayning gisap ak mey, Niŋuk Krays nup miseŋ niŋiy, minim nuk ak miseŋ niŋiy gipan. ¹⁵Nip yerer gamb niŋban kun ak, biynimb gok kuyip angniŋgamban. ¹⁶Kun ak ma kond mindenimin; tikjakiy Gor nup angniŋiy, niŋg pikenŋgamban; timey gipan gach ak, Gor wiykyokniŋgamb angak.'

Jiwda Mer Okok Kuyip Angniŋimin Angak

¹⁷"Kun angkek, angak rek nep ginik. Kisen miŋmon Jerusalem biy apiy, Gor angniŋep korip ak amiy, Gor nup angniŋ mindiy, day niŋnik ak: ¹⁸Jiysis yip angak, 'Kasek Jerusalem kirgiy, miŋmon key okok amnimin. Biynimb guniy minim tep yip ak angeniŋgamban, ma niŋningambay angak.'

¹⁹"Kun angkek, yand angnik, 'Biyomb. Kiyk key yip niŋbay; yand nind nan-gep korip okok amiy, biynimb nip gosimb niŋyak gok kuyip kalambis ay, takiy nep pikyŋgipiyn. ²⁰Pen niŋn bap, bi minim tep nip anggep Stiypin nup pikayakniŋ, panj anggiy, bi nup pikeyak gok chech kiyk tuŋgasik ayak gok kond mindenik angnik.' ²¹Kun anggenik, Biyomb ak yip angak, 'Yand nip anggyoken, am Jiwda mer gok kuyip, minim angniŋgamban angak.' "

Amiybi Yomb Ak Pol Nup Kond Mindek

²²Jiwda biynimb, Pol minim angak ak niŋmind dand amiy, minim kun ak angkek niŋiy, kiyk minim yomb yimb anggiy anyak, "Bi kun ak rek ma mindenimun; nuk Gor nup anggiwsap rek, nup pisnep pikayep anyak."

²³Kun anggyiŋg, chech yomb kiyk gok tuŋgasik yokiy, silkul gok yipruŋg diŋgey aranak. ²⁴Kun geyak, amiybi yomb yimb ak, binuk gunap kuyip angak, "Nup dand korip miŋgan amiy, pikenimimb, biynimb guniy yenen nup minim yomb aspay kiŋiŋ ak, nimbip angnimun angak."

²⁵Kun angkek, nup pikniŋg, dand amiy miŋ tiwning ayak. Pen Pol amiybi yomb yep maŋ kun siŋak jak mindek anup angak, "Chin Rom biynimb low bap kun giy mindip? Bi Rom nimb yipund giy gok kuyip kor ma giy, monmon pikpay sek?"

²⁶Pol kun angkek, amiybi yomb kun ak, amiybi yomb yimb anup angak, "Nand yerginiŋ gispan? Bi kun ak nuk Rom yipund giy angak."

²⁷Kun angkek, amiybi yomb yimb ak apiy, Pol nup angak, "Nand Rom nimb yipund giy akan, yip anggey niŋiy?"

Angkek, Pol angak, "Yaw. Yand Rom nimb yipund giy angak."

²⁸Angkek, amiybi yomb yimb ak angak, "Yand maniy yomb yimb ak yokiy mey, Rom bi mindpiyn angak."

Anggek, Pol pen angak, “Rom kay yip tikyak ak mey, yand Rom bi mindpiyn angak.”

²⁹Kun anggek, bi nup miñ ayak gok pirikyak. Amiybi yomb yimb ak, bi biy Rom nimb ak pen; nup miñ aypiyn anggiy, kunep pirikak.

³⁰Minek pen, amiybi yomb yimb ak, Jiwda kay Pol nup minim yerip aspay ak ninrep giyn anggiy, Gor nup simbongep yomb gok sek, bi Jiwda kanjsol gok sek mangiysek, suk anggek ap nan-geyak, anggek Pol nup am wisik dand apiy, mindeyak mañ sijak ayak.

Pol Jiwda Kanjsol Gok Kuyip Minim Angak

23 ¹Pol nup kun giy wisik dap ayeyak; nuk Jiwda kanjsol kun gok kuyip ninmindyinj angak, “Mam sikop. Yand Gor angip rek per gipiyn ak mey, gospar ayinj ma mindpiyn angak.”

²Kun anggek, Ananayas Gor nup simbongep biyomb yimb ak, bi mañ sijak mindeyak gok kuyip angak, “Minim yesek angip jonimb band, ak piktopil gim angak.”

³Kun anggek, nup pikeyak, Pol nuk biyomb kun anup angak, “Biyonimb gok nip ninjey, bi tep rek mindpan ak pen; gos timund nak ak, timey yimb ninban. Kun gipan kun ak, Gor nip pen pikningamb. Chin Jiwda gipun rek ninjy, yip kor gipan ak pen; Jiwda gipun ar ak kirgiy, ‘Nup monmon pikim apan’ angak.”

⁴Pol kun anggek, bi mañ sijak mindeyak kun gok anggak, “Gor nup simbongep biyomb yimb anup anggiwsipan?”

⁵Anggey, Pol angak, “Mam sikop. Nuk Gor nup simbongep biyomb yimb anggiy ma ninbiyn. Baybol buk ak tikiy anggak, ‘Biyomb nimb gok kuyip ma anggiwnimimb anggak.’”

⁶⁻⁸Won kun ak Pol ninjak; bi kanjsol mindeyak kun gok, gunap Sanjiwsiy biynimb ninbay rek ninjak, gunap Peresiy biynimb ninbay rek ninjak. Bi Sanjiwsiy gok gos kiyk ak ninjy anggyingipay, “Enjol gok ma mindpay. Kawnan ma mindip. Biynimb gok kumiy pisnep kumbay anggyingipay.” Pol nuk layn keykey mindeyak kun ak ninjy, minim yomb anggiy angak, “Mam sikop. Basind apis yand gok mangiysek Peresiy biynimb: yand kunep Peresiy bap. Biynimb kumiy tikjakpay minim ak anggen, yip pen kor gispay angak.”

⁹⁻¹⁰Kun anggek, bi Sanjiwsiy kanjsol gok asik key ay, bi Peresiy kanjsol gok asik key ay, kilpul yomb anggak. Anggeyak, Peresiy kay bi low tiysa kiyk gok, meñg miñgan dand araniy anggak, “Bi biy tap timey bap gip anggiy, ma apun. Nuk Damaskas amnak ñin ak, Gor Kawnan ak akan, enjol bap ninjak rek ayip; chin ma ninbun anggak.” Kun anggiy, penpen ang dand amniyakniñ, amiybi yomb yimb ak ninjy, mindak kun ang dand amiy, Pol nup tungrik day day ayningiy rek ayek ninjy, amiybi nuk gok kuyip anggek, Pol nup poñind dam korip kiyk yomb miñgan ak ayak.

¹¹ Pen ñin kun ak kisyimken biyañ, Jiysis ap Pol mindek siñak jak mindiy anggak, “Gos sek mindenimin. Minim tep yand ak Jerusalem biy apan rek, Rom amiy, kunep angnimin anggak.”

Pol Nup Pikningambun Angyak

¹²⁻¹³ Minek pen, Jiwda biynimb ñin jiwiy omiñal rek ap nan-giy, minim ang ar nokom ay anggak, “Chin Pol nup ma pikaypun won biy; tap ma ñimbii, ñiñg ma ñimbii giningambun angyak.” ¹⁴ Kun anggiy, am Gor nup simbonjep biyomb gok sek, bi kanjsol yikop gok sek kuyip anggak, “Chin niñind yimb apun. Tap ma ñiñningambun: Pol nup pisnep pik ay mey, kisen tap ñiñningambun. ¹⁵ Kun ak nimb, amiybi yomb anup minim yokiy, yesek anggiy angnimimb, ‘Pol nup dand biy apey, nup minim gunap sek angniñ tep ginjun angnimimb.’ Yesek kun angem mey, chin ñiluk ay mindoningambun; apeningamb, pisnep pikayingambun angyak.”

¹⁶ Pen Pol nunay ñinuk ak, Pol nup pikaying giyak minim kun ak niñiy, numbap Pol nup dam ayak korip ak amiy, angñak. ¹⁷ Angñek, Pol niñiy, amiybi kuyip kond mindep bi bap nup anggak, “Bi paranj biy, minim bap mindip. Nup poñind amiybi yomb yimb mindip ak amey, minim kun ak anggañ anggak.”

¹⁸ Anggek, nunay ñinuk kun anup poñind amiybi yomb yimb mindek ak amiy anggak, “Pol kalambis bi ak angip, ‘Bi paranj biy minim bap mindip nen, nup poñind dand, biyomb yimb ak mindip amey, minim kun ak angnimuñ anggek;’ poñind aswiyn anggak.”

¹⁹ Kun anggek, amiybi yomb yimb ak, ñi kun anup ñin kind ak diy, poñind gol okok amiy anggak, “Yip minim angniñ apan kun ak, anggañ anggak.”

²⁰ Anggek, ñi paranj kun ak anggak, “Jiwda biynimb gok toy nip minim yokiy, yesek angningambay, ‘Pol nup dand kanjsol mindpay ak apenimin, minim gunap sek angniñrep ginjun angningambay.’ ²¹ Kun ak minim kiy angningiy ak, ma niñnimin. Bi kiyk ñin jiwiy omiñal rek, Pol nup ñang ay nep mey, tap ñiñningambun anggiy, minim angaypay. Kiyk minim nip ak niñiy, kun ginjun anggiy kond mindpay anggak.”

²² Kun anggek, amiybi yomb yimb ak niñiy, nup anggyokiy anggak, “Biyimb gunap kuyip niñiy, amiybi yomb yimb anup, kun kun giy anggiy aswiyn ma angnimin anggak.”

Pol Gapman Biyomb Piyliyks Mindek Ak Amnak

²³ Amiybi yomb yimb ak kun anggiy, amiybi kond mindep nuk omiñal ak suk anggek aper anggak, “Pol nup pik aying minim aspay. Kun ak miñiy kisyimnamb biyañ, nup poñind dand Siysariya amnimimb. Bi kusay diniñgiy gok, ñin jiwiy onep wanjrem ak diy, amiybi gok, ñin jiwiy onep wanjrem ak diy, kanj hos sek diniñgiy gok, ñin jiwiy omiñal nokom,

andikiy onep wanjrem ak diy dand amnimimb. ²⁴Pol nup hos gunap sek di namb ay, poɲind dam, gapman biyomb Piyliyks mindip ak yokiy winimimb aŋgak.”

²⁵Kun aŋgiy, nuk biyomb Piyliyks nup minj bap tikiy aŋgak, ²⁶“Yand Kilodiyas Liysiyas; nip gapman biyomb Piyliyks minj tiksipiyn. ‘Nand mindpan?’ ²⁷Bi nip yoksiyiyn biy, Jiwda biynimb pikayning gey, yand niɲnik: nuk bi Rom nimb ak niɲiy mey, amiybi yand gunap yip amiy, nup dand winuk. ²⁸Dand apiy, nup pikniŋ giyak minim kiñiŋ kun ak niɲiyn aŋgiy, nup dand kanjsol miytiyŋ kiyk ak amiy niɲnik: ²⁹Jiwda biynimb kiyk gipay rek minim ar gunap nep mindek. Pen nuk tap gunap gek, nup pisnep pik ayep akan, kalambis ayep minim kiñiŋ bap ma mindek. ³⁰Pen minim bap apay, ‘Bi kun anup ñiluk ay mindiy ñaŋgningambun aŋgey’ mey, nand mindpan ak yoksiyiyn. Bi nup minim aspay kun gok, kunep aŋgyoken amiy, minim kiñiŋ kun ak nip aŋgningambay. Tep.”

³¹Amiybi yomb yimb ak kun aŋgiy, minj tikñek; amiybi gok, Pol nup kisyim biyaŋ nep poɲind am am, Antiypatriys amjakyak. ³²Minek, amiybi yikop gok maŋgiysek andkind korip wiyak. Amiybi kanj hos sek gok nep, Pol nup dand Sisariya amiy, ³³gapman biyomb anup minj ñiy aŋgyak, “Kalambis bi dand opun biy, yimb nuk Pol aŋgyak.”

³⁴Biyomb ak nuk minj riytiym giniŋgiy, Pol nup aŋgak, “Nand propens akay nimb?”

Aŋgek, Pol aŋgak, “Propens yand Siyliysiya aŋgak.”

³⁵Kun aŋgek, biyomb ak niɲiy nup aŋgak, “Bi nip minim apay gok apey, minim aŋgningambun aŋgak.” Kun aŋgiy, binuk gunap kuyip aŋgak, “Nup dam gapman biyomb Herot korip ak ay, kond mindrep ginimimb aŋgak.”

Jiwda Biyomb Gok Pol Nup Kor Giyak

24 ¹Pol nup kun giy dam ayey, ñin onep tiŋgawip ak mindek. Minek mamind ak, Gor nup simboŋgep biyomb yimb Ananayas, Siysariya amniŋg, Jiwda kanjsol kiyk gunap poɲind, bi minim aŋgep kiyk Tetiwlas yip, Siysariya amniyak. Amiy, gapman biyomb Piyliyks nup niɲiy aŋgyak, “Pol nup kor gun aŋgyak.”

²Kun aŋgeyak, gapman biyomb ak, Pol nup aŋgek apek, bi minim aŋgep Tetiwlas, Pol nup kor giniŋg, gapman biyomb Piyliyks nup aŋgak, “Nand mey, gos niɲrep giy chinup kond mindey mindrep gipun. ³Gipan kun ak, chin nip tep yimb apun. ⁴Nip minim paryomb ma aŋgningayn; minim maŋ won aŋgning gispiyn ak, timund pik niɲnimin.

⁵“Chin niɲbun: bi kun biy per timey nep gip. Miñmon akay akay amimb okok, Jiwda kay kuyip tuŋgasik keykey ayakniŋ, pernep penpen gipay. Biynimb Jiysis bi Nasaret nimb anup gosimb niɲbay gok, biyomb kiyk mey kun ak. ⁶⁻⁷Nuk Gor aŋgningep korip chinup ak kunep gek

timey ginimuj rek ayek mey, nup diy, tap chinup gip kun ak kor gining gonuk, amiybi yomb yimb Laysiyas, kaljiw apiy, ⁸nup dand amiy angak, 'Bi nup kor gining gipay gok, biyomb Piyliyks mindip ak amiy, kor giningiy angak.' Kun angkek mey, miñiy opun. Minim kun ak, Pol nup angninganingamban, nuk key, nup kor gipun minim kiñij ak angkek, niñningamban." ⁹Tetiwas kun angkek, bi Jiwda ap mindeyak gok, minim nup ak kindik giy angyak, "Niñind yimb angip angyak."

Pol Biyomb Piyliyks Nup Minim Angak

¹⁰Gapman biyomb ak, Pol nup minim angan angkek, Pol angak, "Nand simiy kuñaynep miñmon biy kond mindiy, niñrep gipan rek, yipund giy nep angningamban. Kun ak mey, yip tep gakniñ nip minim aspiyn. ¹¹Yip Jerusalem per girangip anggey ma niñningamban; yand Gor nup angningiyn anggiy, menikarik siñbiy nep, Gor angningep korip ak amnik. ¹²Yand biynimb gunap diy Gor angningep korip ak akan, Jiwda nan-gep korip okok akan, dawin yomb namb okok akan; simbwur timey gep rek minim gunap ma angnik. ¹³Yip miñiy kor gispay ak, nand niñningamban; minim kiñij bap ma mindeningamb.

¹⁴"Pen nip minim bap miseñ angning gispiyn. Yip apay 'Pol chin Jiwda gunap gipun rek ma gip. Nuk Jiysis nup kisen giyij, Gor nup angningimb apay.' Minim kun ak niñind apay. Yand Jiysis binuk yimb ak mey, kun gipiyn. Apis basind sikop Gor angningiyngipay anep, yand angningbiyn. Bi Gor minim anggep gok, minim tikyak ak ma kirpiyn. ¹⁵⁻¹⁶Jiwda gunap, 'Biyimb tep gok sek, biynimb timey gok sek mangiysek, kumiy tikjakningambay anggiy niñbay rek ak' yand kunep niñbiyn. Gor yip am mindeningambiyn anggiy, monmon ma gipiyn. Gor niñiy akan, biynimb gok niñiy, sisker gip angningambay ak niñiy mey, niñrep giy, mindrep gipiyn.

¹⁷"Pen yand simiy gunap, miñmon okok tanggiy, biynimb yand tap ma mindip gok kuyip maniy ñiy, Gor nup tap simbong ñiyn anggiy, Jerusalem amnik. ¹⁸Amiy, Gor nup tap simbong ñiyn anggiy, ñiñ pikrep giy, Gor angningep korip ak am mindenik. Pen biynimb kuñay ma ap mindeyak ak mey, penpen anggep rek minim gunap ma angnik.

¹⁹"Pen Jiwda biynimb Esiya nimb gok, ap yesek anggiy, yip diyak. Minim kiyk mindombikop ak, biy apiy minim kun ak apyap. ²⁰Ma opay ak, bi kanjsol guniy, yip Jerusalem biy kor giy, timey gen minim kiñij niñyak ak, anggey niñnimin! ²¹Pen yip kor giyak ñin ak, minim nokom bap nep angnik. Meng miñgan dand araniy angnik, 'Yand biynimb kumiy tikjakpay anggiy gos anep niñen, yip kor gispim angnik.'

²²Pol kun angakniñ, gapman biyomb Piyliyks, biynimb Jiysis nup gosimb niñyngipay gok per girep gey niñak ak mey, Jiwda biynimb minim ar kuyip ak ma diy angak, "Kisen amiybi yomb yimb Liysiyas apek, minim nup ak niñiy, minim kun ak angningayn angak."

²³Kun anggiy, bi kalambis kay kuyip kond mindep anup angak, “Pol nup miñ ay, kond mindrep ginimin. Pen nup pisnep miñ wos ma aynimin; nuk tap gunap ma mindek, biynimb nuk gok kuyip angñeñek, nup ñiningiy angak.”

Pol Kalambis Simiy Omiñal Mindek

²⁴Kisen minek bap, Piyliyks biynuk Driwsiyla yip, Pol nup niñning wirik. Biyn Driwsiyla kun ak, nuk Jiwda biyn bap. Pen kiyber apiy, nuñgumiy Pol nup suk angek apek, Pol nuk Jiysis nup yergiy chingipay minim ak ang dand amyiñg angak, ²⁵“Gos chin ar ak key ma niñjun, Gor angip rek niñiy, mindrep ginjun. Mer ak kor yomb ak niñningambun angak.” Kun angek, gapman biyomb Piyliyks minim kun ak niñiy pirikiy, jep di giy, Pol nup angak, “Nand miñiy am mindenimin; kisen yikop mindiy ker nip suk angen winimin angak.”

²⁶Pen biyomb kun ak, gos nuk okok nep niñiy angak, yand Pol nup minek minek suk angen apek mey, gos nuk ak niñiy angñingamb, ‘Yand nup kapkap maniy ñiy amniyn anggiy, yip maniy ñiningamb angak. Pen gos kun ak niñak rek, Pol nup minek minek suk angek apek, minim angyiñgiyiy.’ ²⁷Pen Piyliyks, Pol nup yikop wisik yoknim anggiy niñak ak pen; Jiwda biynimb yip yiruk niñningambay anggiy kirgak.

Pol kalambis nep mindek, simiy omiñal yinakniñ, binak Posiyas Pestas, Piyliyks tip nup ak diy, Siysariya propens ak kond mindek.

Pol Biyomb Siysa Nep Yip Kor Niñningamb Angak

25 ¹Pen biyomb Pestas, Siysariya apiy, ñin omiñal nokom mindiy, Jerusalem amnakniñ, ²⁻³Gor nup simboñgep biyomb gok sek, Jiwda biyomb gunap sek nup niñiy; Pol nup kinjeñnamb ak ñiluk ay pikayniñg angyak, “Chinup simb niñiy, bi nand gunap angenimin, Pol nup kasek dand Jerusalem winiñgiy angyak.”

⁴Kun angeyak, Pestas angak, “Pol kalambis mindip Siysariya. Kun ak, yand amniñg gispiyn rek, ⁵nup minim gunap mindonimuy, biyomb nimb gunap angem, yand yip Siysariya amiy, nup kor giniñgiy angak.”

⁶Kun anggiy, nuk ñin kaw bap mindiy, biyomb kiyk gunap Pestas yip Siysariya amniyak. Minek, kor gep miñgan ak amiy, Pestas angek, ⁷Pol nup dand apeyak, Jiwda bi Jerusalem nimb wiyak gok ap nup piñiy kus kus giy, minim ar keykey kuñaynep angyak. Pen minim angyak ar kun gok, minim kiñiñ mindek ma angyak; yesek nep angyak.

⁸Pen Pol tikjakiy angak, “Yand Jiwda biynimb minim ar ak akañ, Gor angñeñep korip minim ar ak akañ, Rom biyomb Siysa low minim nup ar ak, ma timbrikpiyn angak.”

⁹Angek, biyomb Pestas gos nuk ak key niñiy angak, “Pol nup Jerusalem yoken, Jiwda biynimb yip niñey tep giniñgamb anggiy,” Pol nup angñiñiy angak, “Kor minim kun biy, Jerusalem amiy angjun?”

¹⁰ Angek Pol angak, “Miñiy Rom biyomb Siysa kor ar nuk ak mindpiyn. Yenen Jerusalem amiy anjgun? Yand Jiwda biynimb kuyip tap bap ma yimb gipiyn ak, nand kunep niñban. ¹¹ Pen tap bap gen, kor giy yip pikayun apyap ak; ma pirikipinip. Ak yip monmon pikpiyap. Pen kor giy, minim kiñiñ ma mindip ak, yip Jiwda biynimb kuyip ñining gispan ak, yipund ma gip. Rom biyomb yimb Siysa, low nuk bap kun giy ma mindip. Kun ak yand biyomb Siysa mindip ak amiy, minim kun biy anjningayn. Pen yand Jerusalem ma amningayn angak.”

¹² Pol kun angek, biyomb Pestas am binuk gok yip minim kun ak anj amiy apiy giy, andkind apiy angak, “Biyomb Siysa kor yip ak niñningamb apan ak mey, nip Siysa mindip Rom angyokon, kor kun ak giniñgamban angak.”

Pol Biyomb Anjriypa Nup Minim Anjñak

¹³⁻¹⁴ Pen ñin bap, kiyñ Anjriypa yip, nunay nuk Baniys yip anjrik, “Binak Pestas miñiy ap biynimb kond mindip Siysariya. Chir am nup niñiy owiy anjrik.” Kun anjgiy, Siysariya amiy, Pestas yip ñin kaw bap mindyng; Pestas kiyñ Anjriypa nup angak, “Yand kisen winik; nind Piyliyks miñmon biy kond mindek ñin ak, bi Pol apay anup, kor giyak ak mey, kor giniñ ap kond mindip biy. ¹⁵ Yand Jerusalem amenik, Gor nup simbonjep biyomb gok sek, bi Jiwda kanjsol gok sek manjgiysek angyak, ‘Pol nup pikaynimimb angyak.’ ¹⁶ Pen minim kiñiñ bap ma anjeyak kuyip anjnik, ‘Chin Rom biynimb low bap kun giy ma mindip. Biynimb yikop ma pikpun; kor giy, minim junj bap mindamb nep mey, kun gipun anjnik.’ ¹⁷ Kun anjgiy, yand yip Jerusalem biy apiy, minek mey, am kor gipay korip miñgan ak bisgiy, Pol nup suk anjen owak. ¹⁸ Yand anjñiñnik-eñ, minim yomb yimb mindip anjnik ak pen, bi nup kor giyak gok, minim angyakniñ niñnik; minim yomb ma mindek. ¹⁹ Kiyk yikop angyak, ‘Gor minim ak, chin anjrep gipun rek ma anjgiy; nuk gunap sisker anjgiy angyak.’ Bi bap yimb nuk Jiysis angyak ak kunep; kiyk pisnep kumimb angyak’ ak pen; Pol angak, ‘Miñiy tikjakiy kim mindip angak.’ ²⁰ Gor minim anjgiy kor gipay ak, yand niñrep ma gipiyn rek, nup anjnik, ‘Jerusalem amiy, minim kiñiñ kun ak anjñiñgamban akañ anjenik,’ ²¹ ‘Mer! Yand kalambis nep mindeniñgayn. Kisen Rom biyomb yimb Siysa, nuk key minim kun ak anjñiñgamb angak.’ Kun angek, yand nup Siysa ker yokniñg, kalambis aypiyn rek mindip anjnik.”

²² Pestas kun angek, kiyñ Anjriypa angak, “Pestas. Bi kun ak minim nuk key angek, yand niñningayn angak.” Angek angak, “Kun ak toy niñnimin angak.”

²³ Kun angek, minek, Anjriypa nunay Baniys yip, chech tep tep nep ay, amiybi yomb gunap, biyomb miñmon kun ak nimb gunap yip wilikiy, biynimb yomb aswun anjgiy, yiñrimey giyng, kor niñep korip miñgan ak

wiyak. Ap mindyakniņ, Pestas bi gunap kuyip angak, “Pol nup am dand owim angak.”

²⁴Angkek, dand apeyak, Pestas tikjakiy angak, “Kiyņ Aņgriypa sek, biynimb ap mindpim guniy sek bi biy nup niņim. Jiwda biynimb nup kor giy, minim yomb aņgiy, bi kun biy pisnep pikayep apay. Jerusalem minden, yip kun anep apay; biy apen, kun anep apay. ²⁵Yand niņbiyn: biynimb gok tap timey yimb gey, niņ gunap pikaypay ak pen, bi biy nup kor giy niņnik: tap kun ak rek bap ma gak. Nuk key angak, ‘Biyomb Siysa nep minim yip kun ak aņņningamb angak.’ Kun ak mey, yand gos kun ak niņiy, Siysa ker yokniņg gispiyn. ²⁶Pen yand bi kun biy tap yerip yerip gip minim kiņiņ ak, minj sek tikniim rek ma ayip. Kun ak, kiyņ Aņgriypa sek, biynimb yikop gok sek nimb minim nup ak niņiy, tap gunap yerip yerip gip ak aņgem, minj sek tikiy, biyomb Siysa mindip ak yoknim. ²⁷Yikop yokniņgambiyn ak, yand niņen yipund ma giniņgamb angak.”

Pol Kiyņ Aņgriypa Nup Minim Angak

26 ¹Pen kiyņ Aņgriypa Pol nup angak, “Yand nip niņsipiyn nen, minim aņņan angak.”

²Angkek, Pol niņ dand araniy angak, “Kiyņ Aņgriypa. Nand nep apiy yip minim aņņnimin aņgey, Jiwda biynimb minim yip apay ak, nip aņņniņg gispiyn ak; yip tep gip. ³Chin Jiwda biynimb gipun gipun ar ak nand maņgiysek niņban ak mey; nip nep aņņniņg gispiyn ak, yip tep gip. Kun ak minim aņņen, yip yiruk ma niņnimin.

⁴⁻⁶“Jiwda biynimb Jerusalem nimb gok, yip kor gispay ak; Gor wosrey basind apis sikop kuyip minim tep aņgek, gos sek kond mindyigipay minim anep aņņen, yip kor gispay. Pen yand bi key okok nimb rek, minim bap key aņņnim: yand bi key okok nimb mer; bi Peresiy, Jiwda low minim niņiy, asik tep yimb gipiyn bap. Niiskoy miņg mindiy, mind dand apiy, miņiy mindpiyn niņ biy, miņmon yand Tasas nimb, Jerusalem nimb gipiyn. Kun ak yip Peresiy aņgiy niņbay ak pen, minim kun ak weygiy, yip kor gispay.

⁷“Nand niņban: ‘Chin Jiwda biynimb gok kiņiņ keykey onep wimiņgan ak mindpun. Chin maņgiysek, Gor basind apis sikop kuyip angak minim tep ak kond mindpun. Nuk biynimb kumbay gok, gen tikjakniņgambay angak minim ak niņmindiy, pumbnamb kisyimken, nup aņņniņyig mindpun. Pen kiyņ Aņgriypa nand niņan! Kumiy tip tikjakniņgambun minim anep aņņen, yip kor gipay! ⁸Pen nimb yenen biynimb kumbay gok, Gor gek ma tikjakniņgambay aņgiy niņbim?

⁹“Pen yand key, nind Jiysis Nasaret nimb minim ak, yipund ma gip aņgiy, Gor biynimb nuk gok kuyip, timey yimb giyigipiyn. ¹⁰Pen Jerusalem minden, Gor nup simboņgep biyomb gok yip aņgey, Jiysis ker

mindeyak biynimb gok kuyip am dand apen, kalambis ayiŋgipay. Gunap pisnep pikayiŋgipay. Biynimb pikayiŋgipay gok kuyip panj aŋgiŋgipiyn. ¹¹Jiwda nan-gep korip okok taŋgiy, biynimb Jiysis nup gosimb niŋyak gok kuyip niŋen, yip milukrimey yapek; minim kun ak kirginimimb aŋgiy, kuyip timey giyiŋgipiyn. Nin gunap biynimb kun gok piyow niŋiyn aŋgiy, miŋmon paryomb okok amyŋgipiyn.

Pol Jiysis Nup Gosimb Niŋak Kesim

¹²“Pen ñin bap Damaskas biynimb Jiysis nup gosimb niŋyak gok kuyip, miñ ay dand wiyn aŋgen, Gor nup simboŋgep biyomb gok yaw aŋgiy, minj tikñey, dand saŋdinik. ¹³Pumbnamb yomb yoŋ won ak, kinjeŋnamb ak amyŋŋ niŋnik; melik yomb ak semb biyoŋ nimb, chin amninuk ak niŋak. Biyomb niŋan! Melik niŋak kun ak, pumb melik rek mer; melik kun ak key yimb gak. ¹⁴Kun gek, chin maŋgiysek apyap pikiy, yand niŋnik; minim bap, minim yimb chin Hiybriw minim aŋgiy, yip aŋgak, ‘Sol! Sol! Yip yenen per miluk niŋiy timey gipan? Nip per kinjeŋ tep yomiyn apiyn ak pen; yip timey gipan ak, nip key yiwur gisap aŋgak.’

¹⁵Aŋgek, yand aŋgnik, ‘Biyomb nand an?’ Aŋgenik aŋgak, ‘Yand Biyomb Jiysis; yip per timey gipan ak nep aŋgak.’ ¹⁶Kun aŋgiy, yip aŋgak, ‘Tikjakan! Yand nip minim aŋgning opiy ak aŋgning gispiyn. Nand woŋg yip ak giy, yip miñiy niŋban rek, pen kisen yomen niŋrep giniŋgamban rek, biynimb gunap kuyip aŋgñiniŋgamban. ¹⁷Kun giy aŋgñiyiŋ taŋnakniŋ, Jiwda biynimb gok sek, biynimb Jiwda mer gok sek nip timey giyakniŋ, kond mindeniŋgayn. ¹⁸Kun ak biynimb kisiyim wip okok mindpay gok, melik tep ak niŋningambay. Seytan nup gos ak kirgiy, Bapiy gosimb chirupapiy anep niŋningambay. Yip diniŋgambay kun ak, tap yerip yerip timey giyak gok, Bapiy niŋiy kirginiŋgamb. Nuk kuyip niŋek, biynimb yand nindnimb gok niŋek tep gip rek ak giniŋgamb aŋgak.’

Pol Gor Nup Woŋg Giyiŋgip Ak Aŋgñak

¹⁹“Pen kiŋŋ Aŋgriypa. Yand melik semb biyoŋ nimb apiy minim aŋgak kun ak, ma kirginik. ²⁰Damaskas amiy, biynimb kun okok kuyip Jiysis minim tep ak aŋgñinik. Kisen am Jerusalem biynimb kuyip aŋgñiy, Jiwdiya biynimb okok kuyip aŋgñiy, biynimb Jiwda mer miñmon okok aŋgñiy ginik. Kuyip aŋgñiy aŋgnik, ‘Tap siy tap timey gipim gok yenen kun gipun aŋgiy kirgiy, Gor nup gosimb nokom niŋiy, aŋgip rek ginimimb aŋgnik.’ ²¹Jiwda biynimb mer gok sek, minim kun ak aŋgñinik ak mey, kisen Gor aŋgñiŋep korip ak amenik, Jiwda biynimb yip niŋiy mey pikayak. ²²Pen Gor yip kond nep mindip rek, minim tep nup ak, biynimb yimb mindip gok sek, biynimb yimb ma mindip gok sek aŋgñiyiŋ nep mindpiyn. Minim aŋgñimbiyn kun ak, ar bap key mer; binak Mosis sek,

bi Gor minim anjgep gunap sek angyak rek nep angñimbiyn. ²³Kiyk angyak:

“Krays apiy, miker diyinḡ, kumiy tikjakningamb ak mey; Jiwda biynimb gok sek, Jiwda biynimb mer gok sek kumiy, tikjakep kinjeḡ ak niḡningambay angyak.”

²⁴Pol minim kun ak angakniḡ, biyomb Pestas minim yomb angyi angak, “Pol. Nand minim ar keykey lainiyḡ gipan rek, jun muk nip ak milip gek aspan angak.”

²⁵Angek, Pol angak, “Biyomb Pestas. Yip jun muk milip gek ma aspiyn; gos niḡyinḡ, minim niḡind yimb ak aspiyn. ²⁶Kiyḡ Angriypa! Chin niḡiy gipun ar ak, nand niḡban ak mey, yand nip pirikiy ma asipiyn. Yand niḡbiyn: Jiysis nup yerer giyak ak weygiy ma giyak; miseḡ nep geyak niḡnak ak mey, tap bap ma niḡban mer; maḡgiyseḡ niḡban.

²⁷“Nand bi Gor minim anjgep gok, minim angyak ak, niḡind angyak angyi, gos niḡban? Yand niḡen; nand niḡind apay angyi niḡban rek ayip angak.”

²⁸Pol kun angek, kiyḡ Angriypa angak, “Pol. Nand yip, minim sikoy bap anḡen, Jiysis binuk bap mindeḡ angyi, yip minim kun ak aspan?”

²⁹Angek, Pol angak, “Minim paryomb angyi akaḡ, minim maḡ won angyi ma apiyn; yikop Gor nup anḡniḡiy apiyn, “Nand sek, biynimb minim anḡen niḡmindpay guniy sek yand mindpiyn rek, mindeniḡiy angyi apiyn. Pen yip sen aypay rek, kuyip ma ayniḡiy angyi apiyn.”

³⁰⁻³¹Pol kun angek, biyomb Pestas ak, kiyḡ Angriypa ak, nunay Baniys ak, biynimb mindeyak gok maḡgiyseḡ mis tikjakiy angyak, “Biynimb gok timey gey mey, kor giy, gunap kalambis ay, gunap pisnep pik ay gipay; pen bi biy tap timey bap ma gip angyak.”

³²Kun angyi, kiyḡ Angriypa, Pestas nup angak, “Miñiy kalambis kirgiy mis ambikop ak pen; nuk Siysa kor yip niḡningamb anḡip ak mey, kalambis mindiy, biyomb Siysa mindip ak amniḡamb angak.”

Pol Nup Yokon Rom Amniḡamb Angyak

27 ¹Kisen minim anḡay angyak, “Bi kalambis gok kuyip, biyomb Jiwliyas, amiybi kuḡay yimb kond mindip anup ñon, amiybi nuk gunap yip poḡind biyomb Siysa mindip Rom amniyaḡ angyak.” Amiybi kun gok kuyip anḡyḡḡipay, “Biyomb Siysa amiybi nuk yimb anḡyḡḡipay.” ²Pen ñin kun ak, siyip Andramaytiyam nimb ak, miñmon Esiya amniḡ gek mey, siyip kun ak dinuk. Bi Masedoniya propens nimb bap yip amninuk. Yimb nuk Ariystakas. Miñmon sikoy nuk ak mey Tesalonayka.

³Minek Saydon amjakonuk. Pen Jiwliyas Pol nup ma girimey gak; nup angak, “Am buḡgiy nand gok kuyip niḡey, nip tap yerip tikdinimuḡ gok, niḡniḡiy angak.” ⁴⁻⁵Pen chin Saydon kun ak kiring amyiḡ niḡnuk; yiḡen

yomb yimb ak apiy, ñiņg siy ak paņgek. Kun gek, Saypras bak okok amiy, am am Siyliysiya sil giy, am Pampiyliya sil giy, miñmon yomb Lisiya amiy, am Mayra amjaknuk. ⁶Amjakiy, amiy biyomb bi kalambis kay kuyip kond mindek ak niņak; siyip Aleksandriya nimb ak, Rom amning gek. Niņiy, chinup aņgek siyip kun ak dinuk. ⁷Diy, kapkap nep am am, Naydas amjaknuk. Pen yiņgen yomb ma apek, yipund giy amemb rek ma ayek mey, piskind okok nep am am, Salmoney sil giy, Kriyt bak okok amiy, ⁸kosyam am am, Per-Heypens amjaknuk. Miñmon kun ak, miñmon yomb Lasiya maņ okok. ⁹⁻¹⁰Chin kun giy sayn nep girangnukniņ mey, Jiwda biynimb tap ma ñimbay ñin ak pandikek; ñiņg siy yomb paņgep ñin ak owak.

Pen Pol nuk, bi siyip kapten ak sek, bi siyip nop ak sek kuyip aņgak, “Bi guniy. Amemb rek ma ayip ak; amoniņgambun, tap kakaw timey giy, siyip timey giy, chinup gunap pikayniņgamb aņgak.”

¹¹Pol kun aņgak ak pen, siyip kapten ak sek, bi siyip nop ak sek aņgrik, “Miñmon biy miñmon timey. Yiņgen nep dip ak, siyip ak mindrep ginimuņ rek ma ayip aņgrik.” Kun aņgerik, amiybi yomb Jiwliyas, Pol minim ak kirgiy, minim kuyip ak dak. ¹²Bi siyip nop ak sek, bi siyip woņg giyak gunap sek aņgyak, “Yiņgen yomb dip ñin biy, miñmon timey kun biy ma mindonjun; Piyniyks maņ mindip ak am mindonjun. Yiņgen yomb wip ñin ak, siyip dam miñmon kun ak ayey, timey ma gip aņgyak.”

Yiņgen Yomb Apiy Ñiņg Siy Paņgak

¹³Kun aņgiy, kun ak mindiy, yiņgen siskoy owak ñin bap, miñiy amiy, amjakniņgambun aņgiy, aņga yokyak ak lipiņg diy, ñiņg timb kuskak Kriyt kun ak, ñiņg gol ar ak amninuk.

¹⁴Kun giy amninukniņ, yiņgen yomb ak amninuk okok ken apiy, chinup dand yesek okok amning rek gak. ¹⁵Kun gek, bi siyip nop gok, dand yipund giy amnun aņgiy, gi mer niņiy kirgiyak. Chinup sesek dand ñiņg solwara namb yomb okok amnak.

¹⁶Kun giy dand amek, am am, ñiņg timb kuskak miñmon sikoy Kawda aņgyak ak bak okok amiy aņgnuk, “Yiņgen siskoy asaw rek, bot sikoy band ak diy, siyip yomb miņgan ak ayun aņgiy, kosyam yimb daynuk. ¹⁷Dayrep giy, siyip yomb ak paņgnimuņ aņgiy, miñ gok, okok nimb okok nimb tiwningrep giyak. Pen “Yiņgen yomb asaw biy, siyip chinup ak dand Apriyka amiy, kamb kalnas akaņ, kamb kilup ak piņiyek, paņgningamb aņgiy, ser tiwningiyak ak wisik yepyey, jel pirikyņg amninuk. ¹⁸Yiņgen yomb apyiņg nep mindek ak mey, minek siyip ak awan amnaņ aņgiy, tap kakaw gok, yisik ñiņg solwara yokyak. ¹⁹Minek ak kunep, yiņgen di nep mindek mey, tap yerip yerip siyip timey gek ginjun aņgiy dayey mindek gok, ñinen maņgiysek diyokyak. ²⁰Chin minek minek pumb gap gok ma nep niņyiņgipun. Pen yiņgen ak kun giy di nep mindek ak mey, miñmon bap ma amniņgambun; kum diniņgambun aņgiy niņnuk.

²¹Pen tap ma nep ñimbyingipay rek, Pol mindeyak namb ak tikjakiy angak, “Minim yand angnik ak niñbikip rek anggep, chin Kriyt nep mindiy, tap kakaw tap gok ma diyokpinup. ²²Pen gos kunjay ma niñnimimb. Chin bap ma kumningambun; siyip ak nep pisnep timey giningamb.

²³⁻²⁴“Yand Gor binuk ak, nup angniñyiy nep mindpiyn ak mey, miñiy kinambiyn, enjol bap yokek ap yand mindambiyn mañ sijak apiy, angip, ‘Pol ma piriknimin! Gor nip kond mindeningamb ma kumningamban. Mindiy, biyomb Siysa mindip ak amiy, kor niñningamban. Biynimb siyip miñgan guniy kuyip kunep kond mindek ma kumningambay angip.’

²⁵“Kun ak ma piriknimimb. Yand niñbiyn; Gor angip rek nep giningamb. ²⁶Pen chin am am, miñmon ñiñg timb kuskak bap amningambun angak.”

Siyip Pisnep Timey Gak

²⁷Pen yiñgen ak chinup kun giy dand am am, ñin wanjrem piskind ak, kisyimken biyañ mey, ñiñg solwara ‘Edriyatiyk’ apay namb ak amying, bi siyip woñg giyak gok, gos bap niñiy, miñmon sikoy bap apchaksipun rek ayip angyak. ²⁸Kiyk gos kun ak niñiy, kamb kilup mañ mañ mindip akan angiy, ay niñbay tap bap ay niñyak: par yomb yomb mindek. Takiy sikoy won bap amiy, tip ak ay niñyak: tapin mañ yimb mindek.

²⁹Kun gek, chin kamb sek okok amjipun rek ayip angiy, pirikiy, anga omiñal omiñal yokeyak, siyip ak aland gak. Aland gek mindying, Gor nup angniñiy angyak, “Miñmon kasek yapiy, pumb ak niñañ angyak.” ³⁰Pen bi siyip woñg giyak gok, miñmon ñiñg timb kuskak yep mañ kun ak amniñg; biynimb gok niñmindeyak rek, yesek tom giy angyak, “Bot sikoy ak dam jun akneñ ken yokiy, anga gunap sek yokun angyak.”

³¹Kiyk yesek kun giyakniñ, Pol niñiy, Jiwliyas amiybi nuk gok yip kuyip angak, “Bi siyip woñg gipay biy, kiyk bot sikoy ak diy mañgiysek am diniñg gispay. Kun ak kiyk amdeningambay, siyip biy an kond mindek mindoningambun? Ak kum diniñgambun angak.” ³²Kun anggek, amiybi gok, minim kun ak niñiy, bot ñiñg biyañ yokniñg geyak miñ ak, pisnep timbrik yokyak.

³³Pen miñmon yowniñg gak won ak, Pol kuyip angak, “Ñin onep wanjrem piskind ak gos kunjay niñying, tap ma ñimbiy, yikop nep mindpim. ³⁴Pen nimbip aspiyn, tap bap ma yimb giningamb. Kun ak yikop mindiy, yergiy mindeningambim; tap niñnimimb angak.”

³⁵⁻³⁶Pol kun angiy, biret ak diy, Gor nup angniñiy, tipang niñakniñ, kiyk kunep simbwur tep gek tap niñyak. ³⁷Chin biynimb tiw handret sendiy sikis, siyip miñgan kun ak mindonuk. ³⁸Pen tap ñimbiy, siyip ak awan amnañ angiy, wiyt mindek gok ñiñg solwara biyañ diyokyak.

³⁹Miñmon tikakniñ, ñiñg timb kuskak miñmon won ak niñnuk ak pen, miñmon kun biy yerip angiy, ma niñnuk. Pen kiyk niñyak; ñiñg solwara

akneꝝ timbsak amnak ak, kamb kilup tep yimb ak mindek ak mey, angyak, “Siyip ak ar kun ak yipund giy amningambun angyiꝝ,” ⁴⁰siyip anga yokyak miñ gok timbrikiy, siyip pis pis ayak stiya omiñal ak wisik yepiy, ser yomb wisik ayak ak, tip ak tiwningiy, sanḍinuk. ⁴¹Am am mey, siyip jun day ak, kamb kalnas day ak piñiy; aldi wos gak. Kun giy aldi wos gek, ñiñg solwara ak pañg apiy, siyip sumb day okok ken, pisnep pikpañg pikek amnak. ⁴²Kun gek, amiybi gunap, ap biyomb kiyk Jiwliyas nup angyak, “Siyip ak timey gisap. Bi kalambis gok pirik amey, chinup anḡ giniñgambay. Kun ak kuyip pikayun angyak.”

⁴³Kun angyak ak pen, Jiwliyas Pol nup gos niñiy, kuyip mer angyi angak, “Bi ñiñg kas pilik niñbay gok, nind ñiñg kas pilikiy ameningiy; ⁴⁴kisen bi ñiñg kas ma pilik niñbay gok, pilañ day day gok, chichiy diy amningiy angak.” Anḡgek, angak rek nep ginuk. Bi bap ñiñg ma ñiñuk; mañiysek kim amninuk.

Pol Miñmon Molta Mindek

28 ¹Pen chin miñmon ñiñg timb kuskak kun ak amonuk, biynimb kun gok mindeyak gok, chinup angyak, “Miñmon biy, Molta angyak.” ²Kun angyi, chinup girep giyak. Chinup miñmon pik pir gak rek; mon dap dañgiyey, mañiy tep ginuk.

³Pol pen am mon alik gunap yipruñḡ dand apiy, dañgiyakniñ, kondkol ak mon alik dand wak namb kun okok mindek ak mey, pipoñ gek, araniy Pol nup ñin kind ak siwyinjsek ayak. ⁴Kun gek, biynimb miñmon kun ak mindeyak gok niñiy, kiyk key angyak, “Kalambis bi biy, timey gip rek, kim amnimun rek ma ayip. Ñiñg solwara namb ak mindiy, siyip ak timey gek ma kumimb ak pen; miñiy kumningamb angyak.”

⁵Kun angyak ak pen, Pol ñin mañiy nuk ak pipal pikek, kondkol kun ak yapiy, mon yinak. ⁶Biyimb kun gok pen, Pol nup kondkol siwip ak, siw giniñgamb akañ, kasek kumningamb angyi, tapin niñmindey, nup tap bap ma gek angyak, “Bi kun ak biyimb bap mer: nuk gor bap angyak.”

⁷Pen biyomb miñmon kun ak kond mindek ak, yimb nuk ak Pabliyas. Korip miñmon nuk ak mañ kun siñak mindek ak mey, chinup dand korip nuk ak amiy, ñin omiñal nokom kond mindrep yimb gak. ⁸Biyomb kun ak, nop nuk ak, mumbwak nup okok mon rek yiniy, simb koñgil kunep giy, kum mindek. Pol Gor nup anḡniñiy, nup diniñek, tap gak kun ak pisnep suñ ayak. ⁹Kun gek niñiy, biynimb miñmon kun ak tap gak gok, apeyak, Pol diniñek, kuyip suñ ayak. ¹⁰Pol kun gek mey, chinup kond mindrep yimb giy; siyip diy amning ginuk ñin ak, tap yerip ma mindek gok, chinup monmon ñiyak.

Pol Rom Amjakak

¹¹Pen miñmon kun ak, siyip Aleksandriya nimb bap ap mindek. Siyip kun ak yimb nuk ak “Tamsek” angyak. Ñin kun ak yinḡen yomb dep

ñin ak owak ak mey, amemb rek ma ayek, kun ak mindek. Chin kunep miñmon kun ak mindon, takin omiñal nokom amnakniñ, ¹²yinjen yomb ma dep ñin ak apek, siyip Tamsek kun ak diy, Sayrakus amninuk. Amiy, ñin omiñal nokom kun ak mindiy, ¹³siyip kun ak nep diy, Resiyam amninuk. Minek, yinjen yomb ak kund okok ken apiy, siyip ak dand kasek amek mey, ñin omiñal ñing namb okok mindiy, Puteyoliy amjaknuk. ¹⁴Miñmon kun ak, biynimb Jiysis nup gosimb niñyak gunap mindeyak ak mey, chinup angyak, “Chin yip mindiy amnimimb angyak.” Angeyak, kiy yip ñin onep ar ak mindiy, Rom amnun angyi sanjinuk.

¹⁵Pen Rom biynimb Jiysis nup gosimb niñyak gok, chinup asway angey niñiy, gunap ap chinup Apiyas maker namb ak, namb pikyak; gunap ap chinup namb pikyak; stowa omiñal nokom mindek miñmon ak. Pen chinup ap namb pikyak rek, Pol kuyip niñiy, simbwur nup ak tep gek, Gor nup, “Tep” angak.

¹⁶Pen chin Rom amonuk, gapman biyomb ak, Pol nup angak, “Korip nak bap key kinimin angek,” nuk korip bap piyow niñiy kin mindakniñ, amiybi bap nup kond mindyngip.

Pol Jiysis Minim Tep Ak Angak Miñmon Rom

¹⁷Pol ñin omiñal nokom mindiy, minim angning, Jiwda biyomb miñmon kun ak mindeyak gok kuyip suk angek, ap nan-geyak angak, “Mam sikop. Yand biynimb chin gok ma miluk niñiy, basind apis sikop minim angyak ak ma timbriknik ak pen, Jiwda biyomb Jerusalem nimb gok, yip kalambis ay, dam Rom gapman biyomb kun okok mindpay gok kuyip ñeyak, ¹⁸⁻¹⁹yip kor giy niñyak: minim kiñing bap ma mindek. Yip pikniñgiy rek ma ayak. Kun gek mey, yip wisikyokun angyi niñyak ak pen; Jiwda kay mindeyak gok, kilis timey giy, yip tip ak kor geyak mey angnik, ‘Biyomb Siysa nep kor yip ak niñningamb angnik.’ Biynimb yand gok kuyip minim bap mindek kun ma ginik. ²⁰Pen chin Jiwda gok, minim tep gos sek kond mindpun ak nep angen; yip miñ aypay. Minim kun ak angning mey, nimbip suk apiyn angak.”

²¹Pol kun angek, nup angyak, “Bi Jiwdiya nimb kun gok, biy apiy akanj, minj ñey apek, minim timey gunap nip angey, ma niñbun. ²²Kun ak, nand minim nand key angey chin niñjun. Pen chin niñbun: Jiwda biynimb gok apay, ‘Biynimb gos nand niñban rek niñbay gok, biynimb tep mer apay’ angyak.”

²³Pen kiyk kun angyi, ñin bap minim angningambun angyi, angayak. Kisen ñin angayak kun ak apek, biynimb nind wiyak rek mer, kuñay yimb nep Pol mindek korip ak, maynamb yimb ap nan-giyak. Kun giy ap nan-geyak, Pol nuk Gor biynimb diy kond mindeningamb minim ak angniyin; Mosis sek, bi Gor minim angep gunap sek Jiysis kun kun giy giningamb angyi tikyak minim ak sek angniyi gak. Jiysis nup minim ak angen niñyan angyi, minim kun ak angn mindakniñ, pumb pañind amnak.

²⁴Pen minim anggak kun ak, gunap anggak rek niŋyak; gunap ma niŋyak. ²⁵Biynimb ma niŋyak gok kuyip anggak, “Wosrey Gor Kawnan ak, Asaya nup bak ayek, niŋind yimb, basind apis chinup gok kuyip minim bap anggak. ²⁶Minim kun ak, Baybol buk ak tikiy anggak:

‘Jiwda biynimb gok kuyip am anggiy angninin, “Minim anggey niŋningambim ak pen; minim angip ak anggiy ma niŋningambim. Windin niŋningambim ak pen, tap bap ma niŋningambim. ²⁷Biynimb guniy minim yand apiyn ak kuyip yiruk gek, ma yimb niŋbay. Gor minim niŋon, chinup gek, biynimb nuk mindenjun rek ma ayip anggiy, timund pil giy, windin jukiy nep mindpay’ anggak.”

²⁸“Kun ak, Jiwdā biynimb guniy. Nimb Jiwdā kay, Gor minim tep ak kirpim rek, nuk anggek amjap biynimb wikan gunap kuyip. Kiyk nep niŋningambay anggak.” ²⁹Pol kuyip minim kun ak anggiwakniŋ, Jiwdā gok kiyk key amyīŋ, pen anggek pen anggek giyīŋ amniyak.

³⁰Pen Pol miŋmon Rom kin mindyīŋgip korip ak, tawyīŋg tawyīŋg nep kin mindek; simiy omiŋal yinak. ³¹Biynimb nup ker wiyak gok, kuyip maŋgiysek direp yimb giy, Gor biynimb diy kond mindeniŋgamb minim ak, angŋiŋ; Jiysis Krays minim ak angŋiŋy gak. Nuk kun gek, Rom gapman biyomb gok, nup ma ang giyak ak mey, biynimb gok kuyip minim kilis giy anggiy, yipund giy nep angŋiŋyīŋgip.